



KEMENTERIAN PEMBANGUNAN WANITA,
KELUARGA DAN MASYARAKAT

KISAH KEJAYAAN

Productive Welfare

JABATAN KEBAJIKAN MASYARAKAT

Siri 5

Kandungan

4 PEMBUKA BICARA
Menteri Pembangunan Wanita,
Keluarga dan Masyarakat

7 OBJEKTIF PROGRAM

128 SEKALUNG PENGHARGAAN

5 BICARA KATA
Ketua Setiausaha
Kementerian Pembangunan
Wanita, Keluarga dan Masyarakat

9 SIDANG REDAKSI

6 SEULAS BICARA
Ketua Pengarah
Jabatan Kebajikan Masyarakat

10 PROFIL KISAH KEJAYAAN
Kategori Ibu Tunggal,
OKU (OKU)
dan Keluarga Miskin

Projek



Perlis

14 PROJEK 1
Fadzil bin Salim

16 PROJEK 2
Nazaruden bin Hussin

18 PROJEK 3
Norhidayah binti Radzli



Kedah

14 PROJEK 4
Mohd Nadziruddin bin Ishak

16 PROJEK 5
Mohd Radzi bin Ismail

18 PROJEK 6
Nur Adila Abd Rahman

14 PROJEK 7
Nursyafawati binti Aznan

16 PROJEK 8
Suhana binti Razali



Pulau Pinang

14 PROJEK 9
Noor Hanisa binti Mohd Desa

16 PROJEK 10
Noor Sabilah binti Romli

18 PROJEK 11
Noorhiyati binti Mohd Hussain

14 PROJEK 12
Sabariah binti Yahaya

16 PROJEK 13
Suhaidah binti Said



Perak

14 PROJEK 14
Foziah binti Mohd Zain

19 PROJEK 17
Zulkifli bin Mohamad

16 PROJEK 15
Yahaya bin Bakar

18 PROJEK 16
Zahari bin Mohd Rasid



Selangor

20 PROJEK 20
Abdullah bin Amat Apani

23 PROJEK 23
Mohd Tandy Sauh Seng Kang

23 PROJEK 24
Rozita bin Ismail

21 PROJEK 21
Binjamin bin Salman

23 PROJEK 24
Muhd Zharif bin Abd Kadir

23 PROJEK 25
Ruhani Ridwan

22 PROJEK 22
Mohd Rizal bin Yahya

23 PROJEK 25
Rosli bin Abd Rashid

23 PROJEK 26
Suhairi Hamzah



Wilayah Persekutuan Kuala Lumpur

20 PROJEK 27
Mohd Razali Talib

21 PROJEK 28
Noor Hidawati Mohd Juki



Negeri Sembilan

20 PROJEK 29
Lin Kwee Fong

20 PROJEK 32
Mohd Rasyidee Salim

21 PROJEK 30
Md Jasmi Md Zalii

21 PROJEK 31
Mohd Daud Hassan



Melaka

14 PROJEK 33
Kamariah Mohd Surati

19 PROJEK 36
Mustaffa Tompong

16 PROJEK 34
Marzila Daud

16 PROJEK 37
Nolizan Md Amin

18 PROJEK 35
Mohd Ibrahim Omar

18 PROJEK 38
Salbiah Mohd



Johor

14 PROJEK 39
Hussin Masjudi

19 PROJEK 42
Sharifah Abd Aziz

16 PROJEK 40
Mohd Yusak Abu

16 PROJEK 43
Suzilah Borhan

18 PROJEK 41
Norhana Md Khalid



Pahang

14 PROJEK 44
Abd Rahman Zaini

19 PROJEK 47
Rohayati Paan

16 PROJEK 45
Azizah Haron

16 PROJEK 48
Syamsidar Harun

18 PROJEK 46
Mohamad Rosli Abd Rashid



Terengganu

14 PROJEK 49
Hasliyana Kassim

19 PROJEK 52
Paidah Abd Rahman

16 PROJEK 50
Mazni Harun

16 PROJEK 53
Rahimah Ahmad

18 PROJEK 51
Mohd Arif Abdullah

16 PROJEK 54
Ruhani Hashim



Kelantan

14 PROJEK 55
Mohd Kamarul Abd Rahman

19 PROJEK 58
Rosmani Ismail

16 PROJEK 56
Muhd Saiful Salleh

16 PROJEK 59
Saripah Mohd Noor

18 PROJEK 57
Pah Raihan Syed Yesof



Sabah

14 PROJEK 60
Farinah Mohd Khalid

19 PROJEK 63
Mayon Asun

16 PROJEK 61
Felicia Lojinga

16 PROJEK 64
Mohd Zainisam Abd Samah

18 PROJEK 62
Julianna Sunggak



Wilayah Persekutuan Labuan

14 PROJEK 65
Riwanzilawaty Amir

Pembuka Bicara



YB DATUK SERI RINA BINTI MOHD HARUN
Menteri Pembangunan Wanita,
Keluarga dan Masyarakat

Alhamdulillah syukur ke hadrat Allah SWT kerana dengan limpah izinNya maka Jabatan Kebajikan Masyarakat (JKM) yang gigih melaksanakan program *Productive Welfare* sekaligus meningkatkan kefungsiian sosial mereka.

Program-program yang dijalankan di bawah *Productive Welfare* bertujuan untuk menyuntik semangat kumpulan sasaran dalam menghasilkan perniagaan yang berdaya saing dan maju. Adalah diharapkan usaha murni yang dijalankan oleh Kementerian Pembangunan Wanita, Keluarga dan Masyarakat melalui Jabatan Kebajikan dengan sokongan semua pihak dapat meningkatkan lagi semangat serta meningkatkan produktiviti dalam kalangan kumpulan sasaran khususnya penerima bantuan agar terus berusaha untuk keluar daripada kitaran kehidupan sedia ada kepada yang lebih baik.

Penerbitan buku kisah kejayaan *Productive Welfare* Siri 5 diharap dapat dilihat dari sudut yang lebih positif oleh kumpulan sasaran dan seterusnya memberi semangat kepada mereka agar terus berusaha meningkatkan taraf sosio ekonomi keluarga untuk keluar dari kepompong kemiskinan.

Akhir kata, saya mengucapkan terima kasih kepada semua yang terlibat dalam membangunkan kisah kejayaan *Productive Welfare* Jabatan Kebajikan Masyarakat Siri 5 ini.

Bicara Kata



Y. BHG. DATO' DR. JUNAIDAH BT KAMARRUDDIN
Ketua Setiausaha
Kementerian Pembangunan Wanita,
Keluarga dan Masyarakat

Alhamdulillah, kita telah berjaya menghasilkan buku Kisah Kejayaan *Productive Welfare* Jabatan Kebajikan Masyarakat Siri 5. Buku ini diterbitkan supaya dapat menjadi bukti kejayaan penerima bantuan khususnya kepada kumpulan sasar Jabatan.

Pendekatan ini berjaya meningkatkan jati diri peserta dan menambah pendapatan isi rumah melalui peluang pekerjaan serta program penajaan pendapatan. Ini bertepatan dengan usaha Kerajaan melaksanakan reformasi dalam perkhidmatan kewangan dengan sasaran untuk meningkatkan sosio ekonomi keluarga ke arah menjalani kehidupan yang selesa tanpa kebergantungan kepada Kerajaan.

Justeru itu, saya berharap, penerbitan buku ini diharap dapat menjadi suntikan semangat kepada kumpulan sasar yang lain untuk terus bermotivasi, berusaha dan berdaya saing dalam bidang perniagaan di dalam pasaran terbuka. Keupayaan mereka mencapai kefungsian sosial yang optimum dalam pendekatan *Productive Welfare* ini merupakan suatu indikator utama kejayaan program KPWK. Alhamdulillah.

Seulas Bicara



ENCIK ZULKIFLI B. ISMAIL
Ketua Pengarah
Jabatan Kebajikan Masyarakat

Dengan nama Allah Yang Maha Pemurah Lagi Maha Pengasih, Syukur Alhamdulillah dengan limpah kurniaNya, Jabatan Kebajikan Masyarakat (JKM) telah berjaya menghasilkan Kisah Kejayaan *Productive Welfare* Siri 5. Saya berharap melalui usaha penerbitan kisah kejayaan ini sedikit sebanyak mampu memberi kefahaman kepada masyarakat bagi mengurangkan sindrom kebergantungan kepada bantuan JKM selama-lamanya.


Selaras dengan pelaksanaan transformasi negara, selain daripada peranan pekerja sosial di peringkat akar umbi, kita juga tidak boleh lupa tentang elemen yang menjadi pemangkin kepada keberhasilan pendekatan *Productive Welfare* iaitu jaringan kerjasama multisektoral yang perlu dijalin dalam membantu kumpulan sasaran mendapat sokongan modal tambahan, nasihat dan rujukan pakar dalam bidang yang diceburi.

Selain itu, saya ingin memberikan setinggi-tinggi penghargaan kepada semua pihak yang bekerjasama dalam usaha menerbitkan buku yang memberi impak besar kepada pembangunan kumpulan sasaran dalam konteks *Productive Welfare*.

Sekian, Wassalam.



Objektif



- Membantu klien agar dapat hidup berdikari tanpa terus bergantung kepada bantuan kerajaan semata-mata untuk sara hidup;
- Mengeluarkan klien daripada kepompong kemiskinan dengan memperoleh pendapatan melepasi paras garis kemiskinan;
- Mewujudkan peluang penajaan sumber pendapatan yang stabil dan berterusan bagi klien mencapai kehidupan yang lebih sejahtera dan berkualiti;
- Mewujudkan rangkaian kerjasama semua sektor awam dan swasta ke arah pemulihan klien agar lebih berdikari.



Perlaksanaan

1 SARINGAN

SARINGAN AWAL

- Produktif/Tidak produktif (Kesihatan/Umur/Keupayaan)
- Skim BKK/EPC/BA

SARINGAN LANJUTAN

- Ujian Psikometrik (Psikologi)
- Saringan minat kerjaya (Penempatan Pekerjaan/ Bekerja Sendiri/Perniagaan/Modal/Latihan/Kemahiran)
- Analisa SWOT

3 PEMANTAUAN DAN PENILAIAN

PEMANTAUAN

- Pembangunan Klien (Latihan/Kemahiran)
- Kemajuan Projek/Pekerjaan Yand Dijalankan
- Perubahan Tahap Kesejahteraan Hidup
- Peningkatan Pendapatan (Laporan Statistik)
- Pergerakan Pendapatan)
- Buku Rekod Kemajuan dan Buku Rekod Perniagaan

PENILAIAN

- Kewujudan Jawatankuasa Penilai Peringkat
- Daerah/Negeri (Peranan dan Fungsi mengikut TOR)
- Mesyuarat Jawatankuasa 4 kali setahun/ mengikut keperluan
- Persidangan kes
- Kelulusan Penamatan/Penyambungan

2 INTERVENSI DAN PENAMATAN

INTERVENSI

- Kaunseling/Motivasi/*Mind Set Change*
- Literasi Kewangan/Latihan/Kemahiran
- Pembudayaan keusahawanan/Motivasi keusahawanan
- Tingkah laku keusahawanan
- Rujukan agensi teknikal/Nasihat pakar

PENEMPATAN

- Projek Ekonomi (Individu/Kumpulan/Komuniti)-BGP/ PERTANIAN/ AIM/MARDI/TEKUN
- Penempatan Kerja – JobsMalaysia, Swasta, Korporat

4 PENAMATAN

KEPUTUSAN PENAMATAN

- Pemakluman kepada klien
- Pemberhentian bantuan

PENGLIBATAN KLIEN BERJAYA DALAM “CLIENT SUPPORT GROUP”

- Mentor-Mentee
- (Klien Berjaya-Klien Belum Berjaya)
- Perkongsian pengalaman

Sidang Redaksi



PENASIHAT SIDANG

Encik Che Samsuzuki b Che Noh



KETUA SIDANG REDAKSI

Encik Mohamad Razuki bin Sibi

Ahli



Puan Wan Zabariah
bt Wan Harun



Puan Haniza bt Tamin



Encik Zamri bin Mohamad



Puan Nor Azlinda bt
Ahmad Shaari

Profil Kisah Kejayaan

PROFIL KES (KATEGORI IBU TUNGGAL)

NEGERI	BIL	DAERAH/ JAJAHAN/ BAHAGIAN	NAMA KES	ALAMAT PREMIS/RUMAH	NO.TEL	PROJEK YANG DIUSAHAKAN	PENDAPATAN		BANTUAN BULANAN JKM				PEKERJA KES
							SEBELUM TERIMA 2YEP (RM)	SELEPAS TERIMA 2YEP (RM)	SKIM	JUMLAH (RM)	TAHUN TERIMA	TAHUN TAMAT	
Melaka	1	Alor Gajah	Salbiah Binti Mohamad	KM 16 Kampung Padang Kerbau, 76100 Durian Tunggal, Melaka	019-6876558	Bantal Kekabu	400	2,000-3,000	BA	230	2003	2019	En Muhd Taufiq Firdaus bin Rahim
Pulau Pinang	1	Barat Daya	Noor Sabilah Binti Romli	200 MK 12 Teluk Tempoyak, 11960 Bayan Lepas, Pulau Pinang	019-5657942	Kedai Makan	700	2,000	BKK	100	2013	2018	Pn Siti Zanariah Binti Tarazi
	2	Seberang Perai Selatan	Sabariah Binti Yahaya	632 Kg. Pengkalan Batu Kawan, 14110 Simpang Ampat, Pulau Pinang	013-4014580	Rempeyek	800	4,000	BKK	300	2014	2018	En Mohd Kaffee Bin Miskam
	3	Barat Daya	Noor Hanisa Binti Mohammad Desa	2a-4-11 Taman Desa Genting Jalan Pulau Betong, Pulau Pinang	012-5425226	Tukang Jahit	700	4,000	BKK	400	2018	2020	Pn Siti Zanariah Binti Tarazi
	4	Seberang Perai Tengah	Suhaidah Binti Said	G-15, Jalan Limau Manis 4, Taman Limau Manis, 14000 Bukit Mertajam, Pulau Pinang	019-5797392	Spa Dan Salun	750	3,000	BKK	400	2016	2018	Pn Syafinas Binti Othman
Terengganu	1	Marang	Hasliyana Binti Kassim @ Ramli	Lot 350, Batu 12 ½, Kg. Seberang Marang, Marang, Terengganu	019-3697990	Salun Kecantikan Dan Spa	600-700	6,000-8,000	BKK	200	2016	2018	Pn Nurhamieza binti Jasni
	2	Marang	Mazni Binti Harun	D1/189, Taman Medan Jaya, Rusila, 21080 Marang, Terengganu	013-9973254	Kuih Siput Dan Kuih-Muih	600-700	2,000-3,000	BKK	400	2008	2018	Pn Nurhamieza binti Jasni
	3	Kuala Terengganu	Paidah Binti Abd Rahman	No 21, Kg Lebang Besar Tepoh, 21300 Kuala Nerus	013-9668418	Urutan Tradisional Dan Ternakan Itik Telur (Telur Masin)	450	3,000-6,000	BKK	400	2008	2019	Pn Che Zalifah binti Abd. Ghani
	4	Kuala Terengganu	Ruhani Binti Hashim	Lot 8671, Jalan Bukit Tok Beng 21300 Kuala Nerus	016-9808220	Jahitan	400	2,500	BKK	100	2007	2019	Pn Norainie binti Othman

PROFIL KES (KATEGORI IBU TUNGGAL)

NEGERI	BIL	DAERAH/ JAJAHAN/ BAHAGIAN	NAMA KES	ALAMAT PREMIS/RUMAH	NO.TEL	PROJEK YANG DIUSAHAKAN	PENDAPATAN		BANTUAN BULANAN JKM				PEKERJA KES
							SEBELUM TERIMA 2YEP (RM)	SELEPAS TERIMA 2YEP (RM)	SKIM	JUMLAH (RM)	TAHUN TERIMA	TAHUN TAMAT	
Sabah	1	Kota Kinabalu	Farinah Mohd Khalid	Kampung Gudon, Manggatal, Kota Kinabalu, Sabah	016-7167502	Warung Soto	600	2500	BKK	300	2017	2019	En Awg Hafizul bin Awg Muslaini
	2	Keningau	Juliana Sunggak	Kampung Bahgia, A 89950 Nabawan, Sabah	013-5493927	Salun Rambut	500	10,000	BKK	200	2012	2018	En Andy Fathmal bin Mohd Ikhsan
Pahang	1	Kuantan	Syamsidar Binti Harun	No 34 Lorong 36, Taman Seri Damai Perdana Batu 6 25150 Kuantan, Pahang	011-10893833	Pasar Malam (Makanan)	900	2,500	BA	300	2015	2018	En Mohd Firdaus Bin Mohd Loso
	2	Rompin	Azizah Binti Haron	No 305, Blok 16, Felda Keratong 10, 26700 Muadzam Shah, Rompin, Pahang	011-18692893	Kedai Makan	200	2,200	BKK	200	2013	2019	Pn Fauziah Binti Mohd Shah
	3	Bera	Rohayati Binti Paan	No.51,Lorong 02,Taman Merbau Indah 28200 Bera, Pahang	019-9015644	Nasi Bajet Dan Kuih-Muih	1,200	6,000	BKK	100	2011	2019	Pn Norfaizam Binti Safa'ai
Kelantan	1	Kuala Krai	Pah Roihan Binti Syed Yesof	No.51 Rpt Temalir 18000 Kuala Krai, Kelantan	017-9345087	Agen Singer	700	30,000	BA	150	2016	2018	Pn Muslini Binti Muhammad
	2	Pasir Puteh	Rosmani Binti Ismail	Kampung Kulim, Semerak 16700 Pasir Puteh, Kelantan	014-5499986	Kedai Makan	500	14,000	BKK	200	2015	2018	En Nik Him Bin Nik Abdullah
	3	Pasir Puteh	Saripah Binti Mohd Noor	Kampung Tok Bali, Semerak 17600 Pasir Puteh, Kelantan	013-9088989	Jahitan	700	2,000	BKK	400	2013	2018	En Nik Him Bin Nik Abdullah
Perak	1	Manjung	Foziah Binti Mohd Zain	No. 459, Batu 49 1/4, Pengkalan Baru 34900 Pantai Remis, Perak	010-3789095	Roti & Kek	600-800	1,000-2,500	BKK	200	2016	2018	Pn Hasliana Binti Hassan
Selangor	1	Kuala Langat	Ruhani Binti Ridwan	Lot 235 A Batu 11 42500 Telok Panglima Garang	011-27113114	Urutan	800-900	2,000-5,000	BKK	400	2018	2020	Pn Nor Fadliza Binti Mat Saari
	2	Sabak Bernam	Rozita Bt Ismail	No 26, Parit 7 Gambut Jalan Sg Panjang, 45300 Sungai Besar, Sabak Bernam, Selangor	017-2029366	Kuih Bahulu Kemboja	1,000	2,600	BA	350	2018	2020	Pn Maslina Binti Mustafa

PROFIL KES (KATEGORI IBU TUNGGAL)

NEGERI	BIL	DAERAH/ JAJAHAN/ BAHAGIAN	NAMA KES	ALAMAT PREMIS/RUMAH	NO.TEL	PROJEK YANG DIUSAHAKAN	PENDAPATAN		BANTUAN BULANAN JKM				PEKERJA KES
							SEBELUM TERIMA 2YEP (RM)	SELEPAS TERIMA 2YEP (RM)	SKIM	JUMLAH (RM)	TAHUN TERIMA	TAHUN TAMAT	
Kedah	1	Kuala Muda	Nur Adila Binti Abdul Rahman	No 34, Taman Seri Impain, Km4, Jalan Kuala Ketil, 08000 Sungai Petani, Kedah	019-4070873	Frozen Food	300	2,000-3,500	BKK	200	2017	2020	Pn Nur Shahelah Binti Aziz
	2	Padang Terap	Nursyafawati Binti Aznan	No 2166 Taman Bersatu, Mk Belimbing Kanan, 06300 Kuala Nerang, Kedah	017-5958486	Gerai Makan	900	1,500	BKK	300	2012	2019	Pn Siti Nurbaya Binti Mohd Sobre
Johor	1	Kota Tinggi	Sharifah Binti Abdul Aziz	No.2, Jalan Duku 2, Taman Kota Jaya, 81900 Kota Tinggi, Johor	019-7207026	Gerai Makan	300-500	6,000-8,000	BKK	300	2016	2019	Cik Hainatun Sa'diah Binti Md. Sukairi
	2	Segamat	Norhana Binti Md. Khalid	No. 147, Jalan Tanah Wakaf, Kg Paya Pulai, Segamat, Johor	017-6016969	Bahulu dan Kuih-Muih	800	2,000	BKK	300	2010	2017	Pn Noor Fazilah binti Abd Latif
	3	Segamat	Suzilah Binti Borhan	Jalan Payabesar, Kg. Sri Rahmat, Segamat, Johor	012-7354548	Urutan	1,000	6,000	BKK	400	2015	2017	Pn Noor Fazilah binti Abd Latif
N. Sembilan	1	Kuala Pilah	Lin Kwee Fong	No 138-D, Batu 1, Kg Parit, Jln Seremban Lama, 72000 Kuala Pilah, Negeri Sembilan	012-9186188	Kuih Pau Dan Nasi Campur	350-450	1,900	BKK	400	2013	2016	Pn Nurmanjalina Binti Salleh

PROFIL KES (KATEGORI OKU)


NEGERI	BIL	DAERAH/ JAJAHAN/ BAHAGIAN	NAMA KES	ALAMAT PREMIS/RUMAH	NO.TEL	PROJEK YANG DIUSAHAKAN	PENDAPATAN		BANTUAN BULANAN JKM				PEKERJA KES
							SEBELUM TERIMA 2YEP (RM)	SELEPAS TERIMA 2YEP (RM)	SKIM	JUMLAH (RM)	TAHUN TERIMA	TAHUN TAMAT	
Kedah	1	Kulim	Mohd Nadziruddin Bin Ishak	No 426 Jalan Perak 6, Taman Perak 2, 09000 Kulim, Kedah	018-4069848	Gerai Minuman	500-800	1,500-2,000	EPC	400	2018	2019	Pn Regina Binti Shaari
Sabah	1	Keningau	Mayon Bin Asun	Kampung Masanoi, Peti Surat 306, 89908 Tenom, Sabah	019-8935211	Kedai Runcit	500	55,000	EPC	400	1987	2018	Pn Caroline Tay Moi Lan
	2	Sandakan	Mohd Zainisam Bin Abd.Samah	Lot 349, Blok 21, Peringkat 4 Rancangan Sungai Manila, Batu 12, 90000 Sandakan, Sabah	010-9314758	Penternakan dan Pertanian	150	5,000-15,000	EPC	400	2017	2019	En Muhd Alif Fatihi bin Mohd Iramzy
	3	Kota Kinabalu	Felicia Binti Lojinga	Kampung Kitauu, 89500 Penampang, Kota Kinabalu, Sabah	011-2533864	Kedai Runcit	100-500	1,000-5,000	EPC	400	2007	2018	Pn Zurifah Binti Ebrahim @ Ibrahim
Negeri Sembilan	1	Kuala Pilah	Mohamad Rasyidee Bin Salim	No 12, Rumah Rakyat Pasit, 73100 Kuala Pilah, Negeri Sembilan	010-7728242	Bengkel Kereta	1,000-1,500	5,000	EPC	400	2013	2016	Pn Juriah Binti Kayat
Pahang	1	Maran	Mohamad Rosli Bin Abd Rashid	B-16 Lorong 8 Taman Maran Impian, 26500 Maran, Pahang	011-55702148	Penternakan Ayam	300-500	6,000-8,000	EPC	400	2015	2019	Pn Nurul Sakinah Binti Mohd Kamal
	2	Temerloh	Abdul Rahman Bin Zaini	No 94, Kampung Kenangan 28400 Mentakab, Temerloh, Pahang	013-9922920	Gajet Telefon Dan Aiskrim	900	4,000	EPC	400	2016	2019	Pn Nadirah Binti Abu Bakar
Selangor	1	Gombak	Suhairi Bin Hamzah	No.2, Jalan Kolam Air, Empangan Air Klang Gate, 53100 Kuala Lumpur	019-2191642	Bakeri	1,000	3,000-5,000	EPC	400	2018	2020	Pn Anis Binti Zainol Abidin
	2	Klang	Mohd Tandy Sauh Bin Seng Kang	F-2-1, Pangsapuri Pkns, Jalan Pandamaran Jaya, 41200 Klang, Selangor	011-62235565	Kedai Makan	1,000	4,000	EPC	400	2018	2019	En Nik Ahmad Nabal Bin Nik Mansor
	3	Shah Alam	Muhammad Zarif Bin Abdul Kadir	114 Jalan Elektron U16/93 Denai Alam 40160 Shah Alam, Selangor	013-7665015	Food Truck	800-1,000	1,200-3,500	EPC	400	2017	2019	Pn Siti Salwa binti Mohd Noh
	4	Shah Alam	Mohd Rizal Bin Yahya	No 1 Blok 10 Flat Pkns Seksyen 16, 40200 Shah Alam, Selangor	016-9471330	Kedai Makan	800-1,000	1,200-3,500	EPC	400	2009	2019	Pn Siti Salwa binti Mohd Noh
	5	Shah Alam	Rosli Bin Abdul Rashid	No 4 Blok 54 Rumah Pangsa Nilam Sari 7/100 Seksyen 7, 40200 Shah Alam, Selangor	017-3151348	Pekasam	800-1,000	1,200-3,800	EPC	400	2018	2019	Pn Siti Salwa binti Mohd Noh
	6	Shah Alam	Binjamin Bin Salman	No 11 Jalan Temakong 17/54, Seksyen 17, 40200 Shah Alam, Selangor	016-3726344	Urutan Refleksologi	800-1,000	1,200-4,500	EPC	400	2018	2019	Pn Siti Salwa binti Mohd Noh

PROFIL KES (KATEGORI OKU)

NEGERI	BIL	DAERAH/ JAJAHAN/ BAHAGIAN	NAMA KES	ALAMAT PREMIS/RUMAH	NO.TEL	PROJEK YANG DIUSAHAKAN	PENDAPATAN		BANTUAN BULANAN JKM				PEKERJA KES
							SEBELUM TERIMA 2YEP (RM)	SELEPAS TERIMA 2YEP (RM)	SKIM	JUMLAH (RM)	TAHUN TERIMA	TAHUN TAMAT	
Perak	1	Kerian	Zahari Bin Mohd Rasid	No 54, Batu 2 ¼, Jalan Gula, Simpang Empat, 34400 Semanggol, Kerian, Perak	012-4373491	Bengkel Motosikal	800-1,100	1,500	EPC	400	2006	2018	En Muhammad Aizuddin bin Mohd Yusoff
	2	Kerian	Zulkifli Bin Mohamad	F 132, Batu 10, Jalan Pantai, 34250 Tanjung Pliandang, Kerian, Perak	012-4789165	Warung Makanan/ Minuman	900-1,000	5,000-6,000	EPC	400	2008	2018	Pn Zuraina Binti Abdul Rahman
	3	LMS	Yahaya Bin Bakar	No 11 / No 12, Medan Selera, Jalan Stesyen, 34600 Kamunting, Perak	014-2509792	Barangan Kulit	900-1,000	3,000-5,000	EPC	400	2016	2018	Pn Fadzilah Bt Abd Latiff
Terengganu	1	Dungun	Mohd Arif Bin Abdullah	Kg Pantai Laut Seberang Pintas, Dungun	011-19270939	Kedai Makan	600	10,000	EPC	400	2012	2018	En Khairul Azwin Bin Mohd Nor
Kelantan	1	Gua Musang	Mohamad Kamarul Bin Abd Rahman	No. 42, Rkt Delima 2, Rkt Kesedar Renok, Gua Musang, Kelantan	014-5452242	Kedai Runcit	300	20,000	EPC	400	2013	2019	Pn Azni Fazila Binti Ibrahim
	2	Gua Musang	Muhamad Saiful Bin Salleh	No.4 Perumahan Maik Sg Kepa,18300 Gua Musang, Kelantan	011-16997020	Peniaga Pasar Malam	1,000	5,000	EPC	400	2013	2018	Pn Azni Fazila Binti Ibrahim
Melaka	1	Melaka Tengah	Mustaffa Bin Tompong	No 114-4 Lorong Bachik, Kg. Alai, 75460 Melaka	011-13110670	Gunting Rambut	600-700	1,200-1,500	EPC	400	2014	2019	Pn Junainah binti Husin
	2	Alor Gajah	Nolizan Binti Md Amin	Batu 16, Kampung Paya Keladi, Solok Duku, 78300 Melaka	011-51204189	Gerai Makan Pagi Dan Tengahari	500	1,900-2,500	EPC	400	2017	2019	En Muhd Taufiq Firdaus bin Rahim
	3	Alor Gajah	Mohammad Ibrahim Bin Omar	PQ 6, Jalan AB3, Taman Anggerik Biru Melekek, Simpang Empat Alor Gajah, 78000 Melaka	017-6948610	Kimpalan	1,200	4,000	EPC	400	2016	2020	En Muhd Taufiq Firdaus bin Rahim
Johor	1	Kota Tinggi	Hussin Bin Masjudi	Gerai No.7, Medan Selera Teluk Sengat, 81940 Kota Tinggi, Johor	017-7692195	Kedai Makan	900-1,000	3,000-5,000	EPC	400	2014	2020	Cik Hainatun Sa'diah Binti Md. Sukairi
Perlis	1	Kangar	Fadzil Bin Salim	No 19 A,Lorong Haji Seman Jalan Bintong, Kampung Nisam, 01000 Kangar Perlis	019-4744799	Kedai Runcit	500-700	2,500	EPC	400	2014	2019	En Zulkifli bin Saad
	2	Arau	Nor Hidayah Binti Radzli	Lot 1226,Rumah Kediaman,Jalan Sungai Padang, 02700,Simpang Empat, Arau Perlis	019-2035065	Bakery	800-1,000	5,000-10,000	EPC	400	2015	2019	En Zulkifli bin Saad

PROFIL KES (KATEGORI ORANG MISKIN)

NEGERI	BIL	DAERAH/ JAJAHAN/ BAHAGIAN	NAMA KES	ALAMAT PREMIS/RUMAH	NO.TEL	PROJEK YANG DIUSAHAKAN	PENDAPATAN		BANTUAN BULANAN JKM				PEKERJA KES
							SEBELUM TERIMA 2YEP (RM)	SELEPAS TERIMA 2YEP (RM)	SKIM	JUMLAH (RM)	TAHUN TERIMA	TAHUN TAMAT	
Terengganu	1	Dungun	Rahimah Binti Ahmad	Sebelah Masjid Lama Kg Sura Tengah 23000 Dungun Terengganu	010-9056506	Mooncake Kak Long Jetak	1,000	4,000	BA	200	2012	2018	En Khairul Azwin Bin Mohd Nor
WPKL	1	WPKL	Mohd Razali Bin Talib	Blok 45-04-07 Flat Sri Johor, Cheras, 56100 Kuala Lumpur	018-3668847	Sambal Bilis Crunchy	800	5,000-7,000	BA	240	2016	2018	En Riduan Bin Ramli
	2	WPKL	Noor Hidawati Binti Mohd Juki	Blok C-03-13 Ppr Pekan Kepong, Jalan Silang Kepong, 52100 Kuala Lumpur	019-6430260	Badut Muslimah	500	4,000	BA	100	2018	2019	En Riduan Bin Ramli
Pulau Pinang	1	Seberang Perai Utara	Noorhiyati Binti Mohd Hussain	No.4176 Pokok Tampang, 13300 Tasek Gelugor, Pulau Pinang	019-4046605	Berniaga Makanan	500	3,500	BA	380	2015	2019	Pn Nurul Wahida Binti Yob
Negeri Sembilan	1	Tampin	Mohd Daud Bin Hassan	16 A Kampung Tanjung Melintang 73200 Gemencheh, Negeri Sembilan	019-4156462	Roti Canai	600	8,000-9,000	BKK	200	2014	2019	Pn Siti Rashidah binti Yusof
	2	Jempol	Mohamad Rasyidee Bin Salim	No.58 Blok 3 Felda Palong 11, 73470 Gemas, Negeri Sembilan	011-40118935	Bengkel Kereta	900	4,000	BKK	200	2012	2019	Pn Maznah Binti Aziz
Selangor	1	Sepang	Abdullah Bin Amat Apandi	Jalan Balairaya, Lorong Balairaya 2, Kampung Ulu Chuchoh, 43950 Sg Pelek, Sepang, Selangor	019-2500829	Kerepek	800	1,500-2,000	BKK	400	2015	2018	En Mohd Husairi Bin Hussain
Kedah	1	Yan	Mohd Radzi Bin Ismail	Pekan Sungai Limau Dalam, 06900 Yan, Kedah	017-4489274	Jahitan	800-900	4,000-5,000	BA	300	2004	2018	Pn Mardiah Binti Mahmud
	2	Kulim	Suhana Binti Razali	No.1 Gerai Seri Angerik, Jalan Bagan, 09400 Padang Serai, Kedah	016-5080286	Salun Muslimah Dan Spa	600	2,500	BKK	100	2013	2018	Pn Nurul Syahindah Bt Muhammad Salleh
Melaka	1	Jasin	Kamariah Binti Mohd Surati	Jb 1780, Jalan NB 9, Taman Nyalas Baru, 77100 Asahan, Melaka	017-6599056	Kuih-Muih	500-700	1,200-3,300	BA	310	2013	2019	En Saifolbahari Bin Shahidan
	2	Melaka Tengah	Marzila Binti Daud	C 8716 Bukit Pulau, Bukit Baru, 75150 Melaka	017-6921096	Kuih Kapit, Kuih Muih Dan Aiskrim	600-700	7,000-8,000	BA	200	2016	2019	Pn Junainah binti Husin
Johor	1	Kulai	Mohd Yusak Bin Abu	No. 3369, Jalan Jati 5, Bandar Putra, Kulai, Johor	013-7346111	Aiskrim	800	4,000	BKK	400	2018	2020	Pn Juridah binti Jamat
Perlis	1	Kangar	Nazaruden Bin Hussain	No 70. KM 3, Kampung Alor Pulai, 01000 Kangar Perlis	019-4446144	Gerai Makan	700-900	1,200-1,500	BA	400	2016	2019	En Zulkifli bin Saad



Perlis

INDERA KAYANGAN



NAMA

Fadzil bin Salim

UMUR

47 Tahun

ALAMAT

No 19 A, Lorong Haji Seman
Jalan Bintong Kampung Nisam
01000, Kangar, Perlis

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2014-2019 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 500-RM700 sebulan

PENDAPATAN SELEPAS PROJEK

RM 2,500 sebulan

BANTUAN AGENSI LAIN

Suruhanjaya Syarikat Malaysia (SSM)
Tahun 2018 (Peralatan)

* Elaun Pekerja Cacat (EPC) ditamatkan pada Disember 2019 kerana penama telah mampu berdikari dan telah berjaya dalam perniagaan yang diusahakannya.

FADZIL BIN SALIM berusia 47 tahun merupakan seorang OKU masalah fizikal dan telah berdaftar dengan JKM dengan no pendaftaran PH090012000666. Penama sebelum ini merupakan insan normal namun mengalami stroke dan kesan daripada itu telah menyebabkan kecacatan dibahagian tangan kanannya. Akibat masalah kesihatan yang dialaminya, penama telah diluluskan bantuan OKU Tidak Berupaya Bekerja (BTB) pada tahun 2013 dengan kadar RM 200 sebulan.

Setelah melalui kehidupan sebagai seorang pesakit stroke penama sering mengharapkan akan ada sinar untuk kehidupan masa depannya. Rawatan demi rawatan dijalani oleh penama tanpa pernah rasa jemu dan bepegang pada takdir setiap penyakit akan ada penawarnya. Hasil semangat dan sikap tidak putus asa Fadzil, keadaan penyakit stroke yang dialami dilihat semakin beransur pulih walaupun tidak sepenuhnya. Penama kini telah mampu melakukan kerja-kerja ringan bergantung kepada keupayaan dirinya.

Dengan keupayaan yang terbatas, penama berhasrat untuk memulakan perniagaan kedai runcit dan telah mendaftarkan perniagaan tersebut dengan nama IDAFAZIL ENTERPRISE. Penama juga telah menyewa sebuah premis di Jalan Batu Pahat Bintong Perlis dengan kadar RM 500 sebulan.



Memandangkan Fadzil telah mampu bekerja dan memperolehi pendapatan sendiri, Bantuan OKU Tidak Berupaya Bekerja (BTB) penama telah ditukarkan kepada Elaun Pekerja Cacat (EPC) dengan kadar RM 400 sebulan pada tahun 2014 dengan harapan dapat memberi motivasi dan sokongan untuknya terus berdikari. Penama kini menjana pendapatan dengan hasil perniagaan kedai runcit yang diusahakan di Jalan Batu Pahat Bintong Kangar, Perlis. Pada peringkat awal, Fadzil hanya menjual barang-barang runcit untuk keperluan penduduk sekitar. Pada masa yang sama penama turut mengusahakan perniagaan santan secara sampingan di kedai miliknya.

Penama menggunakan EPC yang diperolehinya setiap bulan untuk mempelbagaikan barangan di kedai runcit miliknya. Perniagaan Fadzil dilihat semakin berkembang dan menjadi pilihan pelanggan sekitar kawasan tersebut untuk mendapatkan bekalan harian. Pada November 2017, JKM telah meluluskan Bantuan Geran Pelancaran sebanyak RM 2,700 sekaligus kepada penama sebagai suntikan modal melalui program peningkatan pendapatan 2 Years Exit Programme (2YEP).

Fadzil sangat komited dengan perniagaan yang diusahakannya malah sering mengikuti kursus-kursus keusahawanan yang dianjurkan oleh JKM dan agensi-agensi berkaitan. Perniagaan penama semakin menunjukkan kemajuan dan penama juga telah dirujuk kepada Suruhanjaya Syarikat Malaysia (SSM) bagi mendapatkan peluang bantuan yang bersesuaian. Melalui kerjasama yang terjalin diantara JKM dan SSM, penama telah diluluskan bantuan peralatan berjumlah RM 3,000 sekaligus.



Berpegang kepada prinsip “kecacatan bukan penghalang untuk mencipta kejayaan”, penama terus gigih berusaha dan perniagaan yang dijalankan penama juga semakin maju. Kini Fadzil boleh berbangga dengan pendapatan yang diperolehi sekitar RM 2,500 sebulan dan boleh mencecah RM 500-1,000 sehari pada musim perayaan.

Untuk perancangan akan datang, Fadzil dalam usaha untuk membesarkan lagi premis perniagaan tersebut dengan menambah jumlah barang-barang keperluan bagi meningkatkan pendapatannya. Impak dari hasil perniagaan tersebut penama juga dilihat telah berjaya membuka peluang pekerjaan kepada orang lain dengan mengambil mereka untuk bekerja sebagai pembantu di kedainya. Fadzil kini telah mampu berdikari dan tidak lagi bergantung kepada bantuan Jabatan Kebajikan Masyarakat. Elaun Pekerja Cacat (EPC) penama telah ditamatkan mulai Disember 2019.



NAMA

Nazaruden bin Hussain

UMUR

59 Tahun

ALAMAT

No 70. KM 3, Kampung Alor Pulai
01000, Kangar Perlis

KATEGORI KLIEN

Keluarga Miskin

PENERIMA BANTUAN

- i) Bantuan Am (BA)
2016-2019 | RM 400
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 700-RM900 sebulan

PENDAPATAN SELEPAS PROJEK

RM 1,200- RM 1,500 sebulan

BANTUAN AGENSI LAIN

Lembaga Kemajuan Pertanian
MUDA-MADA (Peralatan)

* Bantuan Am (BA) ditamatkan pada September 2019 kerana penama telah mampu berdikari dan telah berjaya dalam perniagaan yang diusahakannya.

NAZARUDEN BIN HUSSAIN berusia 51 tahun merupakan seorang ketua keluarga yang mempunyai empat orang anak iaitu 3 perempuan dan seorang lelaki. Sebelum ini penama bertugas sebagai kakitangan Pos Malaysia namun telah meletak jawatan pada tahun 2016 setelah terlibat dalam kemalangan jalanraya yang menyebabkan penama mengalami masalah kesihatan. Penama sebelum ini merupakan penerima bantuan JKM melalui skim Bantuan Penjagaan Pesakit Terlantar (BPT) pada tahun 2013 kerana menjaga bapanya yang terlantar. Bantuan tersebut telah ditamatkan pada bulan Februari tahun 2015 setelah penama tidak lagi mampu memberi penjagaan kepada bapanya akibat masalah kesihatan penama sendiri.

Ketika bekerja sebagai kakitangan Pos Malaysia, Nazaruden bertugas di Alor Setar dan berulang alik dari kediaman ke tempat kerja setiap hari. Akibat kemalangan jalanraya pada tahun 2016, penama mula hilang sumber pendapatan kerana kesihatannya merosot dan mula menerima bantuan JKM melalui skim Bantuan Am sebanyak RM 300 sebulan.



Pada masa yang sama penama turut menjalani rawatan susulan di Hospital Tengku Fauziah Kangar, Perlis. Dari masa ke semasa Nazaruden kelihatan semakin sihat walaupun tidak sepenuhnya. Sedar akan tanggungjawab yang perlu dipikul sebagai seorang ketua keluarga, disamping keperluan pendidikan anak-anak, penama bersama isteri merancang untuk memulakan perniagaan makanan dan minuman secara kecil-kecilan berdekatan rumahnya. Penama memulakan perniagaan tersebut dengan menjual laksa, cendol, kuih-muih dan air minuman yang mana hasil perniagaan tersebut penama memperolehi pendapatan purata RM 350 sebulan.

Nazaruden telah mendaftarkan perniagaannya sebagai BANG CHIK NAZA ENTERPRISE. Lokasi tapak perniagaannya dilihat sangat strategik dan mampu menarik perhatian para pelanggan untuk menikmati makanan yang disediakan. Pada masa yang sama, penama turut menerima bantuan berbentuk keperluan peralatan daripada MADA. Penama turut mengambil inisiatif mempelbagaikan menu warung makannya bagi meningkatkan lagi pendapatan.

Potensi perniagaan dan semangat yang dimiliki Nazaruden telah melayakkannya menyertai program peningkatan pendapatan JKM iaitu *2 Years Exit Programme* (2YEP) pada tahun 2019 dan seterusnya menerima Bantuan Geran Pelancaran berjumlah RM 2,700 sekaligus. Suntikan modal tersebut digunakan sepenuhnya untuk membesarkan ruang kedainya dan membeli peralatan serta bahan-bahan mentah.

Perniagaan Nazaruden terus menunjukkan kemajuan dan terdapat peningkatan dari masa kesemasa dimana penama berjaya memperolehi pendapatan sekitar RM 1,200 hingga RM 1,500 sebulan. Penama



cuba mempelbagaikan bidang perniagaannya dengan menyediakan perkhidmatan katering untuk majlis-majlis perkahwinan dan sebagainya.

Dengan peningkatan pendapatan yang diperolehinya, penama telah mampu menguruskan kehidupan kearah yang lebih baik dan kehidupan penama sekeluarga kini telah berubah tanpa perlu bergantung sepenuhnya pada bantuan Jabatan Kebajikan Masyarakat.



NAMA

Nor Hidayah binti Radzli

UMUR

34 Tahun

ALAMAT

Lot 1226, Rumah Kediaman,
Jalan Sungai Padang,
02700, Simpang
Empat Arau, Perlis

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2015-2019 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 800-RM1,000 sebulan

PENDAPATAN SELEPAS PROJEK

RM 5,000-RM 10,000 sebulan

BANTUAN AGENSI LAIN

- i) (SSM)-Tahun 2018 (Geran)
- ii) Tube 6.0- Tahun 2019 (Geran)
- iii) (PPK)-Tahun 2019 (Geran)
- iv) JTK Tahun 2019 (Geran)

* Elaun Pekerja Cacat (EPC) ditamatkan pada November 2019 kerana penama telah mampu berdikari dan telah berjaya dalam perniagaan yang diusahakannya.

NORHIDAYAH BT RADZLI berusia 34 tahun merupakan seorang OKU fizikal dan berdaftar dengan JKM dengan no pendaftaran PH090014000093. Penama adalah penerima bantuan JKM melalui skim Elaun Pekerja Cacat (EPC) dengan kadar RM 400 sebulan sejak tahun 2015. Penama sebelum ini merupakan seorang yang normal namun mengalami kecacatan fizikal setelah terlibat dalam satu kemalangan jalan raya. Kesan daripada kemalangan tersebut penama mengalami kecacatan di bahagian kaki.



Norhidayah telah mendirikan rumahtangga pada tahun 2015 dan mempunyai seorang anak. Untuk menyesuaikan diri menjalani kehidupan sebagai seorang OKU fizikal adalah satu cabaran yang sangat besar memandangkan penama seorang yang normal sebelum ini. Namun, dengan dorongan dan sokongan daripada suami dan keluarga, penama meneruskan kehidupan dengan melakukan pekerjaan membuat kuih dan kek dirumahnya di Simpang Empat, Sanglang Perlis. Sebelum memulakan

perniagaan sendiri, Norhidayah mempunyai pengalaman bekerja di sebuah hotel di Langkawi. Penama juga mendapatkan kemahiran dengan mengikuti bengkel dan kursus-kursus mengenai pembuatan kek dan roti yang dianjurkan oleh pelbagai agensi seperti MARA dan lain lain.

Berpanduan kemahiran dan pengalaman yang diperolehi daripada kursus-kursus yang dihadiri, Norhidayah cuba mengembangkan perniagaannya. Dengan bantuan ahli keluarga, penama telah membina sebuah bengkel bersebelahan rumah untuk meningkatkan pengeluaran produknya. Dari masa ke semasa produk pengeluaran penama semakin dikenali oleh masyarakat malah penama telah mula menerima tempahan daripada penduduk setempat.

Berpegang kepada prinsip **“genggam bara api biar sampai jadi arang”**, penama gigih meneruskan usahanya disamping mencari peluang untuk meluaskan perniagaannya dengan nama komersial **“Chef MickeyPinky Bakeri”**. Norhidayah memulakan perniagaannya dengan menyewa sebuah premis milik MARA di Arked MARA Simpang Empat, Perlis. Penama mula menempatkan hasil pembuatan kek dan roti di gerai tersebut secara kecil-kecilan sebagai langkah pertama mempromosikan perniagaannya. Sedar akan cabaran yang dihadapi mengenai persaingan dalam perniagaan, penama terus menimba ilmu dengan menghadiri pelbagai kursus keusahawanan anjuran agensi-agensi berkaitan.

Norhidayah telah menyertai program peningkatan pendapatan yang disarankan oleh JKM iaitu 2 Years Exit programme (2YEP) dengan harapan dapat mengembangkan lagi perniagaannya keperingkat yang lebih tinggi. Penama telah menerima Bantuan Geran



Pelancaran sebanyak RM 2,700 sekaligus pada Oktober 2018 dan digunakan sepenuhnya untuk menambah keperluan peralatan di premis bagi meningkatkan pengeluaran produk yang dihasilkan.

Perniagaan penama dilihat kian berkembang dan mempunyai potensi yang besar untuk berjaya. Hasil kerjasama JKM dan agensi-agensi pemberi bantuan yang lain penama telah dicadangkan untuk mendapatkan pelbagai peluang bantuan yang disediakan. Norhidayah telah diluluskan geran sebanyak RM 3,000 oleh Suruhanjaya Syarikat Malaysia (SSM) untuk pembelian peralatan. Penama juga telah menyertai Program Tunas Usahawan Belia Bumiputera OKU (TUBE) 6.0 anjuran bersama SME Corp dan JKM yang telah diadakan di Pusat Latihan Perindustrian dan Pemulihan (PLPP) Bangi. Melalui program tersebut penama telah berjaya memperolehi geran berjumlah RM 15,000 untuk mengembangkan lagi perniagaannya. Pada masa yang sama penama turut menerima bantuan daripada Pertubuhan Peladang Kawasan (PPK) berjumlah RM 15,000.





Penama mempunyai impian untuk memiliki kedai kek dan roti sendiri bagi memudahkan pelanggan membuat pilihan serta mendapatkan produk hasil air tangannya setiap hari. Hasil kerjasama diantara JKM dan Jabatan Tenaga Kerja Perlis (JTK), impian tersebut bakal menjadi kenyataan apabila penama telah diluluskan Geran Skim Bantuan Galakan Perniagaan OKU (SBGP-OKU) sebanyak RM 95,000 sekaligus bagi pembinaan sebuah bengkel yang akan didirikan diatas tanah milik sendiri serta penambahan keperluan peralatan.

Kini produk keluaran penama menjadi pilihan masyarakat setempat hasil daripada promosi yang berterusan. Selain promosi daripada mulut ke mulut, produk penama turut diiklankan di laman sosial seperti Facebook, blog selain turut menerima tempahan melalui telefon.

Penama juga telah meluaskan premisnya dengan menyewa premis tambahan daripada pihak MARA dimana premis tersebut terletak bersebelahan dengan premis sediaada. Berbekalkan kemahiran dan pengalaman



suaminya sebagai seorang chef di sebuah hotel di Langkawi, mereka telah mempelbagaikan menu dengan menyediakan menu-menu berbentuk goreng-gorengan dan western food. Premisnya beroperasi pada jam 1.00 tengahari sehingga jam 11.00 malam setiap hari. Perancangan yang dibuat dilihat sebagai satu pecaturan yang tepat dimana premis milik penama kini menjadi salah satu daya tarikan dan pilihan untuk pelanggan mengunjunginya.

Norhidayah amat bersyukur impian dan hasrat untuk mempunyai sebuah bengkel kek dan roti milik sendiri telah tercapai dan berjaya meningkatkan pendapatan sehingga mencecah RM 10,000 sebulan. Penama juga berhasrat untuk membuka peluang pekerjaan dan menyasarkan golongan OKU sebagai keutaamaan untuk bekerja dengannya. Sedar dengan kejayaan yang diperolehinya penama dengan penuh rasa terima kasih memohon agar bantuan EPC yang diperolehinya sebelum ini ditamatkan.





Kedah
DARUL AMAN



NAMA

Mohd Nadziruddin bin Ishak

UMUR

36 Tahun

ALAMAT

No 426 Jalan Perak 6
Taman Perak 2
09000 Kulim, Kedah

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2018-2019 | RM 400
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 500-RM800 sebulan

PENDAPATAN SELEPAS PROJEK

RM 1,500- RM 2,000 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada November 2019 kerana penama telah mampu berdikari dan telah berjaya dalam perniagaan yang diusahakan.

MOHD NAZIRUDDIN BIN ISHAK atau lebih mesra disapa Naziruddin berusia 36 tahun, merupakan OKU (OKU) kategori fizikal yang berdaftar dengan Jabatan Kebajikan Masyarakat (JKM). Penama menerima Elaun Pekerja Cacat (EPC) sebanyak RM 400 sebulan yang telah diluluskan pada Oktober 2018. Penama mengalami masalah ketidakupayaan di bahagian kaki kanan akibat kemalangan pada tahun 2013 yang mengakibatkan kesukaran untuk bergerak.

Naziruddin pernah bertugas sebagai Penyelia Bahagian Pengendalian Makanan di sebuah syarikat di Kulim Hi Tech. Malangnya penama hilang pekerjaan apabila syarikat tersebut diisytiharkan muflis. Sudah terbiasa menjalani hidup dengan hasil pendapatan makan gaji, peristiwa hilang pekerjaan itu memberi kesan yang amat besar kepada ekonomi keluarganya. Namun, dengan semangat dan pengalaman yang ada, penama nekad untuk mengusahakan perniagaan air minuman secara kecil-kecilan di pasar malam sekitar Kulim, Kedah.



Di awal penglibatan dalam perniagaan air minuman, penama hanya menjual 3 jenis air sahaja disebabkan kekurangan modal, faktor cuaca dan persaingan dengan peniaga-peniaga yang lain. Pendapatan yang diperolehi pada ketika itu sekitar RM 800 sahaja sebulan. Namun, berkat kesabaran dan sikap tidak putus asa, kini Naziruddin telah berniaga 8 jenis air minuman seterusnya berjaya membeli sebuah kereta iswara terpakai untuk kegunaan perniagaannya. Sejak itu penama berniaga air minuman di hampir semua pasar hari dan pasar malam sekitar daerah Kulim, Kedah terutamanya di Pasar Hari Padang Serai, Pasar Malam Kilang Lama, Pasar Malam Taman Selasih dan Pasar Malam Taman Lobak. Perniagaan penama banyak dibantu oleh isterinya yang sentiasa menemani penama berniaga tanpa jemu.

Setelah diluluskan EPC daripada JKM, perniagaan penama semakin berkembang apabila penama menggunakan sebahagian elaun tersebut sebagai modal pusingan perniagaannya. Penama yang sentiasa mengikuti perkembangan semasa mendapati permintaan terhadap citarasa makanan luar negara sedang mendapat sambutan luar biasa pada waktu itu. Mengambil peluang itu, Naziruddin mula memperkenalkan produk makanan iaitu “Ayam Goreng Korea” yang mendapat permintaan tinggi daripada pembeli.

Pada tahun 2019, penama telah terpilih sebagai salah seorang peserta 2 Years Exit Programme (2YEP) dan telah diberikan Bantuan Geran Pelancaran (BGP) sebanyak RM 2,700 sekaligus untuk menambah beberapa peralatan perniagaan. Dengan peruntukan kewangan yang diluluskan sedikit sebanyak dapat membantu menambah baik serta meningkatkan



perniagaan nya. Penama kini aktif menyertai expo yang dianjurkan oleh JKM dan agensi-agensi luar seperti Expo 2YEP di Taman Jubli Emas Alor Setar, Expo Kebajikan di Perkarangan Stadium Darul Aman dan lain-lain.

Naziruddin kini mula melebarkan sayap perniagaannya apabila turut berniaga di luar daerah Kulim, seperti di Daerah Seberang Perai, Pulau Pinang dan Baling, Kedah. Pendapatan penama kini mula meningkat berbanding dahulu sekaligus meningkatkan taraf ekonomi keluarganya ke tahap yang lebih baik. Untuk perancangan masa depan, penama bercadang untuk membeli sebuah van bagi memudahkan urusan perniagaan dan ingin mencapai impiannya untuk membuka kedai makan. Penama bertekad untuk terus berusaha merealisasikan impian tersebut dan yakin dengan kerja keras dan sikap tidak putus asa, impian tersebut bakal terlaksana satu hari nanti.



NAMA

Mohd Radzi bin Ismail

UMUR

52 Tahun

ALAMAT

Pekan Sungai Limau Dalam,
06900 Yan, Kedah

KATEGORI KLIEN

Keluarga Miskin

PENERIMA BANTUAN

- i) Bantuan Am (BA)
2004-2018 | RM 300
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 800-900 sebulan

PENDAPATAN SELEPAS PROJEK

RM4,000-5,000 sebulan

BANTUAN AGENSI LAIN

MARA (Peralatan)

* *Bantuan Am (BA) ditamatkan pada Julai 2018 kerana penama telah mampu berdikari dan telah berjaya dalam perniagaan yang diusahakan.*

MOHD RADZI BIN ISMAIL berusia 52 tahun telah disahkan menghidapi penyakit kanser tulang pada tahun 2002. Segala perbelanjaan keperluan seharian keluarganya adalah bergantung kepada isterinya yang bekerja di sebuah kilang yang terletak di Batu Arang. Kesan daripada penyakit yang dihidapi, penama dikehendaki menjalani rawatan susulan di Hospital Alor Setar dan Hospital Pulau Pinang setiap bulan. Keadaan ini telah menyebabkan penama mengalami masalah kewangan yang serius dan tidak mampu untuk menampung perbelanjaan keperluan harian keluarganya. Susulan itu, Bantuan Am (BA) dengan kadar RM 300 sebulan diluluskan kepada penama sejak tahun 2004 bagi menampung kos rawatan penyakit serta perbelanjaan keperluan harian keluarganya.



Masalah kesihatan yang dihidapi meninggalkan kesan kepada perkahwinannya apabila Mohd Radzi berpisah dengan isterinya pada tahun 2004. 2 orang anak perempuan penama masing-masing berumur 8 tahun dan 6 tahun ditinggalkan dibawah jagaan penama

ketika itu. Penama pernah bekerja di sebuah stesen minyak namun terpaksa berhenti atas nasihat doktor yang tidak membenarkan penama melakukan kerja-kerja berat kerana dikhuatiri akan memberi kesan buruk terhadap kesihatannya. Penama nekad untuk mengubah kehidupannya dengan menceburkan diri dalam bidang jahitan dengan tujuan untuk membesarkan kedua-dua orang anak perempuannya dengan sempurna. Penama mengambil kursus jahitan di agensi MARA, Yan bagi meningkatkan kemahiran jahitan. Mohd Radzi turut menerima sumbangan sebuah mesin jahit dari agensi berkenaan. Hasil kursus yang dihadiri, penama mampu menghasilkan pelbagai fesyen pakaian lelaki dan wanita.

Penama kini bekerja sendiri dengan mengambil upah menjahit dan menyewa di sebuah rumah kedai yang berdekatan Pekan Sungai Limau Dalam dengan kadar sewa sebanyak RM 300 sebulan bersama-sama rakan kongsinya. Rakan kongsi penama akan membantu penama pada hari bercuti sahaja kerana mempunyai pekerjaan tetap sebagai penjawat awam. Pendapatan yang diperolehi hasil daripada mengambil upah menjahit digunakan untuk menampung perbelanjaan keluarga dan pelajaran anak-anaknya.

Mohd Radzi telah menyertai program peningkatan pendapatan yang ditawarkan oleh JKM iaitu 2 Years Exit programme (2YEP) dengan harapan dapat mengembangkan lagi perniagaannya dan telah menerima Bantuan Geran Pelancaran sebanyak RM 2,700 sekaligus pada Jun 2016. Bantuan yang diterima digunakan sepenuhnya untuk menambah keperluan peralatan di kedainya yang dinamakan Kedai Jahit De'Boom. Kini, penama boleh menarik nafas lega kerana telah mampu menggaji 3 orang pembantu. Hasil daripada menyertai program ini, pendapatan kasar yang diperolehi oleh Mohd Radzi telah meningkat kepada



anggaran RM 4,000 hingga RM 5,000 sebulan dan akan meningkat lebih tinggi apabila tiba musim perayaan. Bantuan kewangan bulanan penama seterusnya telah ditamatkan pada Julai 2018 kerana pendapatan penama telah melebihi had kelayakan yang ditetapkan dan telah mampu berdikari.

Walaupun menghadapi penyakit kanser tulang, Mohd Radzi amat mengharapkan anak-anaknya berjaya dalam pelajaran. Segala perbelanjaan keperluan harian dan persekolahan anak-anak kini ditanggung dan diuruskan oleh penama sepenuhnya. Kini, penama telah berjaya dalam perniagaan yang diusahakan dan apa yang lebih membanggakan, penama sering dijemput oleh Kolej Komuniti Jerai untuk berkongsi serba sedikit ilmu dan pengalaman yang berkaitan dengan bidang jahitan.



NAMA

Nursyafawati binti Aznan

UMUR

36 Tahun

ALAMAT

No 2166 Taman Bersatu,
MK Belimbing Kanan,
06300 Kuala Nerang,
Kedah

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2012-2019 | RM 300
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 900 sebulan

PENDAPATAN SELEPAS PROJEK

RM 1,500 sebulan

BANTUAN AGENSI LAIN

AIM dan TEKUN (Kewangan dan
Latihan Kemahiran)

* *Bantuan Kanak-Kanak (BKK) ditamatkan pada Mei 2019 kerana penama telah mampu berdikari dan telah berjaya dalam perniagaan yang diusahakan.*

NURSYAFAWATI BINTI AZNAN berusia 36 tahun merupakan ibu tunggal yang telah berpisah dengan bekas suaminya pada 6 Januari 2012. Hasil perkahwinan tersebut, penama dikurniakan 3 orang cahayamata yang masih bersekolah diperingkat rendah dan menengah. Selepas bergelar ibu tunggal, penama bekerja sebagai pembantu kedai makan berdekatan dengan Hospital Kuala Nerang dengan pendapatan sebanyak RM 700 sebulan. Dengan pendapatan sebanyak itu, penama menghadapi masalah kewangan dalam memenuhi keperluan harian dan persekolahan anak-anak. Apatah lagi penama menyewa di rumah taman dengan sewaan sebanyak RM 180 sebulan dan hanya menerima nafkah RM 50 sebulan daripada bekas suaminya.

Kesukaran hidup memaksa penama memohon bantuan yang bersesuaian daripada JKM demi kelangsungan hidup mereka anak beranak. Bantuan Kanak-Kanak sebanyak RM 300 sebulan telah diluluskan kepada penama mulai tahun 2012. Pengalaman bekerja di kedai makan sebelum ini membuka ruang untuk penama menceburi bidang perniagaan makanan apabila penama membuka kedai makannya sendiri. Penama menyewa di sebuah bangunan kedai berdekatan dengan Masjid Tengku Sharafuddin Badlishah dan mendaftarkan perniagaannya, NDH BERSATU RESOURCE dengan pihak Suruhanjaya Syarikat Malaysia (SSM). Memandangkan modal permulaan yang kecil, Nursyafawati tidak mampu untuk mempelbagaikan menu masakan menyebabkan kedainya kurang mendapat sambutan. Pada waktu itu penama hanya mampu menjana pendapatan sekitar RM 900 sebulan sahaja. Lebih malang lagi, kedainya sering menjadi sasaran pencuri yang mencuri pelbagai peralatan hingga mengakibatkan kerugian.



Namun, itu semua tidak mematahkan semangatnya dan penama menganggap ianya asam garam yang perlu dilalui dalam bidang perniagaan. Penama tetap meneruskan perniagaan kedai makan sehinggalah JKM menawarkan penama menyertai 2 Years Exit Programme (2YEP) pada tahun 2017. Setelah melalui proses saringan, Nursyafawati berjaya terpilih dan menerima Bantuan Geran Pelancaran sebanyak RM 2,700 sekaligus. Bantuan tersebut digunakan sepenuhnya untuk menambah peralatan memasak.

Kini premis perniagaan penama beralih ke sebuah kiosk yang dinamakan Kedai Kopi Peruda di Alor Setar dengan tambahan pelbagai menu yang menarik. Antara menu yang terdapat di gerai tersebut adalah lontong, nasi impit kuah kacang, laksa, soto serta tauhu bergedil berapi. Perniagaan penama semakin rancak dan mendapat sambutan apabila penama mula mempelbagaikan produk dengan menambah kuih muih sejuk beku seperti karipap, samosa, kuih kacang dan cucur badak. Penama juga sering mendapat tempahan katering di luar kawasan Kuala Nerang. Penama kini mempunyai seorang pekerja yang membantunya di gerai dan dibayar gaji RM 20 sehari. Penama amat bersyukur apabila pendapatannya kini telah mencecah sekitar RM 1,500 sebulan.

Kemajuan perniagaannya menaikkan semangat Nursyafawati untuk berusaha lebih kuat demi kejayaan yang lebih besar. Bagi memantapkan lagi ilmu dan kemahiran dalam bidang perniagaan, penama sering mengikuti kursus anjuran JKM serta agensi luar seperti Amanah Ikhtiar Malaysia dan TEKUN. Penama juga sentiasa menunjukkan komitmen yang tinggi dengan program serta kursus yang dianjurkan demi meningkatkan motivasi diri bagi memajukan lagi perniagaan yang diceburinya.



NAMA

Suhana binti Razali

UMUR

41 Tahun

ALAMAT

No. 1 Gerai Seri Angerik,
Jalan Bagan,
09400 Padang Serai, Kedah

KATEGORI KLIEN

Keluarga Miskin

PENERIMA BANTUAN

- i) Bantuan Kanak-Kanak (BKK)
2013-2018 | RM 100
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 600 sebulan

PENDAPATAN SELEPAS PROJEK

RM 2,500 sebulan

BANTUAN AGENSI LAIN

Giatmara (Latihan dan Kemahiran)

* Bantuan Kanak-Kanak (BKK) ditamatkan pada April 2018 kerana penama telah mampu berdikari dan telah berjaya dalam perniagaan yang diusahakan.

SUHANA BINTI RAZALI merupakan salah seorang penerima Bantuan Kanak-Kanak (BKK) sebanyak RM 100 sebulan daripada JKM mulai Mei 2013. Penama masih bujang dan bantuan tersebut diluluskan kerana menjaga seorang anak saudara perempuan yang telah kematian ibu. Segala perbelanjaan kanak-kanak tersebut ditanggung sepenuhnya oleh penama. Sebelum ini penama pernah bekerja di beberapa buah kilang seperti Kilang Fuji, Kilang B.Braun, Kilang Intel dan Kilang Knowles dengan pendapatan yang tidak seberapa. Menyedari kos hidup yang semakin tinggi disamping perlu mempunyai sumber kewangan yang kukuh untuk menampung kos persekolahan anak saudaranya, penama mula menceburi bidang perniagaan menjual kuih- muih dan produk kosmetik.

Namun begitu, perniagaan tersebut kurang mendapat sambutan menyebabkan Suhana mula beralih arah dengan mencuba memulakan perkhidmatan menggunting rambut. Penama beroperasi daripada rumah yang terletak di Padang Serai pada peringkat awalnya iaitu pada tahun 2000 hasil daripada pengalaman bekerja di salon suatu ketika dahulu. Pada waktu itu, trend permintaan terhadap perkhidmatan menggunting rambut untuk muslimah agak tinggi tetapi tidak banyak salon yang menawarkannya.

Penama melihat *trend* ini sebagai peluang untuknya meraih pendapatan yang lebih baik dan mula mengumpul modal perlahan-lahan untuk membuka salon sendiri. Peralatan seperti gunting, cermin dan kerusi untuk menggunting rambut dibeli secara berperingkat ketika penama memulakan perniagaannya di rumah. Selain daripada perkhidmatan menggunting rambut, penama turut menawarkan perkhidmatan mengurut.



Bagi memantapkan kemahiran dan ilmu pengetahuan dalam bidang ini, Suhana mengambil inisiatif menghadiri beberapa kursus jangka pendek yang dianjurkan oleh Giatmara seperti Kursus *Holistic & Wellness Spa*, Kursus *Anatomy & Physiology* dan Kursus Rawatan Kesegaran Perubatan Tradisional Melayu sekitar tahun 2013. Tahun 2014 membuka lembaran baru dalam hidupnya apabila

sepupu penama menawarkan sebuah premis di bawah Majlis Perbandaran Kulim untuk dijadikan salun dan spa khas untuk muslimah. Penama tidak mengambil masa yang panjang untuk bersetuju menyewa premis tersebut dan menamakannya **RS Muslimah-Salun Rambut dan Spa**. Segala ilmu dan kemahiran yang diperoleh menerusi pelbagai kursus yang telah dihadiri digunakan sepenuhnya untuk memberi perkhidmatan terbaik kepada pelanggan.

Pada tahun 2017 penama telah terpilih sebagai salah seorang peserta *2 Years Exit Programme (2YEP)* dan telah diberikan Bantuan Geran Pelancaran (BGP) sebanyak RM 2,700 sekaligus untuk menambah beberapa peralatan. Dengan suntikan modal yang diterima, penama telah menambah peralatan seperti tab mandi, sauna, *facial trolley* dan *hair dryer* bagi memenuhi permintaan pelanggan.

Premis perniagaan penama yang terletak betul-betul di Pekan Padang Serai ini beroperasi daripada jam 8.00 pagi hingga 8.00 malam setiap hari Rabu hingga Ahad. Kini, penama mempelbagaikan pakej perkhidmatan yang ditawarkan mengikut kehendak pelanggan. Antaranya ialah perkhidmatan rawatan rambut, rawatan muka, urutan, rawatan tradisional seperti mandi wap, lulur, bertangas dan bertungku.

Salun rambut dan spa milik Suhana semakin dikenali dan mendapat tempat dihati pelanggan yang berpuas hati dengan perkhidmatan yang diberikan. Maka, tidak hairanlah penama kini berjaya memperolehi pendapatan mencecah RM 2,000 hingga RM 3,000 sebulan dan tidak lagi bergantung kepada bantuan daripada JKM.



NAMA

Nur Adila binti Abdul Rahman

UMUR

32 Tahun

ALAMAT

No 34, Taman Seri Impain,
KM4 Jalan Kuala Ketil,
08000 Sungai Petani, Kedah

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2017-2020 | RM 200
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 300 sebulan

PENDAPATAN SELEPAS PROJEK

RM 2,000-3,500 sebulan


BANTUAN AGENSI LAIN

Tiada

* Bantuan Kanak-Kanak (BKK) ditamatkan pada Januari 2020 kerana penama telah mampu berdikari dan telah berjaya dalam perniagaan yang diusahakan.

NUR ADILA BINTI ABDUL RAHMAN merupakan penerima bantuan JKM yang berusia 32 tahun. Bergelar ibu tunggal pada usia yang masih muda setelah diceraikan suaminya pada tahun 2017 dan di kurniakan dua orang cahaya mata. Kedua-dua anaknya iaitu Ezzara Nur Arissa Binti Ezwa Ezham berusia 7 tahun dan Ezzariel Muhammad Arish bin Ezwa Ezham berusia 3 tahun dijaga oleh penama sepenuhnya selepas berpisah dengan bekas suami. Sejak perceraian tersebut penama putus mata pencarian untuk menyara anak-anaknya apabila bekas suami bersikap lepas tangan dan tidak memberi nafkah.





Buntu memikirkan kos sara hidup yang tinggi untuk menyara anak-anak yang masih kecil, Nur Adila mula mengorak langkah mencari sumber pendapatan sendiri sebaik sahaja selesai berpantang anak keduanya. Dengan sokongan daripada ibu bapanya, penama memulakan perniagaan kuih-muih frozen secara kecil-kecilan. Pendapatan yang diperolehi tidak seberapa namun cukup untuk meringankan sedikit beban kewangan yang dihadapi. Penama terpaksa akur memandangkan hanya itu sahaja alternatif menambah pendapatan yang boleh dilakukan waktu itu memandangkan anak-anak masih kecil dan sukar untuk mencari kerja diluar yang berpendapatan lebih baik.

Kesukaran hidup penama dalam memenuhi keperluan harian anak-anak mendapat perhatian daripada JKM apabila Nur Adila diluluskan Bantuan Kanak-Kanak berjumlah RM 200 sebulan pada tahun 2017. Penama berniaga dari rumah dengan membuat kuih karipap dan donut secara sejuk beku dan dipasarkan kepada penduduk sekitar sahaja. Purata pendapatan ketika

itu hanya sekitar RM 200 hingga RM 300 sahaja memandangkan pasaran produknya agak terhad. Walaupun penama mempunyai hasrat untuk meluaskan pasaran kuih-muih sejuk bekunya, namun terpaksa dipendam memandangkan kekangan modal dan peralatan yang dihadapi.

Pada pertengahan tahun 2018 penama memberanikan diri hadir di Pejabat Kebajikan Masyarakat Daerah Kuala Muda (PKMD Kuala Muda) untuk memohon Bantuan Geran Pelancaran. Detik itu amat bermakna apabila penama ditawarkan untuk menyertai program penjaanaan pendapatan *2 Years Exit Programme* (2YEP). Penyertaannya dalam program tersebut memberi sinar baru apabila penama diluluskan Bantuan Geran Pelancaran berjumlah RM 2,700 sekaligus. Modal yang diterima dimanfaatkan dengan membeli mesin mengadun doh dan mesin mencanai doh yang sekaligus meningkatkan pengeluaran produk sejuk bekunya.

Bagi memantapkan kemahiran dalam bidang pembuatan kuih-muih, Nur Adila di beri peluang menyertai Kursus Asas Keusahawanan Dan Pastri anjuran bersama PKMD Kuala Muda Dan Kolej Komuniti. Selain itu, penama sendiri mengambil inisiatif mengikuti Kursus Asas Bakeri secara persendirian.

Hasil kerja keras dan semangat yang kuat, penama berjaya membuka sebuah gerai diberi nama “**Dapoq Dilla**” yang terletak berhadapan dengan Institut Pendidikan Sultan Abdul Halim (IPSAH). Gerai penama pernah disantuni oleh pihak Jabatan Kebajikan Masyarakat Malaysia (JKMM) iaitu En Mohd Razuki bin Sibi dan En. Kamarulzaman Bin Ismail bagi tujuan

pemantauan pada tahun 2018. Hasil pemantaua yang dilakukan, JKMM berpuas hati dengan hasil usaha penama menjana pendapatan sendiri selain inisiatif dan kreativiti penama dalam mempelbagaikan produk di gerainya.





Gerai penama kini menjadi pilihan penduduk sekitar yang ingin mendapatkan pelbagai jenis kuih-muih moden dan tradisional. “**Dapoq Dilla**” sinonim dengan pelbagai jenis kuih-muih seperti karipap, cucur badak dan pau goreng. Melihat sambutan yang tinggi terhadap karipap jualannya, maka tercetuslah idea untuk mempelbagaikan inti karipap buatannya. Kini karipap hasil air tangan Nur Adila boleh didapati dengan 9 jenis inti antaranya ikan, *cheese*, *bolognaise* dan sebagainya.

Penama merupakan seorang yang kreatif dan inovatif dalam menjalankan perniagaan. Pada pertengahan tahun 2018 penama telah mencipta donut dengan pelbagai perisa seperti coklat, *cheese*, *hazelnut*, kastad dan lain-lain lagi. Sejak itu, sambutan yang diterima sangat hebat dan permintaan terhadap donut air tangannya meningkat tinggi hingga tidak menyangka. Gerai penama terkenal dengan “Donut Bonbolini” yang merupakan *signature dish* gerainya kini. Penama juga bijak mempromosikan produknya melalui medium media massa dan media cetak dengan membuat *Banner* promosi serta melalui *Facebook*.

Memahami kesukaran pelanggan yang kadang-kala sukar untuk datang mendapatkan kuih-muih kesukaan mereka, penama mengorak lagi langkah ke hadapan dengan menyediakan perkhidmatan *Cash On Delivery* (COD). Sejak memperkenalkan perkhidmatan itu, hasil jualan gerainya melonjak naik dan penama mampu menjana pendapatan melebihi RM 2,000 hingga RM 3,500 sebulan. Penama kini mampu tersenyum melihat hasil usahanya selama ini telah membuahkan hasil yang agak lumayan. Penama memasang impian untuk membuka kedai dan mempunyai jenama donut sendiri setanding dengan jenama donut antarabangsa.





Pulau Pinang
PULAU MUTIARA



NAMA

Noor Hanisa binti
Mohammad Desa

UMUR

35 Tahun

ALAMAT

2A-4-11 Taman Desa Genting
Jalan Pulau Betong
Pulau Pinang

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2018-2019 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM700 sebulan

PENDAPATAN SELEPAS PROJEK

RM 2,000 sebulan

BANTUAN AGENSI LAIN

- i) Pejabat Daerah (Peralatan)
- ii) SSM (Modal)
- iii) MARA (Modal)
- iv) AIM (Pinjaman)

* Bantuan Kanak-Kanak (BKK) ditamatkan pada Januari 2020 kerana penama telah mampu berdikari dan telah berjaya dalam perniagaan yang diusahakannya.

Penama merupakan ibu tunggal kepada empat orang anak. Setelah berpisah dengan suami, penama hilang sumber pendapatan dan menggunakan kemahiran menjahit dengan menerima tempahan secara sampingan. Penama bernasib baik kerana tempat tinggal mereka anak beranak merupakan rumah pusaka peninggalan arwah ayahnya. Sebelum berkahwin, penama pernah bekerja dalam bidang pengurusan di lapangan terbang. Namun, setelah berkahwin penama berhenti kerja dan disara sepenuhnya oleh bekas suami.

Perceraian dengan bekas suami menyebabkan Noor Hanisa mula mengorak langkah berdikari mencari sumber pendapatan sendiri. Mujurlah penama mempunyai kemahiran dalam bidang jahitan yang boleh digunakan untuk mencari rezeki. Penama mempelajari kemahiran jahitan daripada ibunya sendiri yang merupakan seorang tukang jahit. Kesempitan hidup penama dan anak-anak kemudiannya dirujuk kepada JKM untuk mendapatkan Bantuan Kanak-Kanak sebanyak RM 400 sebulan bermula Februari 2018.



Sejak menghadapi masalah dengan bekas suami, penama mengakui kehidupannya agak sukar memandangkan penama perlu berhadapan dengan pelbagai urusan di samping perlu menguruskan anaknya yang masih kecil. Anak bongsunya baru sahaja berusia 9 bulan semasa penama menguruskan perceraian dengan bekas suami. Namun, penama bersyukur kerana bantuan daripada keluarga terdekat masih ada di samping bantuan daripada pelbagai agensi termasuklah JKM.

Sebelum bercerai, Noor Hanisa telah mula menjahit untuk membantu ekonomi keluarga walaupun dengan kemudahan dan peralatan yang terhad. Setelah berpisah dengan bekas suami, penama menggunakan pelbagai ruang yang ada untuk menjana lebih banyak hasil daripada perkhidmatan jahitannya. Penama sangat cekal meskipun perlu bergantung kepada diri sendiri dan dengan segala kemahiran yang ada padanya, penama memanfaatkannya dengan baik dan dijadikan sumber pendapatan sehingga mampu menyediakan pelbagai perkhidmatan selain jahitan. Dengan sebuah mesin jahit yang ada penama menerima tempahan dan turut mengeluarkan produk sendiri iaitu barut bayi disamping barang keperluan bayi dan ibu bersalin yang lain.

Sebelum mendapat bantuan suntikan modal perniagaan di bawah 2 Years Exit Programme (2YEP), penama hanya menjalankan perkhidmatan menjahit di rumah sahaja dengan sebuah mesin jahit kecil. Penama sering menghadapi masalah apabila mesin jahit lamanya sering rosak sehingga terpaksa meminjam mesin jahit rakannya bagi memenuhi tempahan yang telah diterima. Kesungguhan Noor Hanisa telah mendorong JKM untuk membantu penama mendapatkan sebuah mesin jahit baru selain keperluan jahitan yang lain bagi menambahbaik mutu dan kualiti perkhidmatan jahitannya.




Disebalik segala kesukaran yang dilaluinya, penama mempunyai azam untuk menjadi seorang yang lebih berdaya usaha demi anak-anaknya. Penama mempunyai matlamat yang jelas mengenai kemahuannya dan kerana itulah penama terpilih menyertai 2 Years Exit Programme (2YEP) dan diluluskan Bantuan Geran Pelancaran sebanyak RM 2,700 sekaligus. Dengan bantuan tersebut, Noor Hanisa mendapatkan sebuah mesin jahit baharu. Penama terus diberi sokongan daripada pelbagai pihak sehingga berjaya mencapai matlamat untuk memiliki sebuah kedai sendiri. Sebelum ini, rumah penama dipenuhi dengan barang-barang jahitnya dan agak kurang sesuai untuk tumbesaran anak-anaknya. Dengan adanya kedai sendiri yang disewa dengan bayaran RM 125 sebulan, penama menetapkan semua kerja jahitannya ditempatkan di kedai tersebut.

Penama berjaya meluaskan jaringan perkhidmatannya berbekalkan kemahirannya dalam mempromosikan produk. Penama juga mampu menggaji pekerja yang

dibayar dengan bayaran RM 4.00 sejam. Di samping menjual pelbagai aneka tilam bayi dan barut bayi, penama turut menyediakan perkhidmatan katering, jualan makanan shell out, gubahan bunga sempena hari istimewa seperti hari guru dan lain-lain lagi. Hasil keseluruhan yang mampu diperolehi penama mencecah sehingga RM 4,000 sebulan.

Dengan kesungguhan yang ditunjukkan, penama mendapat sokongan daripada pelbagai pihak. Antaranya Pejabat Daerah yang memberi sumbangan sebuah mesin jahit industri bernilai RM 1,950 pada Januari 2019. Penama mendapat banyak tempahan daripada penduduk setempat termasuk daripada pejabat ADUN kawasan sendiri yang menyasarkan penama untuk menjahit baju sempena program-program khas. Penama juga telah memohon bantuan daripada pihak SSM dan diluluskan bantuan sebanyak RM 3,500 pada bulan Mac 2019. Bantuan tersebut digunakan untuk menambahbaik kedai yang disewanya dengan pelbagai keperluan khas. Penama juga mula mengambil pinjaman di bawah AIM bermula Jun 2019 di samping pinjaman daripada pihak MARA sebanyak RM 5,000.

Kesemua bantuan tersebut telah dimanfaatkan sepenuhnya oleh penama sehingga berjaya menstabilkan perniagaannya yang dijenamakan sebagai ANISS KISSMISS. Meskipun tidak mempunyai kemahiran khusus dan hanya berbekalkan ilmu jahitan asas daripada ibunya, penama mampu mewujudkan sebuah kedai sendiri yang menerima tempahan yang banyak pada masa kini. Bermula daripada bantuan daripada JKM sehingga diluluskan Bantuan Geran Pelancaran pada April 2018, penama sendiri giat mengembangkan lagi perkhidmatan jahitannya daripada pelbagai sumber.





Dengan pertambahan tempahan di samping minat yang mendalam dalam pembuatan produk untuk bayi, penama menyimpan hasrat untuk menjalankan perniagaan jahitannya secara subcon dimana penama akan bekerjasama dengan tukang jahit yang lain. Dengan itu, penama tidak lagi perlu mengehendkan tempahan yang diterima kerana segala urusan tempahan dan produk akan dikeluarkan daripada kedainya namun dibuat kerjasama dengan rakan mengikut perjanjian kadar bayaran yang telah ditetapkan. Dengan kemahiran perancangannya, perniagaan penama dilihat mempunyai potensi yang agak besar untuk terus berkembang. Kini, dengan adanya dua orang pembantu, penama tidak begitu terbeban meskipun segala kerja-kerja pengurusan diuruskan sendiri olehnya.

Noor Hanisa sentiasa bersyukur dengan kejayaan yang dicapai kini. Penama percaya, setuiap apa yang berlaku dalam hidupnya mempunyai hikmah tersendiri. Kini kehidupannya bertambah baik dan tidak lagi bergantung dengan bantuan JKM.



NAMA

Noor Sabilah binti Romli

UMUR

47 Tahun

ALAMAT

200 MK 12 Teluk Tempoyak,
11960 Bayan Lepas,
Pulau Pinang

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2013-2018 | RM 100
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 700 sebulan

PENDAPATAN SELEPAS PROJEK

RM 2,000 sebulan


BANTUAN AGENSI LAIN

Wakil Rakyat (Peralatan)

* Bantuan Kanak-Kanak (BKK) ditamatkan pada Jun 2018 kerana penama telah mampu berdikari dan telah berjaya dalam perniagaan yang diusahakannya.

Penama merupakan seorang ibu tunggal setelah kematian suaminya pada tahun 2013 akibat penyakit kanser. Pemergian suami secara tiba-tiba menyebabkan Noor Sabilah hilang dahan berpaut dan tanggungjawab menyara anak-anak terletak dibahunya. Penama dikurniakan 4 orang cahayamata dimana 3 daripadanya masih kecil dan bersekolah. Manakala seorang anak lelaki penama telah berkahwin dan mempunyai tanggungan sendiri. Sejak kematian suami, penama tinggal bersama kedua ibu bapanya yang hanya bekerja sebagai nelayan dan berniaga kedai makan. Penama dan ibunya bersama-sama berniaga bagi menyara keluarga. Manakala bapa penama agak jarang turun ke laut dan hanya akan turun sekiranya kesihatannya mengizinkan.

Penama enggan membebaskan ibubapanya dan berazam untuk membantu perniagaan ibunya disamping memanfaatkan kebolehan yang ada dalam bidang masakan. Penama membantu ibunya berniaga bagi meneruskan kehidupannya bersama anak-anak. Setelah kedua orang tuanya tidak mampu bekerja, Noor Sabilah mula mengambilalih kedai makan tersebut dengan purata pendapatan sekitar RM 700 sebulan.



Pendapatan yang tidak menentu dengan jumlah tanggungan yang ramai membuatkan Noor Sabilah nekad ke JKM untuk memohon bantuan. Faktor usia kedua orang tuanya yang sudah lanjut disamping keperluan untuk anak-anak yang masih bersekolah menjadi dorongan kepada penama untuk mengembangkan lagi perniagaannya. Kesungguhan penama untuk menambahbaik kesejahteraan diri dan keluarga telah meringankan bebanan kedua orang tuanya.

Sebelum mendapat bantuan suntikan modal perniagaan di bawah program *2 Years Exit Programme* (2YEP), kedai makannya hanya dijalankan secara kecil-kecilan. Melalui bantuan Geran Pelancaran sebanyak RM 2,700 sekaligus, penama membeli beberapa peralatan seperti meja penghidang makanan khas untuk menjual pelbagai lauk dan tiga set meja makan dan kerusi. Selain bantuan daripada JKM, Noor Sabilah turut menerima bantuan berupa meja roti canai daripada wakil rakyat kawasannya.

Perniagaan kedai makan penama beroperasi setiap hari. Pada hari Isnin hingga Khamis gerai makannya beroperasi selepas subuh sehingga lebih kurang jam 10 pagi. Manakala pada hari Jumaat sehingga Ahad pula akan dilanjutkan sehingga waktu tengah hari. Pelanggan yang mengunjungi kedai makannya terdiri daripada pekerja kilang, nelayan dan penduduk sekitar. Menurut penama, pelanggan pada hari Jumaat adalah paling ramai membeli di kedai makannya yang menjual pelbagai jenis nasi berlauk, nasi lemak, roti canai dan kuih muih.

Penama kini juga telah mampu menggajikan tiga orang pekerja yang merupakan saudara maranya sendiri. Manakala orang tuanya hanya membantu sekali sekala.



Penama sendiri mengakui sememangnya perlu bekerja keras mencari rezeki untuk keluarganya memandangkan masih mempunyai kudrat berbanding kedua orang tuanya yang semakin uzur.

Kini, penama telah mempunyai perniagaan yang stabil dan telah mempelbagaikan bidang jualannya dengan turut menjalankan perkhidmatan *homestay*. Selain itu, Penama juga telah membuka sebuah kedai aneka jualan seperti pakaian dan produk kecantikan di Teluk Tempoyak yang disewa dengan bayaran RM 250 sebulan. Kini, keseluruhan pendapatan hasil jualan Noor Sabilah mampu mencecah sehingga melebihi RM 2,000 sebulan. Walaupun telah mempunyai pendapatan yang stabil, penama sentiasa giat mempromosikan perniagaan miliknya melalui laman media sosial. Melihat kehidupan penama sekeluarga telah stabil dan mempunyai sumber pendapatn yang tetap, bantuan penama ditamatkan kerana telah mampu berdikari.



NAMA

Noorhiyati binti Mohd Hussain

UMUR

39 Tahun

ALAMAT

No. 4176 Pokok Tampang,
13300 Tasek Gelugor,
Pulau Pinang

KATEGORI KLIEN

Keluarga Miskin

PENERIMA BANTUAN

- i) Bantuan Am (BA)
2015-2019 | RM 380
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 500 sebulan

PENDAPATAN SELEPAS PROJEK

RM 3,500 sebulan

BANTUAN AGENSI LAIN

FAMA (Geran)
PERDA (Geran)

* Bantuan Am (BA) ditamatkan pada Ogos 2019 kerana penama telah mampu berdikari dan telah berjaya dalam perniagaan yang diusahakannya.

NOORHIYATI, 39 tahun atau lebih dikenali dengan panggilan Kak Yati merupakan bekas penerima Bantuan Am JKM sejak tahun 2015. Kesukaran hidup penama bermula apabila pada pertengahan tahun 2014, suami tersayang mengalami serangan jantung dan menghidap penyakit gaut. Keadaan kesihatan suami yang tidak mengizinkan dan tidak mampu melakukan sebarang pekerjaan secara tidak langsung menyebabkan keluarga mereka terputus sumber pendapatan. Ibarat sudah jatuh ditimpa tangga, Kak Yati pula disahkan menghidap jangkitan kuman dan terpaksa dirawat di Hospital Seberang Jaya selama hampir 1 bulan.

Kesempitan hidup mereka sekeluarga menyebabkan penama terpaksa memberhentikan persekolahan anak sulungnya iaitu Muhammad Norhafiz yang berusia 4 tahun pada ketika itu. Anaknya terpaksa diberhentikan sekolah tadika di sebabkan tiada siapa yang boleh menguruskan anaknya dan tiada kemampuan dari segi kewangan. Dengan segala dugaan yang datang bertimpa-timpa, Kak Yati pernah terfikir untuk menamatkan riwayatnya disebabkan terlalu tertekan dan tiada tempat untuk berkongsi masalah serta suka duka kehidupan yang dilalui.



Namun, nasibnya baik apabila salah seorang rakan yang mengetahui hal ini meminta Kak Yati berjumpa dengan pegawai di Pejabat Kebajikan Masyarakat Daerah Seberang Perai Utara (PKMD SPU). Kisah kehidupan keluarganya mendapat perhatian daripada pegawai di PKMD SPU iaitu Puan Nor Hafifah dan seterusnya dirujuk kepada pegawai yang bertugas iaitu Encik Aminul Husaini yang kini menjadi mentor dan banyak membantu memberi tunjuk ajar serta semangat untuk Kak Yati melangkah ke hadapan. Pada tahun 2015, Kak Yati telah menerima bantuan bulanan iaitu Bantuan Am sebanyak RM 380 sebulan daripada PKMD SPU dan pada tahun itu jugalah Kak Yati dianugerahkan rezeki apabila disahkan hamil anak kedua.



Selepas beberapa bulan, penama telah diberi galakan oleh kakitangan JKM untuk berniaga bagi mengubah kehidupan keluarga. Kak Yati menggunakan bantuan yang diterima daripada JKM dengan sebaik mungkin kerana itu sahaja punca kewangan mereka sekeluarga buat masa itu. Penama juga menjadikan duit bantuan JKM sebagai modal untuk berniaga kecil-kecilan. Ketika ini, Kak Yati sudah mula membuat laksa dan bihun sup lalu dijual sekitar kampung dan taman perumahan menggunakan motor. Pendapatan ketika itu tidak menentu dengan purata sebanyak RM 500 sebulan.

Pada tahun 2018 iaitu selepas melahirkan anak yang kedua, Kak Yati telah diluluskan Bantuan Geran Pelancaran sebanyak RM 2,700 untuk membeli peralatan bagi kegunaan perniagaannya. Dengan bantuan inilah Kak Yati mendirikan sebuah warung kecil berukuran 20 x 20 kaki persegi ditepi jalan besar di Tasek Gelugor yang kini dikenali sebagai warung Kak Yati. Dari situ jugalah Kak Yati terus melangkah dengan mengusahakan pes bakso, sambal belacan tumis dan bebola daging bakso yang di kenali sebagai rangkaian produk HANAFIZ. Kini produk HANAFIZ boleh di dapati di Argobazaar *online*.

Oleh kerana perniagaan bertambah baik penama telah terpilih untuk mengikuti program *2 Years Exit programme* (2YEP) pada tahun 2018 dan diluluskan Bantuan Geran Pelancaran sebanyak RM 2,700 untuk menambah peralatan perniagaan. Penama juga sering mengikuti kursus-kursus yang dianjurkan oleh JKM mahupun agensi lain. Selain JKM, Kak Yati turut dibantu oleh FAMA dan PERDA bagi memajukan perniagaannya. PERDA telah meluluskan geran perniagaan sebanyak RM 3,000 untuk peralatan manakala FAMA meluluskan Geran Argopreneur Muda FAMA negeri Pulau Pinang sebanyak RM 15,000. Kini penama dalam proses baik pulih bengkel bagi persiapan untuk pensijilan halal rangkaian produk HANAFIZ.





Kak Yati tidak pernah lupa hakikat kejayaannya pada hari ini banyak dibantu oleh JKM dan agensi-agensi lain. Sebagaimana ucapan yang sering meniti dibibirnya “Tanpa anda tiadalah saya disini, tanpa anda siapalah HANAFIZ”, penama sentiasa memanjat kesyuluran dengan nikmat kejayaan yang dikecapi kini. Tempahan yang diterima kian meningkat dari hari ke hari dan keadaan ekonomi keluarganya bertambah baik. Bantuan bulanan juga telah ditamatkan atas kejayaannya berdikari dan keluar daripada kepompong kemiskinan.



NAMA

Sabariah binti Yahaya

UMUR

41 Tahun

ALAMAT

632 Kg. Pengkalan Batu Kawan,
14110 Simpang Ampat,
Pulau Pinang

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2014-2018 | RM 300
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 800 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Kementerian Pertanian dan Industri Asas Tani
(GERAN)

* Bantuan Kanak-Kanak (BKK) ditamatkan pada Januari 2018 kerana penama telah mampu berdikari dan telah berjaya dalam perniagaan yang diusahakannya.

SABARIAH BINTI YAHAYA, 41 tahun merupakan bekas penerima Bantuan Kanak-Kanak sebanyak RM 300 sebulan daripada Pejabat Kebajikan Masyarakat Daerah Seberang Perai Selatan sejak tahun 2014. Berstatus ibu tunggal apabila perkahwinan bersama bekas suami berakhir pada tahun 2013 dan dikurniakan 4 orang cahayamata yang masih kecil dan bersekolah. Sikap bekas suami yang tidak bertanggungjawab dan lepas tangan dalam pemberian nafkah kepada anak-anak membawa kepada masalah kewangan yang meruncing kepada penama dalam membesarkan anak-anak mereka.

Di awal perceraian tersebut, penama terpaksa menumpang teduh di rumah saudaranya bersama anak-anak. Bagi menampung kehidupan mereka anak-beranak, penama menjalankan perniagaan membuat kuih tradisional di rumah dan menjual dari rumah ke rumah selain pernah bekerja sebagai pembantu kedai makan dengan gaji sebanyak RM 550 sebulan. Keadaan Sabariah dan anak-anak pada ketika itu kurang memuaskan dan hidup dalam keadaan tertekan. Atas desakan hidup untuk memenuhi keperluan harian dan menanggung persekolahan anak-anak, penama terpaksa memohon bantuan daripada JKM.



Selepas beberapa bulan penama diberi galakan oleh kakitangan JKM untuk berniaga bagi mengubah kehidupannya. Pada tahun 2015 penama telah diluluskan Bantuan Geran Pelancaran sebanyak RM 2,700 sekaligus untuk membeli peralatan membuat kuih. Pada tahun yang sama juga penama telah diluluskan bantuan 1AZAM untuk pakej membuat kuih. Perniagaan kuih penama mula mendapat perhatian dan mendapat tempahan daripada pelanggan. Walaupun Sabariah mempunyai kemahiran membuat pelbagai jenis kuih, penama lebih memberi tumpuan terhadap kuih rempeyek dan kuih tradisional pada musim perayaan.

Pegawai JKM yang sentiasa memantau perkembangan keluarga Sabariah melihat potensi yang ada pada perniagaan yang diusahakan lantas menawarkan penama mengikuti *2 Years Exit Programme (2YEP)* pada tahun 2016 dan diluluskan Bantuan Geran Pelancaran sebanyak RM 2,700 sekaligus untuk menambah peralatan perniagaan. Penama juga aktif menyertai kursus-kursus yang dianjurkan oleh JKM mahupun agensi lain. Kesungguhan penama berbaloi apabila diberi bantuan sebanyak RM 20,000 oleh Kementerian Pertanian dan Industri Asas Tani untuk membina sebuah bengkel.

Berpegang kepada prinsip, “Dimana ada kemahuan disitu ada jalan”, menjadi pemangkin kepada kejayaan Sabariah dalam bidang perniagaan. Tempahan yang diterima kian meningkat dari sehari ke sehari dan tidak menang tangan apabila musim perayaan. Penama bersyukur kerana taraf sosio ekonomi keluarga mula berubah kearah yang lebih baik dan mereka tidak lagi bergantung kepada bantuan JKM.





NAMA

Suhaidah binti Said

UMUR

40 Tahun

ALAMAT

G-15, Jalan Limau Manis 4,
Taman Limau Manis,
14000 Bukit Mertajam,
Pulau Pinang

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2016-2018 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 750 sebulan

PENDAPATAN SELEPAS PROJEK

RM 3,000 sebulan

BANTUAN AGENSI LAIN

Tiada

* *Bantuan Kanak-Kanak (BKK) ditamatkan pada September 2018 kerana penama telah mampu berdikari dan telah berjaya dalam perniagaan yang diusahakannya.*

SUHAIDAH SAID BERUSIA 40 tahun merupakan bekas penerima Bantuan Kanak-Kanak sebanyak RM 400 sebulan daripada Pejabat Kebajikan Masyarakat Daerah Seberang Perai Tengah. Bantuan ini dipohon kerana masalah kewangan yang agak meruncing disebabkan kesempitan hidup selepas kematian suaminya akibat penyakit kanser hati. Penama terpaksa memohon bantuan daripada JKM untuk menampung perbelanjaan harian dan persekolahan anak-anaknya.

Perkahwinan penama dan arwah suami dikurniakan empat orang cahayamata iaitu 3 perempuan dan seorang lelaki yang masih kecil. Suhaidah mula menceburkan diri dalam perniagaan online setelah kematian suami dengan pendapatan sekitar RM 400-600 sebulan. Kehidupan mereka agak tertekan memandangkan arwah suami yang berniaga buah-buahan juga tidak meninggalkan sebarang simpanan masa depan untuk kegunaan mereka. Penama bermula dengan menjual gelang yang dibuat daripada manik dan setiap kali musim Tahun Baru Cina Suhaidah akan mengambil upah menjahit manik pada pakaian tradisional cina. Sememangnya penama mempunyai minat yang mendalam dalam jahitan manik pakaian tradisional cina kerana arwah suaminya berbangsa cina yang telah memeluk islam.

Selain itu, Suhaidah juga menjual kosmetik secara *online*. Bermula dengan menjual produk orang lain, penama mula memberanikan diri mengeluarkan produknya sendiri. Penama sentiasa berusaha memajukan diri dan mempunyai minat yang mendalam dalam bidang perniagaan. Pegawai JKM telah berbincang bersama penama dan hasil perbincangan penama menyuarakan hasrat untuk menceburi bidang berkaitan kecantikan. Suhaibah juga telah menghadiri kursus dan latihan berkaitan kecantikan bagi mempersiapkan dirinya membuka spa dan salun sendiri.




Pada tahun 2017, hasil saringan yang dijalankan oleh JKM mendapati penama berpotensi untuk dibangunkan menerusi *2 Years Exit Programme* (2YEP) kerana mempunyai motivasi yang tinggi dan seorang yang produktif dalam perniagaan. Berbekalkan Bantuan Geran Pelancaran sebanyak RM 2,700 yang diterima, Suhaibah membeli beberapa peralatan tambahan untuk kegunaan di spa dan salun miliknya yang dinamakan *SK Beauty Studio* dan baru beroperasi ketika itu. Atas bimbingan dan dorongan daripada Kakitangan JKM penama kini mampu menjana pendapatan mencecah RM 3,000 sebulan.



Suhaibah kini aktif mempromosikan perkhidmatan yang ditawarkan dalam media sosial. Selain itu, penama juga sering menyertai ekspo dan pameran bagi memperkenalkan perniagaannya. Perkhidmatan yang ditawarkan tidak terhad hanya di kedai malah turut menawarkan perkhidmatan *mobile spa*. Oleh kerana klien telah mampu berdikari dan berjaya dalam bidang perniagaan kini bantuan bulanan telah ditamatkan. Penama mengucapkan jutaan terima kasih kepada JKM yang sangat membantu perkembangan perniagaannya selama ini.





Perak
DARUL RIDZUAN



NAMA

Foziah binti Mohd Zain

UMUR

50 Tahun

ALAMAT

No 426 Jalan Perak 6
Taman Perak 2
09000 Kulim, Kedah

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2016-2018 | RM 200
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 600-800 sebulan

PENDAPATAN SELEPAS PROJEK


RM 1,000-2,500 sebulan

BANTUAN AGENSI LAIN

- i) Jabatan Pertanian (Peralatan)
- ii) AIM (Pinjaman Kewangan dan Bimbingan)

* Bantuan Kanak-Kanak (BKK) ditamatkan pada Februari 2018 kerana penama telah mampu berdikari dan telah berjaya dalam perniagaan yang diusahakannya.

Penama berusia 48 tahun merupakan ibu tunggal penerima Bantuan Kanak-Kanak (BKK) daripada Pejabat Kebajikan Masyarakat Daerah Manjung, Perak. Bekas suami gagal menunaikan tanggungjawab dan mengabaikan nafkah terhadap 3 orang anak dibawah jagaan penama setelah perceraian mereka. Tanggungjawab mencari nafkah terpikul dibahu penama memandangkan masih perlu menanggung 2 orang anak yang masih bersekolah. Sebelum memulakan perniagaan sendiri, Foziah bekerja sebagai pembantu di kedai kek, pastri dan biskut iaitu Nazis Pastry di Seri Manjung sebelum perniagaan tersebut ditutup oleh pemiliknya.



Foziah mula terlibat dengan perniagaan ini setelah hilang punca pendapatan kerana kedai tempatnya bekerja ditutup dan penama terpaksa pulang ke kampungnya. Berbekalkan pengalaman dan kemahiran selama 6 tahun dalam bidang kek, roti dan biskut serta modal yang dipinjam daripada adik beradik, penama memulakan perniagaan di rumah ibunya di kampung. Dengan modal sebanyak RM 20,000 penama telah mengubahsuai ruang bekerja, menaiktaraf sistem pendawaian elektrik, membeli peralatan dan bahan mentah. Adik-beradik menyokong usaha tersebut kerana di samping mencari rezeki, penama diamanahkan untuk membantu menjaga ibu mereka yang telah uzur.

Berpegang kepada pepatah **jodoh, maut ditangan Tuhan**, penama kembali mendirikan rumahtangga kali kedua dengan seorang duda pilihan keluarganya. Peringkat awal suami banyak membantu Foziah dalam usaha mempromosikan dan penghantaran produk kepada pelanggan. Namun langit tidak selamanya cerah apabila suami penama diserang strok dan perlu menjalani rawatan dan pemulihan. Dugaan penama bertambah apabila perlu menjaga suaminya yang strok dan ibunya yang uzur pada masa yang sama.

Penama dibantu oleh anak keduanya semasa memulakan perniagaan ini. Namun demikian anaknya kurang berkemahiran dan pengalaman menyebabkan penama masih perlu melakukan kebanyakan tugas. Masa Foziah amat terhad kerana pada masa yang sama perlu menjaga ibu yang uzur dan suaminya yang mengalami strok sebelah kanan badan. Namun demikian selepas menjalani fisioterapi, suami pulih sedikit demi sedikit dan mampu membantu penama membuat penghantaran.



Foziah mula memasarkan roti yang dihasilkannya ke kedai-kedai makan di sekitar kampung. Selain itu, penama juga mendapat tempahan menyediakan buah tangan (*goodies*) berbentuk kek cawan dan biskut bagi majlis-majlis perkahwinan. Hasil daripada usaha kerasnya, perniagaan Foziah mula dikenali ramai dan semakin banyak tempahan yang diterima. Kini, penama banyak dibantu oleh anak sulungnya yang masih belum bekerja.

Namun demikian, penama tidak dapat mengambil tempahan dalam jumlah yang besar kerana kemampuan kelengkapan sedia ada dan modal pusingan yang agak terhad. Bagi memenuhi keperluan tempahan dalam kuantiti yang besar daripada pelanggan, penama memerlukan modal tambahan untuk membeli peralatan seperti *fermentin box*, acuan bahu kemboja dan bahan-bahan mentah. *Fermentin box* diperlukan untuk mempercepatkan proses pengembangan sebelum roti dibakar. Foziah bersyukur kerana rezekinya murah apabila Jabatan Pertanian menyalurkan bantuan bernilai RM 10,000 berupa *fermentin box* yang baru dan oven pembakar.

Seterusnya pada tahun 2017, penama mengambil inisiatif memohon Bantuan Geran Pelancaran di bawah Program 2 Years Exit Programme (2YEP) dan diluluskan sebanyak RM 2,700 sekaligus bagi pembelian beberapa peralatan tambahan, bahan mentah dan modal pusingan. Selepas menerima suntikan modal tersebut, rezeki penama semakin bertambah dari sebulan ke sebulan apabila mampu memenuhi tempahan yang diterima untuk kenduri kahwin, majlis keraian dan lain-lain dalam kuantiti yang besar. Permintaan akan lebih tinggi semasa musim cuti sekolah kerana banyak tempahan untuk majlis perkahwinan. Tempahan juga diterima dari luar kawasan melalui kawan-kawan dan saudara mara yang mengenalinya.





Foziah turut mendaftar sebagai ahli Amanah Ikhtiar Malaysia (AIM) dan mendapat bimbingan daripada mereka sejak 3 tahun yang lalu. Penama membuat pinjaman untuk membeli sebuah kereta bagi memudahkan suami membuat penghantaran. Perniagaan penama semakin dikenali dan mendapat sambutan daripada penduduk setempat. Rakan-rakan dan saudara mara juga banyak membantu mempromosikan perniagaannya. Kini pendapatan yang diperolehi mencecah RM 2,500 sebulan.



Perniagaannya semakin maju dan terpaksa mengupah seorang pembantu tetap dan sambilan untuk membantu. Penama masih menghantar bekalan roti ke 12 buah kedai makan dan kedai-kedai sekitar kampung dan dalam daerah Manjung. Malahan perniagaannya semakin dikenali dan menjadi pilihan pengguna. Penama juga telah mendapat tempahan roti daripada Kantin Sekolah Kebangsaan Sungai Batu, Pantai Remis dan Sekolah Menengah Pantai Remis. Impian penama ialah untuk memiliki bengkel sendiri yang lebih besar dan selesa. Penama juga berhasrat untuk menambah pekerja yang berkemahiran dan berpengalaman untuk membantunya mengembangkan lagi perniagaan ini.



NAMA

Yahya bin Bakar

UMUR

62 Tahun

ALAMAT

No 11 / No 12, Medan Selera,
Jalan Stesyen,
34600 Kamunting, Perak

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2016-2018 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 900-1,000 sebulan

PENDAPATAN SELEPAS PROJEK

RM 3,000-5,000 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada April 2018 kerana penama telah mampu berdikari dan telah berjaya dalam perniagaan yang diusahakan.

Penama berusia 62 tahun, lebih dikenali dengan nama panggilan Pak Ya oleh pelanggan-pelanggan tetapnya. Telah berkahwin dan dikurniakan 7 orang anak yang terdiri daripada 4 lelaki dan 3 perempuan. Kesemua anak penama telah berkahwin dan tinggal berasingan. Penama merupakan pemegang kad OKU (OKU) kategori Pendengaran. Yahya merupakan pesara tentera berpangkat Komando di Rejimen Gerak Khas Kem Brinchang, Pahang dan mengalami ketidakupayaan pendengaran di kedua-dua belah telinga kesan daripada aktiviti menyelam mencari batu karang yang dilakukan selepas bersara daripada perkhidmatan sebagai tentera. Sehingga kini, penama bergantung kepada alat pendengaran di kedua-dua belah telinga bagi memudahkannya berinteraksi dengan orang lain.

Penama mula menerima Elaun Pekerja Cacat (EPC) sebanyak RM 400 sebulan sejak Mei 2016 dan ditamatkan pada April 2018 setelah mengambil kira kemampuan penama untuk berdikari selain pendapatan hasil daripada perusahaan jahitan yang diceburi juga telah melebihi had kelayakan yang ditetapkan.



Penglibatan awal Yahaya dalam perusahaan membaiki kasut dan membuat barangan kulit bermula setelah mempelajari kemahiran tersebut melalui rakan-rakannya di Indonesia dan juga Thailand. Berbekalkan wang ganjaran persaraan tentera, penama tinggal di Indonesia selama hampir 2 tahun bagi memahirkan diri dalam bidang jahitan barangan kulit. Pada mulanya penama hanya menggunakan modal yang kecil dengan membeli peralatan jahitan asas serta menyediakan perkhidmatan membaiki kasut di tepi jalan yang terletak di Taman Mewah, Kamunting selama lebih kurang 1 tahun.

Pada masa yang sama, penama berniaga kasut bundle di pasar malam bagi pendapatan sampingan memandangkan ketika itu perniagaan membaiki kasut penama kurang mendapat sambutan. Ini kerana pelanggannya hanya terdiri daripada penduduk di sekitar kawasan perumahan tersebut sahaja. Pada tahun 2014, berbekalkan kemahiran dan pengalaman yang ada, penama berpeluang mengambil alih sebuah kedai jahit kasut yang terletak di Bangunan Arked MARA Taiping. Penama perlu membayar sebanyak RM 400 sebulan bagi kos sewa premis dan juga kos sewa mesin jahit sedia ada di kedai tersebut. Pada ketika itu penama mula mengambil tempahan membuat barangan kulit secara kecil-kecilan dan terhad memandangkan penama masih tidak mempunyai mesin jahit yang bersesuaian.


Menurut penama, pada peringkat awal perniagaan banyak dugaan dan cabaran yang dihadapinya terutamanya persaingan daripada kedai-kedai jahit kasut yang lain, memandangkan kedudukan kedai penama terletak di tengah bandar Taiping dan menjadi tumpuan orang ramai. Namun disebabkan minat dan kesabarannya penama tetap meneruskan perniagaan dan sentiasa bekerja keras untuk mencari peluang pasaran.




Namun begitu pada penghujung tahun 2014, penama sekali lagi diduga dengan cabaran apabila kedai yang terletak di bangunan Arked MARA Taiping tersebut perlu berpindah kerana pemilik bercadang untuk membina semula bangunan menggantikan bangunan sedia ada yang semakin usang. Keadaan itu tidak melemahkan semangatnya yang tetap berusaha sehingga akhirnya berpeluang menyewa sebuah kedai milik Majlis Perbandaran Taiping pada awal tahun 2015 yang terletak di Kamunting. Yahaya menggunakan modal simpanan sebanyak RM 3,000 hasil daripada perniagaan sebelum ini untuk mendaftarkan perniagaan atas namanya sendiri iaitu Dr Leathers PY Enterprise. Dengan modal itu juga penama menambah peralatan kelengkapan menjahit.

Bagi tujuan peningkatan taraf ekonomi, penama terpilih untuk menyertai 2 *Years Exit Programme* (2YEP) di bawah seliaan Pejabat Kebajikan Masyarakat Daerah Larut Matang dan Selama dimana suntikan modal perniagaan diberikan melalui Bantuan Geran Pelancaran (BGP) berjumlah RM 2,700 sekaligus pada tahun 2017. Hasil bantuan tersebut penama menambah lagi kuantiti mesin jahit memandangkan ketika itu penama hanya mempunyai sebuah mesin jahit sahaja. Dengan adanya bantuan kewangan yang disalurkan oleh Jabatan Kebajikan Masyarakat (JKM) telah membantu penama untuk membeli sebuah lagi mesin khas untuk menipiskan kulit yang dikenali sebagai *Skiving Machine*, di mana mesin tersebut amat diperlukan apabila penama menerima tempahan untuk menghasilkan barangan berasaskan kulit seperti tali pinggang, beg kunci dan beg duit.

Penama juga kini boleh menerima tempahan yang lebih banyak dan kebanyakan pelanggan amat berpuas hati dengan kualiti jahitannya. Yahaya kini mempunyai seorang pembantu tetap dan mampu membayar upah secara harian sebanyak RM 70 sehari. Menurut pembantu penama yang dikenali sebagai Siti, penama banyak memberi tunjuk ajar dalam memastikan pembantunya itu dapat memberikan perkhidmatan yang terbaik kepada pelanggan.





Penama memulakan perniagaan dengan modal sendiri tanpa membuat sebarang pinjaman daripada mana-mana institusi kewangan memandangkan penama tidak mahu terbeban dengan masalah keberhutangan. Penama amat berterima kasih kepada JKM yang memberi peluang kepadanya untuk mengembangkan perusahaan jahitan melalui suntikan modal bahkan sentiasa memberi bimbingan dan motivasi dalam membantunya untuk lebih yakin, serta berani untuk melangkah jauh ke hadapan.

Dari semasa ke semasa, perusahaan penama dilihat semakin maju dan pendapatannya turut meningkat kepada RM 3,000 hingga RM 5,000 sebulan. Penama juga telah mempunyai sebanyak 12 buah mesin jahit pelbagai fungsi yang digunakan untuk perusahaan jahitannya. Penama mempunyai perancangan untuk memiliki sebuah lagi premis perniagaan bagi menempatkan hasil barangan kulit yang dibuat untuk dijual. Bukan itu sahaja, penama juga mempunyai impian untuk memiliki cawangan di luar daerah bagi mengembangkan lagi perusahaan jahitannya pada masa hadapan.



NAMA

Zahari Bin Mohd Rasid

UMUR

44 Tahun

ALAMAT

No 54, Batu 2 ¼, Jalan Gula,
Simpang Empat,
34400 Semanggol,
Kerian, Perak

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2006-2018 | RM 400
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 800-1,100 sebulan

PENDAPATAN SELEPAS PROJEK

RM 1,500 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada Ogos 2018 kerana penama telah mampu berdikari dan telah berjaya dalam perniagaan yang diusahakan.

ZAHARI BIN MOHD RASID, berumur 44 tahun merupakan bekas penerima Elaun Pekerja Cacat (EPC) daripada Pejabat Kebajikan Masyarakat Daerah Kerian. Penama telah berkahwin dan dikurniakan sepasang cahaya mata. Penama terlibat dalam satu kemalangan jalan raya pada tahun 1998 yang menyebabkan tangan kanannya menjadi lumpuh dan lemah. Walaupun terpaksa bergelar OKU Fizikal seumur hidup berikutan kecacatan pada tangan kanannya, penama tetap bersyukur berikutan masih diberi kesempatan oleh Yang Maha Esa untuk bernafas dan bersama keluarga tercinta. Tekad untuk bangun berdikari, dengan berbekalkan kemahiran membaiki motosikal yang dipelajari di Kolej Vokasional suatu masa dahulu membolehkan penama mengusahakan sebuah bengkel membaiki motosikal dihadapan rumahnya.





Awal pembukaan bengkel motosikalnya pendapatan penama sekitar RM 800 ke RM 1,100 sebulan. Pada 2016, Zahari telah ditawarkan Bantuan Geran Pelancaran di bawah *2 Years Exit Programme* (2 YEP). Dengan suntikan modal sebanyak RM 2,700 yang diluluskan pada 2 September 2016, penama membeli beberapa peralatan membaiki motosikal dan turut menambah stok alat ganti motosikal sedia ada di bengkelnya. Penama mengakui berhadapan dengan cabaran tentang mentaliti masyarakat yang memandang rendah terhadap kemampuan golongan OKU yang mengusahakan sendiri bengkel membaiki motosikal. Namun, itu tidak menjadi kudis kepadanya dan tidak sedikitpun mematahkan semangat Zahari untuk meneruskan usahanya untuk berdikari. Antara cabaran yang sering dihadapi ialah sering ditipu dari segi bayaran dan hutang daripada pelanggan yang menyebabkan penama sukar untuk membuat pusingan modal.

Berkat kesabaran dan kecekalan penama yang tidak pernah berputus asa, pendapatan bulanan beliau semakin lama semakin meningkat dengan kadar yang

konsisten. Dengan ketelitian dan kesungguhannya, penama berjaya menarik kepercayaan pelanggannya. Kini anggaran pendapatan beliau adalah sekitar RM 1,500 sebulan. Pada Ogos 2018, Bantuan EPC kepada penama telah ditamatkan dengan kerelaan penama sendiri berikutan telah berupaya berdikari dan pendapatan beliau telah melebihi syarat kelayakan yang ditetapkan.



Dari sudut kejayaan penama, bapa kepada dua orang cahaya mata ini telah berjaya membina sebuah rumah yang selesa untuk didiami keluarganya. Beliau turut mampu membeli sebuah kereta yang selesa untuk kegunaan mereka sekeluarga. Memilih untuk kekal merendah diri, beliau yang sering tidak lekang dengan senyuman ini mampu berbangga melihat bengkel yang diusahakan sejak tahun 2006 ini masih mampu berdiri teguh walaupun berhadapan dengan pelbagai cabaran dan seribu satu kisah suka dan duka. Memegang prinsip bahawa “rezeki sentiasa akan ada”, penama sentiasa bersedia untuk terus menabur bakti dengan memberikan khidmat servis motosikal yang terbaik kepada masyarakat sekitar. Penama berhasrat untuk mengembangkan lagi perniagaannya dengan membesarkan lagi bengkel yang ada agar pelanggan lebih selesa.



NAMA

Zulkifli bin Mohamad

UMUR

47 Tahun

ALAMAT

F 132, Batu 10, Jalan Pantai,
34250 Tanjung Piandang,
Kerian, Perak

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2008-2018 | RM 400
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 900-1,000 sebulan

PENDAPATAN SELEPAS PROJEK

RM 5,000-6,000 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada Mei 2018 kerana penama telah mampu berdikari dan telah berjaya dalam perniagaan yang diusahakan.

Penama, **ZULKIFLI BIN MOHAMAD** berumur 47 tahun merupakan OKU Fizikal selepas terlibat dalam satu kemalangan jalan raya kira-kira 25 tahun yang lalu. Kemalangan tersebut telah menyebabkan tangan kirinya mengalami kecacatan dan tidak lagi dapat berfungsi. Penama telah menempuh kehidupan yang sukar sewaktu awal-awal bergelar OKU berikutan kehilangan fungsi tangan kiri yang menyebabkannya sukar untuk melakukan sebarang kerja berat. Namun berkat kesabaran dan kecekalan penama dalam mengharungi kehidupan, semua itu berjaya dilalui bak kata pepatah **alah bisa, tegal biasa**. Penama telah berkahwin dan mempunyai dua orang cahaya mata. Mempunyai kelulusan Sijil Pelajaran Malaysia (SPM) dan memilih untuk berniaga bagi menyara kehidupan.



Penama menjalankan perniagaan Kuew Teow Kerang dan makanan lain seperti cucur udang, laksa dan bihun sup dengan membina sebuah gerai kecil di tepi jalan utama menuju ke Pekan Tanjung Piandang dalam daerah Kerian, Perak. Menurut penama, perniagaan ini telah dijalankan sejak 20 tahun yang lalu dan

terdapat pelbagai kisah suka dan duka serta peristiwa jatuh dan bangun yang telah ditempuhi sepanjang bergelar peniaga makanan. Walaupun pelbagai menu disediakan di warungnya, namun menu yang paling menjadi perhatian dan buah mulut pelanggan ialah Kuey Tiow Kerang yang dihasilkan oleh Zulkifli sendiri. Bagi memastikan Kuey Teow Kerang yang dihasilkan sedap dan menjadi sebutan ramai, penama mengambil inisiatif merantau ke merata tempat untuk belajar cara-cara menghasilkan sos dan kicap yang sesuai dengan citarasa masyarakat di kawasan Tanjung Piandang. Penama pernah berguru selama 5 tahun daripada seorang peniaga Char Kuey Teow di Pulau Pinang sebelum memulakan perniagaan sendiri. Kini Kuey Teow Kerang yang dimasak oleh Zulkifli menjadi antara *signature dish* bagi masyarakat Tanjung Piandang dan pelancong yang datang ke sana.

Bagi mengembangkan perniagaan penama, suntikan modal daripada 2 Years Exit Programme (2 YEP) telah diluluskan pada April 2017. Dengan peruntukan ini, penama menggunakannya untuk membeli set peralatan memasak yang baru dan menambah set kerusi dan meja makan. Sepanjang terlibat dengan program 2 YEP penama menerima beberapa latihan dan kursus berkaitan pengurusan dan pengendalian kewangan serta dibantu dari segi khidmat nasihat. Berkat kesungguhan dan kecekalan penama dalam menjalankan perniagaan, kehidupannya sekeluarga mula berubah. Pendapatannya semakin meningkat daripada RM 1,000 sebulan kepada RM 5,000 ke RM 6,000 sebulan sekarang. Kini penama mampu menarik nafas lega dan tersenyum bangga apabila telah mampu berdikari dan pernah terpilih menerima anugerah **Peserta 2 YEP Berjaya Bagi Negeri Perak** sempena Kovenyen Kebajikan Produktif 2019 dan kini menjadi contoh serta ikon kepada peserta 2 YEP yang lain di Negeri Perak.



Hasil titik peluh serta usaha keras, penama telah mampu menyediakan kediaman yang selesa untuk mereka sekeluarga dan mampu menghantar anaknya ke universiti tanpa sebarang bantuan kewangan daripada mana-mana pihak. Zulkifli kini mampu menggaji lima orang pekerja termasuk isterinya sendiri. Gerai makanan yang telah diusahakan selama 20 tahun itu juga mampu berdiri teguh dan menjadi tumpuan masyarakat sekitar serta pelancong. Memegang prinsip bahawa **golongan OKU juga mampu berjaya** menjadikan penama seorang yang cekal dan tidak mudah berputus asa serta tabah dalam meneruskan kehidupan.

Dengan sambutan yang menggalakkan serta pendapatan yang semakin meningkat, Elaun Pekerja Cacat (EPC) yang diterima penama sejak lebih 10 tahun yang lalu telah ditamatkan. Kini penama bukan lagi seorang penerima bantuan yang bergantung kepada bantuan daripada JKM, malah penama kini membantu golongan yang pernah senasib dengannya. Penama berharap agar lebih ramai golongan OKU yang dapat menjadikan kisahnya sebagai pengajaran dan pembakar semangat untuk lebih berjaya





Selangor

DARUL EHSAN



NAMA

Abdullah bin Amat Apandi

UMUR

53 Tahun

ALAMAT

Jalan Balairaya,
Lorong Balairaya 2,
Kampung Ulu Chuchoh,
43950 Sg Pelek, Sepang, Selangor

KATEGORI KLIEN

Keluarga Miskin

PENERIMA BANTUAN

- i) Bantuan Kanak-Kanak (BKK)
2015-2018 | RM 400
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 800 sebulan

PENDAPATAN SELEPAS PROJEK

RM 1,500- RM 2,000 sebulan

BANTUAN AGENSI LAIN

- i) Pusat Zakat Selangor (Kos Pembinaan Premis dan Latihan)
- ii) Jabatan Pertanian (Kos Ubahsuai Premis dan Latihan)

***** Bantuan Kanak-Kanak (BKK) ditamatkan pada Jun 2018 kerana penama telah mampu berdikari dan telah berjaya dalam perniagaan yang diusahakannya.

ABDULLAH BIN AMAT APANDI merupakan bekas penerima Bantuan Kanak-Kanak daripada JKM. Penama berusia 53 tahun mempunyai seorang isteri serta 4 orang anak yang masih bersekolah dan belajar di peringkat kolej. Penama berasal daripada keluarga yang sederhana dan menyara kehidupan dengan berniaga secara kecil-kecilan menjual makanan ringan. Perniagaan penama pernah mengalami zaman kejatuhan apabila penama mengalami kesukaran untuk mendapatkan bekalan produknya dan modal pusingan. Pada waktu itu, penama hanya mampu memperolehi pendapatan sekitar RM 300 sebulan sahaja.

Melihat kesukaran penama menanggung keluarganya ketika itu akibat masalah kewangan, JKM telah meluluskan Bantuan Kanak-Kanak sebanyak RM 400 sebulan mulai Julai 2015. Cabaran dalam perniagaan tidak pernah melunturkan semangat penama untuk terus mencuba dan berusaha. Melihat kesukaran menjual produk sedia ada, penama mula memberanikan diri beralih kepada produk baru iaitu menghasilkan kerepek secara kecil-kecilan. Kerepek yang dihasilkan mula mendapat perhatian dan permintaan daripada orang ramai.



Penama mula merancang untuk membesarkan perniagaannya dengan menambah pengeluaran dan mempelbagaikan jenis kerepek yang dihasilkan dengan bantuan isterinya. Namun begitu, penama menghadapi masalah kekangan modal untuk melaksanakan impiannya itu. Berkat kesungguhan dan sikap tidak pernah putus asa, usaha penama mula menampakkan hasil apabila JKM telah meluluskan Bantuan Geran Pelancaran sebanyak RM 2,700 sekaligus melalui *2 Years Exit Programme* (2 YEP) pada tahun 2016. Dengan bantuan tersebut, penama mula menambah beberapa peralatan baru dan dijadikan modal untuk bahan mentah bagi menampung permintaan yang semakin menggalakkan terhadap kerepek keluarannya. Bermula dari situ, kehidupan penama sekeluarga mula berubah sedikit demi sedikit.


Mengenang kembali kehidupannya sebelum terlibat dalam program 2YEP, penama terpaksa berusaha siang dan malam mencari modal untuk membesarkan lagi perniagaan. Penama juga tidak mempunyai premis sendiri untuk penghasilan produknya dan kesukaran penama untuk memasarkannya. Namun, setelah menyertai program 2YEP dan mengikuti kursus yang dianjurkan oleh Jabatan Kebajikan Masyarakat, pelbagai ilmu dan kemahiran baru diperolehi dan dipraktikkan bagi memajukan lagi perniagaannya.

Selain bantuan daripada JKM, penama juga mendapat bantuan daripada Pusat Zakat Selangor untuk pembinaan premis kedai berukuran 20 x 20 kaki persegi bersebelahan rumah penama pada awal Mei 2016. Seterusnya pada Julai 2018, penama mendapat bantuan daripada Jabatan Pertanian bagi menambah ruang memproses kerepek di belakang premis kedai tersebut. Sedar akan kepentingan untuk sentiasa menambah pengetahuan dan kemahiran dalam bidang perniagaan, penama turut mengikuti Kursus Asas Usahawan anjuran Pusat Zakat dan Kursus Kewangan anjuran Jabatan Pertanian.



Penama berasa amat bersyukur kerana kehidupannya sekeluarga kini telah berubah jauh lebih baik daripada sebelum ini berkat usaha dan bantuan daripada pelbagai pihak. Penama kini boleh tersenyum lebar apabila perniagaan kecil-kecilannya kini mampu berdiri megah dan apa yang lebih membanggakan apabila penama telah berjaya menubuhkan syarikat pengeluar dan pembekal kerepek ubi dan kerepek pisang yang diberi nama Sinar Noris Enterprise. Jika dahulu penama berhempas pulas bersama isteri tersayang bagi memenuhi permintaan produknya, kini penama telah mampu menggajikan 2 orang pekerja. Pendapatan penama kini semakin meningkat dengan purata sekitar RM 2,000 sebulan dan akan meningkat lebih tinggi pada musim perayaan.

Impian penama untuk membesarkan lagi perniagaannya dan meluaskan pasaran sedia ada ke seluruh negara. Penama juga berharap perniagaannya ini menjadi perniagaan tradisi keluarga dan diwarisi oleh anak-anaknya kelak.



NAMA

Binjamin bin Salman

UMUR

42 Tahun

ALAMAT

No 11 Jalan Temakong 17/54,
Sekysen 17,
40200 Shah Alam, Selangor

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2018-2019 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 800-RM 1,000 sebulan

PENDAPATAN SELEPAS PROJEK

RM 1,200-RM 4,500 sebulan

BANTUAN AGENSI LAIN

TEKUN (Pinjaman Kewangan)

* Elaun Pekerja Cacat (EPC) ditamatkan pada November 2019 kerana penama telah mampu berdikari dan telah berjaya dalam perniagaan yang diusahakan.

BINJAMIN BIN SALMAN merupakan OKU penglihatan yang menerima bantuan daripada JKM. Berusia 42 tahun dan telah berkahwin dengan wanita yang juga merupakan OKU penglihatan. Penama kehilangan kedua penglihatannya sejak berusia 20 tahun akibat penyakit glaukoma. Anak kelahiran Sabah ini mendapat pendidikan hingga peringkat SPM. Penama telah berjaya mendapat Sijil Kemahiran Jurubina Bangunan dari Institut Perindustrian Wilayah Persekutuan Sabah, sebelum disahkan kehilangan kedua belah penglihatannya akibat penyakit tersebut.

Enggan terus meratapi nasib yang menimpa, penama mula memikirkan rancangan masa hadapannya. Sedar tentang pentingnya untuk penama berdikari dan mencari pekerjaan yang bersesuaian dengan keadaan dirinya yang agak terbatas, penama mula bangkit dan meneruskan kehidupan dengan menjalani kursus dan seterusnya berjaya memperolehi Sijil daripada *RWO-Shur Health Institute International* Sabah dalam bidang *Foot Reflexology dan Accupressure Massage*.



Menggunakan kemahiran yang diperolehi semasa kursus tersebut, penama mula bekerja sebagai tukang urut di Tihani Sevice dengan pendapatan sekitar RM 1,000 sebulan dan seterusnya diluluskan Elaun Pekerja Cacat (EPC) mulai April 2018. Menyedari potensi perniagaan ini dan permintaan yang tinggi terhadap perkhidmatan yang ditawarkan, penama dan isteri mula merancang untuk menubuhkan pusat urutan sendiri. Hasil pengalaman dalam bidang urutan refleksologi, penama dan isteri membuka pusat urutan yang dikenali sebagai Jariku *Refleksologi-The Amazing Touch* bertempat di alamat Tingkat 1 No 4A Lot B Jalan Pinang C 18/c Seksyen 18 40200 Shah Alam.

Pusat urutan tersebut beroperasi mulai jam 9 pagi hingga 7 malam dan diuruskan sepenuhnya oleh penama suami isteri. Penama menawarkan perkhidmatan urutan patuh syariat dimana pelanggan lelaki akan hanya diurut oleh penama manakala isterinya akan mengurus pelanggan wanita sahaja. Pusat urutan penama mula mendapat tempat dihati pelanggan dan permintaan terhadap perkhidmatan yang ditawarkan semakin meningkat.







Dengan potensi yang ditunjukkan, penama telah terpilih sebagai Peserta 2 Years Exit Programme (2YEP) pada tahun 2018 dan diluluskan suntikan modal melalui Bantuan Geran Pelancaran sebanyak RM 2,700 sekaligus. Dengan suntikan modal tersebut penama telah menambah beberapa peralatan seperti katil dan menggunakannya untuk memasang papan iklan bagi mengembangkan lagi peniagaan. Sejak kewujudan papan iklan tersebut perniagaan penama telah meningkat sekali ganda setelah orang ramai mula menyedari perkhidmatan yang ditawarkan. Penama bersyukur kerana kini mampu memperolehi pendapatan anggaran sebanyak RM 1,200 hingga RM 4,500 sebulan secara konsisten. Sepanjang menyertai Program 2YEP penama telah berjaya menghadiri Kursus Asas Keusahawanan pada 28.8.2018 anjuran JKMNS.

Kini penama giat mempromosikan perniagaannya di media sosial seperti di *Facebook: Jariku Reflexology Shah Alam*. Penama juga telah terpilih diantara 20 org OKU melalui Pejabat Kebajikan Masyarakat Shah Alam (PKMC SHAH ALAM) untuk menyertai Liga Keusahawanan OKU dibawah SAY Lead 2019 (Yayasan Raja Muda Selangor) dan berjaya terpilih sebagai TOP 6 dalam program tersebut.

Pusat urut penama juga menerima kunjungan daripada Ketua Setiausaha Kementerian Pembangunan Wanita (KPWKM), Ketua Pengarah Jabatan Kebajikan Masyarakat Malaysia dan Pengarah Kebajikan Masyarakat Negeri Selangor yang berminat untuk melihat sendiri operasi perniagaannya. Penama amat berterima kasih dengan bantuan dan sokongan yang diberikan oleh JKM dalam membantu penama dan isteri berdikari dan bebas daripada bantuan JKM.

Projek 20 KEDAI MAKAN

Shah Alam



NAMA

Mohd Rizal bin Yahya

UMUR

41 Tahun

ALAMAT

No 1 Blok 10 Flat PKNS,
Seksyen 16,
40200 Shah Alam,
Selangor

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2009-2019 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 800-RM1,00 sebulan

PENDAPATAN SELEPAS PROJEK

RM 1,200- RM 3,500 sebulan

BANTUAN AGENSI LAIN

Majlis Bandaraya Shah Alam (MBSA)
(Tapak Perniagaan)

MOHD RIZAL BIN YAHYA berusia 41 tahun dan belum berkahwin. Penama merupakan OKU fizikal akibat kemalangan jalanraya pada tahun 2000. Akibat kemalangan tersebut, penama mengalami kecacatan dibahagian kaki kiri dan kanan dari peha hingga kebawah dan perlu memakai kasut khas. Penama merupakan anak jati kelahiran negeri Selangor Darul Ehsan dan mendapat pendidikan sehingga peringkat SPM.

Penama memulakan perniagaan menggunakan wang simpanan sendiri pada tahun 2012 dan mengembangkan lagi perniagaan setelah mendapat Bantuan Geran Pelancaran daripada JKM sebanyak RM 2,700 sekaligus pada tahun 2013. Penama menjalankan perniagaan kedai makan di kenali sebagai 'Cinta Pantai Cafe Nasi Ayam'. Istimewanya hidangan nasi ayam penama adalah kepelbagaian sos ciptaan penama sendiri iaitu Nasi Ayam Kuah Kacang dengan slogan 'hari - hari, Hari Raya', Nasi Ayam Madu dan Nasi Ayam BBQ.

Kedai makan penama terletak di medan selera MBSA Seksyen 16, Shah Alam yang disewa dengan harga RM 150 sebulan. Kebanyakan pelanggan tetap penama terdiri daripada pelajar dan juga pekerja kilang Panasonic berhampiran yang tertarik dengan keenakan air tangan penama.

Buat masa sekarang, penama menjalankan perniagaan sendirian tanpa pembantu kerana belum mampu untuk menggajikan pekerja. Berikutan itu, penama menggunakan sistem layan diri di kedai makannya. Bagi memudahkan urusannya melayan pelanggan, penama akan menyediakan minuman lebih awal dan di simpan didalam peti sejuk bagi memudahkan pelanggan memilih minuman mereka sendiri.

* Elaun Pekerja Cacat (EPC) ditamatkan pada Ogos 2019 kerana penama telah mampu berdikari dan telah berjaya dalam perniagaan yang diusahakan.



Melihat kesungguhan penama dalam memajukan diri, JKM sekali lagi telah meluluskan Bantuan Geran Pelancaran sebanyak RM 2,700 sekaligus melalui 2 Years Exit Programme (2 YEP) pada tahun 2017. Melalui bantuan ini, penama melebarkan lagi sayap perniagaannya dengan membeli beberapa aset dan mula mengambil tempahan katering secara kecil-kecilan. Sedikit demi sedikit, perniagaannya mula dikenali dan mendapat sambutan daripada masyarakat setempat. Penama berjaya memperolehi pendapatan anggaran sebanyak RM 1200 hingga RM 3500 sebulan secara konsisten.

Penama juga aktif mempromosikan produknya di laman social seperti facebook: Cinta Pantai Cafe dan Instagram: cintapantaicafenasi. Sepanjang menyertai Program 2YEP ini, penama telah berjaya menghadiri Kursus Asas Keusahawanan pada 28.8.2018 anjuran JKMNS. Penama juga telah berjaya terpilih diantara 20 peserta OKU PKMC SHAH ALAM untuk menyertai Liga Keusahawanan OKU dibawah SAY Lead 2019 (Yayasan Raja Muda Selangor). Apa yang lebih membanggakan apabila penama terpilih sebagai TOP 10 dalam pertandingan tersebut dan berpeluang untuk memperkenalkan produk penama di hadapan Tuanku Raja Muda Selangor iaitu Tengku Amir Shah ibni Sultan Sharafuddin Idris Shah.

Harapan penama dengan segala pengalaman dan latihan yang diperolehi, impiannya untuk memajukan perniagaan kedai makannya akan terlaksana. Penama juga berharap agar rezekinya sentiasa dimudahkan dan mampu untuk menggajikan pekerja bagi membantu melancarkan urusan perniagaannya nanti.



NAMA

Mohd Tandy Sauh bin Seng Kang

UMUR

43 Tahun

ALAMAT

F-2-1, Pangsapuri PKNS,
Jalan Pandamaran Jaya,
41200 Klang, Selangor

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2018-2019 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 1,000 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada Februari 2020 kerana penama telah mampu berdikari dan telah berjaya dalam perniagaan yang diusahakan.

MOHD TANDY SAUH BIN SENG KANG merupakan OKU (OKU) yang mengalami masalah penglihatan pada mata sebelah kirinya dan telah menerima Elaun Pekerja Cacat (EPC) sebanyak RM400 sebulan sejak tahun 2018. Di sebalik kekurangan tersebut, ia bukan penghalang untuk penama bekerja bagi menyara keluarga. Penama yang berusia 43 tahun telah berkahwin dan mempunyai 2 orang cahayamata. Kedua-dua anak penama masih bersekolah dan turut membantu perniagaan penama pada masa lapang.

Penama mula berniaga makanan secara kecil-kecilan dengan dibantu oleh isterinya sejak tahun 2004. Pada ketika itu, tapak perniagaan penama terletak di tepi jalan bersebelahan dengan rumah flat dan juga stesen minyak. Pada awalnya penama dan isteri hanya memfokuskan kepada jualan nasi lemak dan kuih muih sahaja. Hasil jualan dan sambutan daripada komuniti setempat adalah memuaskan walaupun kawasan penama berniaga bukanlah premis tetap.





Pada bulan Mei 2018, penama telah diluluskan Bantuan Geran Pelancaran sebanyak RM2,700 sekaligus melalui 2 Years Exit Programme (2YEP) setelah JKM melihat potensi perniagaan yang diusahakan mampu meningkatkan pendapatan dan membolehkan penama berdikari tanpa bergantung kepada bantuan kewangan bulanan. Hasil bantuan tersebut, penama telah menambah beberapa peralatan dan bahan mentah serta mempelbagaikan jualan dengan menjual burger. Jualan penama mendapat sambutan dan permintaan yang tinggi sekaligus meningkatkan pendapatan keluarga penama.

Namun demikian, langit tidak selamanya cerah apabila dugaan besar berlaku dimana penama dan peniaga-peniaga lain tidak lagi dibenarkan berniaga di kawasan tersebut. Walaupun begitu, penama tidak berputus asa dan tetap bersemangat untuk terus berniaga kerana itu adalah punca rezeki penama sekeluarga sebelum ini. Pada bulan Ogos 2019, penama telah menyewa sebuah kedai dengan sewa sebanyak RM 2,800 sebulan untuk dijadikan sebagai restoran dan dikenali dengan nama Restoran Rahmatiah. Modal yang dikeluarkan untuk membuka restoren tersebut agak besar dan ia adalah hasil daripada simpanan penama sebelum ini. Restoren tersebut terletak di tingkat bawah bangunan rumah kedai 4 tingkat di kawasan Andalas, Klang.

Restoren Rahmatiah dibuka pada setiap hari dan mula beroperasi dari jam 9.00 pagi hingga 11.00 malam. Penama mengusahakan restoran ini dengan dibantu oleh isteri dan 2 orang anaknya. Restoran ini menyediakan pelbagai menu sarapan pagi, tengahari dan juga masakan panas pada sebelah petang hingga malam. Penama pernah cuba menjual sate, roti canai, pisang goreng, keledak dan keropok namun tidak mendapat sambutan kerana banyak persaingan di kawasan tersebut.

Penama seorang yang sangat positif dan bermotivasi tinggi serta sabar dalam menjalankan perniagaannya dan menganggap untung rugi adalah cabaran dan asam garam dalam perniagaan. Penama tidak berputus asa dan sentiasa bersemangat melakukan pelbagai usaha bagi menarik pelanggan ke restorannya. Penama turut bersyukur kerana dikurniakan seorang isteri yang sentiasa memberikan sokongan walaupun tahap kesihatan isterinya kurang memuaskan. Penama turut berterima kasih kepada JKM yang sentiasa menyokong dan membantu penama. Penama berharap dengan perniagaan ini, penama mampu meningkatkan taraf hidup keluarganya dan seterusnya dapat membantu orang lain.



NAMA

Muhammad Zarif bin Abdul Kadir

UMUR

30 Tahun

ALAMAT

114 Jalan Elektron U16/93
Denai Alam
40160 Shah Alam,
Selangor

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2017-2019 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 800-RM1,000 sebulan

PENDAPATAN SELEPAS PROJEK

RM 1,250- RM 3,500 sebulan

BANTUAN AGENSI LAIN

FAMA (Bantuan Kewangan dan Latihan)

* Elaun Pekerja Cacat (EPC) ditamatkan pada Ogos 2019 kerana penama telah mampu berdikari dan telah berjaya dalam perniagaan yang diusahakan.

MUHAMMAD ZARIF BIN ABDUL KADIR merupakan OKU masalah penglihatan mata kanan yang dialami penama sejak lahir. Manakala mata kiri penama juga agak kabur dan perlu memakai cermin mata. Pemuda berusia 30 tahun ini telah berkahwin dan merupakan anak jati kelahiran negeri Selangor Darul Ehsan. Mendapat pendidikan peringkat SPM di Maktab Sultan Abu Bakar, Johor Baharu dan berjaya memperolehi keputusan SPM yang baik sehingga membolehkan penama melanjutkan pelajaran ke peringkat yang lebih tinggi iaitu Diploma Ekonomi Islam di Kolej Islam Johor, di bawah Yayasan Pelajaran Johor selama 3 tahun. Penama kemudiannya mendapat pekerjaan sebagai Pembantu Tadbir Pengeranian Operasi pada tahun 2011 di Jabatan Air Johor.



Penama telah menamatkan perkhidmatannya pada tahun 2015 untuk memulakan perniagaan sendiri. Masalah penglihatan yang dialami sejak kecil tidak pernah memadamkan hasratnya untuk menceburi bidang perniagaan yang diminati. Penama memulakan perniagaan setelah mendapat dana melalui FAMA berupa sebuah *food truck* dan peralatan memasak. Penama menjalankan perniagaan *food truck* yang di kenali sebagai *piece-za foodtruck* dengan identiti tersendiri iaitu *we have more than pizza!*.



Perniagaan tersebut dijalankan bersama abang ipar yang merupakan rakan kongsiya serta dibantu oleh seorang pembantu. Penama menjalankan perniagaan menjual pizza buatan sendiri sejak dari tahun 2016. Bermula dari jam 8.00 pagi, penama bersama abang ipar akan menyediakan bahan-bahan dan menguli tepung pizza di rumah sebelum ke tapak perniagaan. Perniagaan penama beroperasi dari jam 6.00 petang hingga 12 malam setiap hari di tapak parking pasaraya Anggerik Mall pada waktu itu. Inisiatif penama untuk berdikari mencari pendapatan sendiri disebalik kecacatan yang dialami melayakkannya menerima Elaun Pekerja Cacat (EPC) sebanyak RM 400 sebulan mulai tahun 2017.

Selain bantuan dalam bentuk dana, penama turut menerima kemudahan kursus di bawah kelolaan FAMA sepenuhnya. Selain perniagaan yang dijalankan menggunakan *food truck*, produknya juga dijual secara *online* melalui laman media social seperti *facebook: piece-za foodtruck* dan *Instagram: pieceza_foodtruck*. Menurut penama, sambutan yang diterima amat menggalakkan dan pelanggan semakin bertambah semenjak produknya dipromosikan melalui media sosial.

Dengan potensi yang ditunjukkan, penama telah terpilih sebagai Peserta 2 Years Exit Programme (2YEP) pada tahun 2017 dengan suntikan modal sebanyak RM 2,700 sekaligus melalui Bantuan Geran Pelancaran. Dengan suntikan modal tersebut penama telah menambah pusingan modal serta membeli beberapa aset bagi mengembangkan lagi peniagaannya. Kini, penama berjaya memperolehi pendapatan anggaran sebanyak RM 1,200 hingga RM 3,500 sebulan secara konsisten. Sepanjang menyertai Program 2YEP, penama telah berjaya menghadiri Kursus Asas Keusahawanan pada 28.8.2018 anjuran JKMNS.





Melalui kursus yang dihadiri, penama menunjukkan prestasi yang amat memberangsangkan disamping amat komited dalam meningkatkan peniagaannya. Antara kejayaan penama yang boleh dibanggakan adalah menerima Anugerah Usahawan *Pioneer MAB Excellence Achievement Awards For Visually Impaired* 2017/2018 pada tahun 2019 dan berjaya membawa pulang wang saguhati.

Selain itu, penama juga salah seorang yang terpilih diantara 20 org OKU melalui Pejabat Kebajikan Masyarakat Shah Alam (PKMC SHAH ALAM) untuk menyertai Liga Keusahawanan OKU dibawah SAY *Lead* 2019 yang dianjurkan oleh Yayasan Raja Muda Selangor dan berjaya terpilih sebagai TOP 6 dalam program tersebut.

Selama tempoh 6 bulan program tersebut berlangsung, penama telah dilatih bersama Amani Academy untuk Kursus yang berkaitan dengan keusahawanan. Lanjutan Program tersebut penama telah mengikuti *Program SAY LEAD PLUS* selama 2 tahun (5/2019 hingga 4/2021) dimana penama dipantau oleh seorang mentor yang dilantik oleh Yayasan Raja Muda Selangor (SAY). Dengan segala ilmu dan latihan yang diperolehi, penama berharap agar perniagaan yang diusahakan akan bertambah maju dan hasratnya untuk membuka lebih banyak cawangan akan terlaksana.



NAMA

Rosli bin Abdul Rashid

UMUR

51 Tahun

ALAMAT

No 4 Blok 54 Rumah Pangsa
Nilam Sari 7/100 Seksyen 7,
40200 Shah Alam,
Selangor

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2018-2019 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 800-RM1,000 sebulan

PENDAPATAN SELEPAS PROJEK

RM 1,200- RM 3,800 sebulan

BANTUAN AGENSI LAIN

FAMA (Tapak Perniagaan)

ROSLI BIN ABDUL RASHID berusia 51 tahun, telah berkahwin dan merupakan OKU masalah penglihatan sejak lahir lagi. Penama merupakan anak kelahiran daerah Lenggong, Perak Darul Ridzuan serta mendapat pendidikan tertinggi di peringkat SPM. Sebelum terlibat dalam bidang perniagaan, penama pernah bekerja sebagai Operator di sebuah kilang. Setelah beberapa tahun bekerja makan gaji, penama nekad untuk berhenti kerja pada tahun 2006 untuk meneruskan hasrat menjadi usahawan sepenuh masa.

Pada peringkat awal, penama menjual produk kampung yang diambil dari tempat asal penama di Lenggong, Perak iaitu ikan pekasam lenggong dan madu kelulut. Selain itu penama juga menjual secara runcit bawang goreng yang di paket semula dengan dua kuantiti iaitu 250 gram yang dijual dengan harga RM 3.00 dan 500 gram dengan harga RM 5.00 sebungkus. Manakala ikan pekasam pula dijual mengikut jenis ikan serta saiz paket. Penama dibantu oleh isteri sepenuhnya dan berniaga secara tetap di Pasar Pagi Seksyen 3 Shah Alam pada setiap hari Sabtu.

Manakala pada waktu gaji setiap bulan pula penama akan berada di Karnival JPJ selama 2 hari untuk memasarkan produknya dengan tambahan menu Pulut bersama Ikan Pekasam yang dijual dengan harga RM 6.00 sebungkus. Selain itu, penama juga akan berada di perkarangan Masjid Negeri Selangor pada setiap hari Khamis. Seminggu sekali penama akan berjalan di sekitar Selangor dari Pelabuhan Klang ke Klang, Kapar dan seterusnya ke Kuala Selangor bagi memasarkan bawang goreng di kedai-kedai runcit.

* Elaun Pekerja Cacat (EPC) ditamatkan pada Julai 2019 kerana penama telah mampu berdikari dan telah berjaya dalam perniagaan yang diusahakan.



Dengan potensi yang ditunjukkan, penama telah terpilih sebagai Peserta 2 Years Exit Programme (2YEP) pada tahun 2018 dan diberi suntikan modal sebanyak RM 2,700 sekaligus melalui Bantuan Geran Pelancaran. Dengan suntikan modal tersebut penama telah menambah pusingan modal serta membeli beberapa peralatan bagi mengembangkan lagi peniagaan. Hasil usaha tanpa mengenal jemu, penama berjaya memperolehi pendapatan purata sebanyak RM 1,200 hingga RM 3,800 sebulan secara konsisten. Sejak menyertai Program 2YEP juga penama telah berjaya menghadiri Kursus Asas Keusahawanan pada 28.8.2018 anjuran JKMNS.

Bagi meluaskan rangkaian pemasaran produknya, penama juga menjalankan dan mempromosikan perniagaan secara online di media social seperti di facebook: Rosli Rashid dan sebagainya. Penat lelah penama dan isteri memasarkan produk mereka berbaloi apabila penama mula dikenali sebagai sebagai Usahawan terkenal Ikan Pekasam Goreng yang digandingkan dengan pulut kukus sebagai hidangan treadmarknya. Kejayaan dan semangat penama dalam bidang perniagaan menjadi sumber rujukan kepada rakan sepejuangan 2YEP PKMC Shah Alam secara amnya.



Penama juga merupakan salah seorang peserta yang terpilih menyertai Liga Keusahawanan OKU dibawah SAY Lead 2019 (Yayasan Raja Muda Selangor). Kejayaan perniagaan penama menarik minat beberapa pihak untuk melawat premis perniagaannya bagi melihat sendiri usaha yang dilakukan penama. Pada 11 Julai 2019 penama telah menerima lawatan daripada Ketua Setiausaha Kementerian Pembangunan Wanita (KPWKM), YBhg. Datuk Dr Rose Lena Binti Lazemi, Ketua Pengarah Kebajikan Masyarakat serta Pengarah Kebajikan Masyarakat Negeri Selangor.

Ketokohan penama dalam bidang perniagaan terserlah apabila terpilih sebagai salah seorang Ahli Jawatankuasa Koperasi PROWELL yang bakal ditubuhkan ketika Konvensyen Kebajikan ProuktifTahun 2019 yang berlangsung di Kedah.



NAMA

Rozita bt Ismail

UMUR

41 Tahun

ALAMAT

No.26, Parit 7 Gambut
Jalan Sg.Panjang,
45300 Sungai Besar,
Sabak Bernam, Selangor

KATEGORI KLIEN

Ibu Tunggal

PENERIMA BANTUAN

- i) Bantuan Am (BA)
2018-2020 | RM 350
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 1,000 sebulan

PENDAPATAN SELEPAS PROJEK

RM 2,600 sebulan

BANTUAN AGENSI LAIN

- i) Pusat Zakat Sabak Bernam
(Kos Pembinaan Rumah)
- ii) Jabatan Pertanian (Oven dan Latihan)

* *Bantuan Am (BA) ditamatkan pada Januari 2020 kerana penama telah mampu berdikari dan telah berjaya dalam perniagaan yang diusahakannya.*

Penama merupakan ibu tunggal berusia 41 tahun dan tinggal menumpang di rumah ibu bapa di No. 26 Parit 7 Gambut, Jalan Sg. Panjang, Sg. Besar bersama 4 orang anaknya. Selepas bergelar ibu tunggal, penama telah diluluskan Bantuan Kanak-Kanak sebanyak RM400 sebulan bermula dari April 2016. Sejak arwah suami penama meninggal dunia, penama bekerja sebagai pekerja pembersihan di sebuah sekolah. Selain itu, penama turut berniaga secara kecil-kecilan menjual kuih bahulu kemboja yang dihantar ke kedai-kedai dan gerai di Pasar Awam sekitar Sungai Besar. Bantuan Kanak-Kanak penama kemudian ditamatkan pada Mei 2018 kerana pendapatan telah melebihi PGK iaitu RM1000 sebulan pada ketika itu.

Penama merupakan anak ke-3 daripada 5 orang adik-beradik dan bersekolah sehingga tamat Tingkatan 5 di Sekolah Menengah Kebangsaan Sultan Abdul Aziz Teluk Intan dengan kelulusan Sijil Pelajaran Malaysia (SPM). Penama mula berjinak-jinak dalam pembuatan kuih Bahulu Kemboja sejak dari awal perkahwinan penama bersama arwah suaminya. Penama tidak pernah mengikuti mana-mana kursus atau latihan dan hanya mewarisi resepi kuih tersebut daripada keluarganya. Ibu penama banyak memberi tunjuk ajar dalam menghasilkan adunan kuih kemboja yang baik. Perniagaan yang mulanya dijalankan secara suka-suka diteruskan secara serius setelah kematian arwah suaminya bagi menjana pendapatan bagi membesarkan anak-anaknya.

Melihat kesukaran penama menyara keluarga dan persekolahan anak-anaknya yang masih kecil, JKM telah meluluskan Bantuan Am sebanyak RM350 sebulan pada tahun 2018. Kesungguhan dan semangat penama dalam memajukan diri dengan perniagaannya membolehkan penama dipilih menyertai 2 Years Exit Programme (2 YEP) pada tahun 2018 dan diluluskan Bantuan Geran Pelancaran sebanyak RM 2,700 sekaligus.



Perniagaan kuih Bahulu Kemboja resepi turun temurun keluarga penama nyata telah membuka pintu rezeki yang lebih luas kepadanya apabila Pusat Zakat menawarkan bantuan pembinaan rumah berhadapan rumah ibu bapanya yang kemudian dijadikan tapak bengkel pembuatan kuih tersebut. Jabatan Pertanian turut membantu usaha penama dengan memberi bantuan oven bertingkat.

Sejak memulakan perniagaan ini pada tahun 2009, segala kerja daripada awal hingga akhir dilakukan oleh penama sendiri memandangkan tidak mampu menggaji pekerja. Hanya kadang-kala penama dibantu oleh ibunya. Usaha dan penat lelah penama nyata berbaloi apabila keenakan kuih Bahulu Kemboja hasil air tangannya mula meniti bibir penduduk setempat. Permintaan terhadap kuih tersebut mula meningkat dan penama mula mendapat pelanggan tetap.

Selain daripada kuih Bahulu Kemboja, penama juga bercita-cita untuk mempelbagaikan hasil air tangannya dengan pelbagai produk dan kemahiran lain. Justeru itu, bermula tahun 2012 hingga kini, pelbagai jenis kursus anjuran Jabatan Pertanian telah dihadiri oleh

penama. Antaranya kursus pembuatan roti, kursus pembuatan kek dan pastri, kursus pembuatan frozen food, kursus pembuatan sos cili, kursus jahitan dan kursus gubahan bunga.

Selepas kejayaan perniagaan kuih Baulu Kembojanya, penama mempunyai perancangan untuk melebarkan perniagaannya dengan membuka kedai dimana pelanggan boleh walk in ke kedai bagi mendapatkan hasil air tangannya. Sehingga impiannya itu tercapai, penama masih meneruskan penghantaran kuih-kuihnya ke premis-premis dan gerai jualan sekitar tempat tinggalnya. Untuk masa hadapan juga penama ingin memberi penekanan yang lebih kepada kualiti penghasilan produknya kerana itu merupakan faktor utama kejayaan perniagaannya. Persaingan sengit didalam perniagaan turut menjadikan penama lebih kreatif dalam mempromosikan dan memasarkan produk miliknya.

Bagi tujuan membesarkan perniagaan, penama pernah mengikuti program pinjaman dibawah Amanah Ikhtiar Malaysia (AIM). Pinjaman tersebut digunakan sebagai suntikan modal dan modal pusingan bagi melancarkan perniagaannya. Penama turut berasa lega kerana telah berjaya melangsaikan semua jumlah pinjaman daripada AIM.

Kini penama telah berkahwin baru dan suami bekerja sendiri dengan pendapatan sebanyak RM 1,500 sebulan. Suami juga banyak memberikan sokongan dan dorongan untuk penama terus maju dalam perniagaan yang diusahakan. Apa yang lebih menggembirakan, anak perempuannya mula menunjukkan minat untuk mempelajari ilmu dan kemahiran pembuatan kuih tersebut dan sering membantunya di premis. Melihat kepada kejayaan penama yang mampu meraih sehingga RM 2,600 sebulan melalui perniagaan ini, Bantuan Am telah ditamatkan pada Januari 2020.



NAMA

Ruhani binti Ridwan

UMUR

35 Tahun

ALAMAT

Lot 235 A Batu 11
42500 Telok Panglima
Garang, Kuala Langat, Selangor

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2018-2019 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 500-RM900 sebulan

PENDAPATAN SELEPAS PROJEK

RM 2,000-RM 5,000 sebulan

BANTUAN AGENSI LAIN

Lembaga Zakat Kuala Langat

Penama merupakan ibu tunggal yang mempunyai 4 orang anak masih bersekolah. Suami penama meninggal dunia akibat masalah jantung sewaktu tidur. Penama adalah penerima Bantuan Kanak-Kanak sebanyak RM400 sebulan mulai Mac 2018. Selain itu, penama juga pernah menerima bantuan zakat sebanyak RM350 sebulan namun telah ditamatkan sejak akhir tahun 2017.

Sedar akan keperluan untuk mencari sumber pendapatan sendiri dan tidak hanya bergantung kepada bantuan daripada JKM semata-mata, penama mula menawarkan perkhidmatan mengurus. Pada peringkat awal penglibatan dalam bidang ini, penama hanya memperolehi tempahan daripada jiran dan saudara mara. Pada ketika itu ilmu pengetahuan penama didalam bidang ini amat terhad dan masih belum meluas serta hanya mampu memperolehi pendapatan bulanan maksima RM800 sahaja. Menurut penama, pada peringkat ini penama masih belum ada keyakinan diri oleh kerana selama ini tidak pernah bekerja dan hanyalah suri rumah sepenuh masa.



* Bantuan Kanak-Kanak (BKK) ditamatkan pada tahun 2020 kerana penama telah mampu berdikari dan telah berjaya dalam perniagaan yang diusahakannya.



Penama seterusnya mendapat tajaan kursus daripada TERAS (Teraju Ekonomi Asnaf Sdn Bhd) secara percuma selama 4 hari dalam bidang urutan. Penama turut menjalani kursus urutan di *My Bidan House* pada tahun 2017 melalui Lembaga Zakat Selangor dimana banyak ilmu dan kemahiran perbidanan melayu tradisional dan moden yang diperolehi. *My Bidan House* adalah jenama terapi perbidanan yang menawarkan perkhidmatan urutan wanita berpantang yang juga turut merangkumi urutan-urutan kecantikan dan kesihatan yang berkait rapat dengan penjagaan diri wanita. Penama turut di tawarkan bantuan motorsikal untuk program ini. Pada peringkat ini, perkhidmatan yang ditawarkan masih belum mendapat sambutan kerana peralatan yang terhad.

Selain kemahiran mengurut, penama turut mempelajari kemahiran berbekam. Pada tahun 2018, JKM telah meluluskan Bantuan Geran Pelancaran sebanyak RM 2,700 sekaligus melalui 2 *Years Exit Programme* (2YEP) kepada penama untuk pembelian peralatan bekam dan peralatan untuk spa kecantikan. Penama turut mempelbagaikan perkhidmatan yang ditawarkan dengan mengambil upah mengurut serta menjaga ibu berpantang dari rumah ke rumah. Kini penama turut mendapat kebenaran ke hospital untuk melakukan urutan bagi melancarkan susu ibu setelah mendapat Latihan Pembimbing Rakan Sokongan Penyusuan Susu Ibu daripada Persatuan Pemakanan dan Laktasi Malaysia serta Klinik Ibu Susuan, CFIRST UTM.

Pada awalnya perkhidmatan yang di tawarkan kurang mendapat sambutan kerana kurang promosi. Ini kerana penama jarang menggunakan media sosial untuk mempromosikan perkhidmatan mengurut dan bekam ke rumah klien yang disediakan. Setelah di nasihati, penama sendiri akur dan kini menggunakan media sosial untuk melebarkan sayap perkhidmatannya. Penama sering mempromosikan perkhidmatan yang ditawarkan melalui Facebook 'Urut RuhaniRidwan Mybidan House'.



Sedar tentang kelemahan diri yang boleh menjadi halangan untuk penama berjaya, penama mengambil inisiatif untuk mengikuti program bersama kaunselor Jabatan bagi memperbaiki dan mencari kekuatan diri. Penama juga kerap menghadiri seminar-seminar yang berkaitan dengan perkhidmatannya di *My Bidan House* dan mendapat inspirasi daripada program Mentor Mentee yang di jalankan. Penama kini lebih yakin dan pendapatan penama mula meningkat melebihi RM 1,000 sebulan. Penama juga mendapat banyak tunjuk ajar daripada *My Bidan House* untuk perkhidmatan dan harga pakej yang di tawarkan.

Penama kini semakin sibuk dengan perkhidmatan urutan dan bekam dan mendapat tempahan hampir setiap hari. Menurut penama, tempahan urutan diterima dari seluruh Selangor dan juga Kuala Lumpur. Walaupun telah mempunyai MPV Citra, penama lebih selesa menggunakan motorsikal sebagai pengangkutan utama ke rumah klien kerana lebih mudah dan cepat.



Berkat kerja keras dan usaha tanpa jemu, pendapatan penama semakin meningkat dari sebulan ke sebulan terutamanya sejak penama menawarkan pakej rawatan penjagaan berpantang. Perkhidmatan tersebut mendapat permintaan yang tinggi sejak Julai 2019 dan penama mampu memperolehi pendapatan antara RM 1,600 ke RM 5,800 sebulan. Buat masa ini, penama hanya menawarkan pakej penjagaan berpantang untuk 7 hari sahaja. Namun, penama mempunyai perancangan untuk memperkenalkan pakej penjagaan berpantang 28 dan 44 hari bagi meningkatkan lagi pendapatannya.

Melihat potensi perniagaan yang diusahakan, penama berazam untuk mengembangkan lagi perniagaannya dengan menambah pelbagai perkhidmatan lain. Penama juga ingin membuka premis perniagaannya sendiri berdekatan dengan rumahnya bagi memudahkan dan memberi keselesaan kepada klien yang ingin mendapatkan khidmatnya.

Dalam kesibukan penama mencari pendapatan keluarga, penama tidak pernah mengabaikan tanggungjawab terhadap anak-anaknya. Penama mendapat sokongan daripada saudara terdekat yang akan membantu menjaga anak-anak penama semasa ketiadaan penama di rumah. Menurut penama, anaknya yang pertama bakal menduduki peperiksaan UPSR pada tahun 2020 dan penama ingin membahagikan masa yang sebaiknya untuk mereka. Penama juga sentiasa berdoa agar kehidupan mereka sekeluarga akan bertambah baik dan berterima kasih kepada JKM yang sentiasa menyokong dan percaya dengan usaha yang dilakukannya.



NAMA

Suhairi bin Hamzah

UMUR

50 Tahun

ALAMAT

No. 2, Jalan Kolam Air,
Empangan Air Klang Gate,
53100 Kuala Lumpur

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2018-2019 | RM 400
- ii) Bantuan Geran Pelancaran (BGP)
2019 | RM 2,700

PENDAPATAN SEBELUM PROJEK

RM 1,000 sebulan

PENDAPATAN SELEPAS PROJEK

RM 3,000 – RM 5,000 sebulan

BANTUAN AGENSI LAIN


Tiada

* Elaun Pekerja Cacat (EPC) ditamatkan pada Februari 2020 kerana penama telah mampu berdikari dan telah berjaya dalam perniagaan yang diusahakan.

Penama merupakan penerima Elaun Pekerja Cacat sebanyak RM 400 sebulan sejak Februari 2018. Penama merupakan OKU fizikal yang berdaftar dengan Jabatan Kebajikan Masyarakat Daerah Gombak dan telah berkahwin serta dikurniakan 3 orang anak yang berumur antara 1 hingga 4 tahun. Sebelum ini penama bekerja sebagai Editor Animasi di Kuala Lumpur. Walau bagaimanapun, semenjak bulan Februari 2017, penama tidak lagi mampu bekerja kerana telah mengalami stroke sebelah kiri yang berpunca daripada tekanan kerja.

Akibat stroke tersebut, penama hilang kefungsiannya pada sebelah kiri dari pinggang ke atas. Penama tidak lagi mampu untuk berdikari dan segala aktiviti harian turut terjejas. Semua aktiviti harian penama perlu dibantu termasuklah makan, minum dan kebersihan diri. Pada ketika itu, penama juga perlu menggunakan kerusi roda untuk bergerak. Sejak itu, penama tidak lagi mempunyai pekerjaan dan hilang mata pencarian. Segala urusan kewangan keluarga ditanggung sepenuhnya oleh isterinya yang bekerja di Kuala Lumpur.

Atas saranan Pakar Perubatan, penama mula mendapatkan rawatan fisioterapi di Pusat Rehabilitasi Cheras. Hasilnya, pada penghujung tahun 2017, penama kian pulih dari stroke yang dihidapinya. Berbekalkan semangat dan motivasi yang dimiliki, penama berazam untuk bekerja semula bagi menjana ekonomi keluarganya. Akur dengan keadaan kesihatan dan pergerakannya yang masih terbatas, penama telah membuat keputusan untuk memulakan perniagaan yang boleh diusahakan dari rumah iaitu membuat dan menjual kek dan cookies. Memandangkan penama tiada pengetahuan dan kemahiran dalam bidang bakeri, penama mula mendaftarkan diri untuk menghadiri kursus-kursus berkaitan sama ada secara percuma ataupun berbayar disekitar Selangor dan Kuala Lumpur.



Berbekalkan wang simpanannya berjumlah RM 500 sebagai modal permulaan, penama membeli oven, peralatan membuat kek dan bahan-bahan mentah. Penama memulakan perniagaannya dengan menjual kek cawan yang hanya berperisa coklat sebanyak 30 biji. Perniagaan yang dahulunya dijalankan secara suka-suka semakin berkembang dan mula dikenali. Atas permintaan pelanggan, penama kini mempelbagaikan produk jualannya dengan menjual pelbagai jenis kek yang terdiri daripada kek Lobak Merah, kek Gula Merah Cheese, kek Cheese, kek Red Velvet dan pelbagai lagi yang dijual dengan harga serendah RM 5 sebekas.

Melihat kepada peningkatan permintaan terhadap produknya dan potensi perniagaan yang diusakan, JKM telah meluluskan Bantuan Geran Pelancaran berjumlah RM 2,700 sekaligus melalui 2 *Years Exit Programme* (2YEP) pada Jun 2019. Penama merupakan antara klien 2 YEP yang berjaya menjana pendapatan bulanan yang stabil hasil daripada perniagaan bakeri yang dijalankan iaitu purata sekitar RM 3000 hingga RM 5000 sebulan. Penama kini mempelbagaikan lagi produk jualan bagi menambah pendapatan perniagaannya dengan

membuat dan menjual cookies. Bermula dengan hanya membuat cookies florentine, kini telah bertambah kepada cornfleks dan *chocolate chips* yang dijual dengan harga RM 12 sebalang. Permintaan terhadap cookies penama amat memberangsangkan terutama pada musim perayaan.

Perniagaan penama kini semakin dikenali dan telah mempunyai pelanggan tetap. Walaupun penama tidak mempunyai pembantu tetap dan keadaan kesihatan penama juga masih belum pulih sepenuhnya, penama mencabar dirinya untuk terus menjana pendapatan bagi perniagaan yang diusahakannya ini. Penama kini telah mula yakin untuk menerima tempahan dalam kuantiti yang besar.

Bagi meluaskan lagi pasaran produknya, penama menggunakan media sosial sebagai medium untuk mempromosi dan mengambil tempahan produknya. Melalui akaun facebook Suhairi Hamzah dan akaun Instagram adamhwa'1617, pelbagai promosi ditawarkan kepada para pelanggan. Selain menerima tempahan dan menjual secara *online*, penama juga turut menjual hasil bakerinya terus kepada pelanggan di Pasar tani Taman Melawati Ulu Klang pada setiap hari Sabtu jam 8.00 pagi hingga 1 tengahari.

Melihat prospek perniagaannya untuk terus berkembang maju, penama telah mendaftarkan perniagaannya di Suruhanjaya Syarikat Malaysia (SSM) dengan nama ADAMHAWA BAKERY yang bernombor pendaftaran 002792681-M.

Penama berasa amat bersyukur kerana dikurniakan seorang isteri dan ahli keluarga yang sentiasa memberi sokongan untuk penama terus berusaha dan maju dalam perniagaan yang diceburi ini. Kejayaan penama yang tidak menjadikan status OKU sebagai penghalang untuk berdikari dan terus maju dalam menjana pendapatan boleh dijadikan contoh kepada golongan OKU lain.





Wilayah Persekutan
KUALA LUMPUR



NAMA

Mohd Razali bin Talib

UMUR

45 Tahun

ALAMAT

Blok 45-04-07 Flat Sri Johor
Cheras,
56100 Kuala Lumpur

KATEGORI KLIEN

Keluarga Miskin

PENERIMA BANTUAN

- i) Bantuan Am (BA)
2016-2018 | RM 240
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM800 sebulan

PENDAPATAN SELEPAS PROJEK

RM 5,000– RM 7,000 sebulan

BANTUAN AGENSI LAIN

MAIWP, FAMA, MATRADE, MITI, SIRIM,
KPDNHEP, MDEC, SSM, SME CORP

* Bantuan Am (BA) ditamatkan pada Mei 2018 kerana penama telah mampu berdikari dan telah berjaya dalam perniagaan yang diusahakannya.

RAZALI mula menceburi bidang perniagaan dengan menjual sambal bilis sejak tahun 2013 sebagai punca pendapatan bagi menyara keluarganya. Penama merupakan bapa tunggal dan mempunyai 4 orang cahayamata yang masih bersekolah termasuk seorang anak istimewa yang mengalami Sindrom Down. Komitmen penjagaan anak istimewanya menyukarkan Razali mencari pekerjaan diluar sebaliknya hanya bekerja dirumah dengan memasak dan menjual sambal bilis. Pendapatan yang diperolehi hanya sekitar RM 800 sebulan dan tidak cukup untuk menampung keperluan harian dan persekolahan anak-anak.

Razali seterusnya bertemu jodoh kali kedua pada tahun 2015. Dengan tanggungan yang semakin bertambah dan keperluan yang semakin meningkat, penama diluluskan Bantuan Am sebanyak RM 240 sebulan bagi menampung keperluan mereka sekeluarga. Isteri penama turut membantu perniagaannya dan bersama-sama mengumpul modal sebanyak RM 500 bagi memenuhi permintaan pelanggan yang terdiri daripada rakan-rakan dan jiran tetangga untuk sambal bilis buatannya.



Dari masa ke semasa, sambal bilis keluarannya semakin mendapat sambutan dan penama mula melihat potensi perniagaannya dengan lebih serius. Razali telah membuat permohonan bantuan bagi mendapatkan modal tambahan untuk perniagaannya dan JKM telah meluluskan Bantuan Geran Pelancaran berjumlah RM2,700 sekaligus melalui 2 Years Exit Programme (2YEP) pada tahun 2016.



Razali sentiasa berpegang kepada prinsip hidup iaitu tidak berputus asa dan sentiasa berani menahut cabaran walaupun pelbagai rintangan yang mendatang. Apabila perniagaannya semakin maju, penama telah mendaftarkan perniagaannya di Suruhanjaya Syarikat Malaysia (SSM) pada April 2017 dibawah nama MJR Rizqah Resources. Selain JKM, penama mendapat perhatian dan sokongan daripada Majlis Agama Islam Wilayah Persekutuan Kuala Lumpur (MAIWP), Lembaga Pemasaran Pertanian Persekutuan (FAMA), Malaysia External Trade Development (MATRADE), Kementerian Perdagangan Antarabangsa dan Industri (MITI), Institut Piawaian dan Penyelidikan Perindustrian Malaysia (SIRIM), Kementerian Perdagangan Dalam Negeri dan Hal Ehwal Pengguna Malaysia (KPDNHEP), *Malaysia Digital Economy Corporation* (MDEC), Suruhanjaya Syarikat Malaysia (SSM), SME Corporation (SME Corp) dan juga rakan seperjuangan usahawan yang telah berjaya.

Penama banyak menyertai kursus, seminar, forum, *conference* dan sebagainya bagi menambah ilmu dalam bidang perniagaan serta meningkatkan jaringan kerjasama dengan pelbagai pihak. Kegigihan dan kejayaan penama membangunkan perniagaan ini telah melayakkannya dipilih untuk menyertai *Malaysia International Halal Showcase* (MIHAS) pada tahun 2018 dan 2019, *Malaysian International Food & Beverage Trade Fair* (MIFB), *Islamic Finance News* (IFN), SME CEO Forum dan pelbagai program berskala besar diperingkat kebangsaan dan antarabangsa. Razali juga diberi peluang menyertai Halalfest 2019 yang ditaja oleh Tenaga Nasional Berhad (TNB), *Malaysian National* (MUN) 2019 oleh Kementerian Wilayah, Karnival Putrajaya oleh Perbadanan Putrajaya, Kementerian Wilayah Persekutuan (KWP) dan sebagainya.

Berkat usaha gigih penama dan sokongan serta dorongan tidak berbelah bahagi daripada isteri, pada Julai 2018 Razali telah menerima Anugerah Tokoh Usahawan Majlis Agama Islam Wilayah Persekutuan (MAIWP) dan Ikon Usahawan Pusat Pungutan Zakat (PPZ). Hasil kejayaan tersebut, penama mendapat tawaran daripada *Made In Malaysian* (MIM) *Kuala Lumpur International Airport* (KLIA) untuk membekalkan produk 'Sambal Bilis Crunchy MJR' di KLIA. Pada November 2019, penama telah ditawarkan dan diiktiraf oleh *In4tech* sebagai IKON Usahawan *In4tech* bagi Wilayah Persekutuan Kuala Lumpur dan Selangor sempena Program Micro Nasi Lemak bagi tahun 2019/2020. Manakala pada Disember 2019, Razali telah menerima Anugerah Transformasi Bisnes Kelas Pertama oleh Kementerian Wilayah Persekutuan (KWP).






Antara anugerah dan pencapaian lain yang berjaya diraih oleh Razali adalah Anugerah Usahawan 2 Years Exit Programme (2YEP) WPKL pada tahun 2016, Anugerah Daya Usahawan eUsahawan Wira Digital Malaysia Digital Economy Corporation (MDEC) pada tahun 2017, mengikuti *International Sourcing Programme (INSP) Malaysia International Halal Showcase (MIHAS)* pada tahun 2018 dan 2019, serta tersenarai sebagai *Malaysian Exporters Malaysia External Trade Development (MATRADE)*.

Apa yang lebih membanggakan, Razali turut ditawarkan melanjutkan pengajian peringkat *Doctor of Philosophy (PhD)* di Universiti Putra Malaysia (UPM) dalam *Innovation In Business* pada Januari 2019 serta Anugerah Tranformasi Bisnes Kelas Pertama Kementerian Wilayah Persekutuan (KWP) pada Disember 2019.



Kejayaan demi kejayaan yang diraih selayaknya penama dijadikan contoh dan model usahawan berjaya JKM. Biarpun terpaksa bermula daripada bawah, dengan usaha berterusan dan tidak pernah berputus asa, Razali telah membuktikan tiada apa yang mustahil untuk dicapai dalam hidup ini. Kini penama lebih menumpukan perhatian sepenuhnya dan membahagikan masa kepada perniagaan yang diceburi, kesejahteraan keluarga dan kesihatan pada diri sendiri. Razali juga tidak bergantung lagi kepada JKM dan telah bebas daripada belunggu kemiskinan.



NAMA

Noor Hidawati binti Mohd Juki

UMUR

44 Tahun

ALAMAT

Blok C-03-13 PPR Pekan Kepong
Jalan Silang Kepong,
52100 Kuala Lumpur

KATEGORI KLIEN

Keluarga Miskin

PENERIMA BANTUAN

- i) Bantuan Am (BA)
2018-2019 | RM 100
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 500 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Tiada

* Bantuan Am (BA) ditamatkan pada September 2019 kerana penama telah mampu berdikari dan telah berjaya dalam perniagaan yang diusahakannya.

NOOR HIDAWATI merupakan seorang isteri dan ibu kepada 4 orang cahayamata. Sebelum memulakan perkhidmatan sebagai seorang badut, penama berniaga menjual roti jala di bawah flat tempat tinggalnya. Namun pendapatannya sekadar cukup-cukup makan. Walaupun suaminya turut bekerja, namun pendapatan mereka berdua masih belum mencukupi bagi menampung keperluan harian dan persekolahan anak-anak. Takdir terus menduga Noor Hidawati apabila pada tahun 2015, penama terpaksa mengurangkan aktiviti perniagaannya kerana perlu menjaga bapanya yang sakit. Bapa penama meninggal dunia akibat kanser otak pada bulan Jun tahun tersebut setelah hampir setahun menderita.

Kematian bapanya meninggalkan kesan yang amat mendalam kepada Noor Hidawati. Penama mula mengalami simptom kemurungan dan hilang arah memandangkan hubungan penama dan arwah bapanya sangat rapat. Penama juga hampir diisytiharkan muflis pada tahun yang sama kerana gagal melangsaikan pinjaman bank yang pernah dibuat ketika bekerja dahulu. Akibatnya penama terpaksa meminjam wang daripada rakan-rakan dan saudara-mara untuk menjelaskan baki pinjaman tersebut.





Pada Januari 2016, penama mula berjinak-jinak menceburi bidang hiburan sebagai seorang badut yang membawa imej muslimah. Penama tidak pernah mengikuti sebarang latihan atau kursus secara formal tetapi lebih banyak menuntut ilmu dan belajar daripada rakan-rakan yang telah lama mencari rezeki sebagai badut di sekitar Kuala Lumpur. Hasil pembelajaran, pemerhatian dan perkongsian ilmu daripada rakan-rakan, Noor Hidawati mula berkemahiran dalam membentuk belon, membuat silap mata dan beraksi komedi. Noor Hidawati seterusnya memohon Permit Seniman Jalanan daripada Dewan Bandaraya Kuala Lumpur (DBKL) kerana selain daripada perkhidmatan badut, penama turut menyertai busking muzik bersama suami secara sambilan. Penama bekerja keras menjual belon sekitar SOGO, Bazaar Ramadhan, *UPTOWN*, Jalan Tunku Abdul Rahman (TAR) dan membuat persembahan demi kelangsungan hidup dan membayar kembali wang rakan-rakan dan saudara mara yang dipinjam sebelum ini. Walaupun hidup dalam kesempitan sehingga pernah terputus wang dan bekalan beras, namun penama tidak pernah berputus asa.

Pada 2017, pihak Utusan Malaysia mula menyedari kewujudan badut muslimah pertama di Malaysia dan bakat Noor Hidawati. Sejak liputan yang diterima daripada akhbar itu, bakat Noor Hidawati terus menjadi perhatian dan mendapat liputan daripada pelbagai media massa. Penama mula mendapat jemputan untuk muncul dalam rancangan Assalamualaikum disalurkan Televisyen Al-Hijrah, rancangan TV3 seperti Malaysia Hari Ini (MHI), Wanita Hari Ini (WHI) dan Majalah 3, rancangan Nasi Lemak Kopi O (NLKO) TV9, rancangan Cerita Kita disalurkan RTM, rancangan Mingguan Wanita, ASTRO dan pernah diundang sebagai jemputan khas rancangan kanak-kanak saluran Astro *Kids*. Selain itu, beberapa majalah dan surat khabar tempatan seperti Wilayahku, Metro, Kosmo, Mingguan Wanita dan Nona turut menyiarkan kisahnya.



Hasil pendapatan sebagai badut dan busking ternyata belum mampu menampung sepenuhnya kehidupan Noor Hidawati sekeluarga. Walaupun pendapatan mereka meningkat berbanding semasa berniaga dahulu, namun kos sara hidup di Kuala Lumpur sangat mencabar penama suami isteri dalam mencukupkan belanja harian keluarga. JKM seterusnya meluluskan Bantuan Am bagi meringankan beban kewangan keluarga Noor Hidawati. Pada Ogos 2018, penama telah lulus saringan menyertai 2 Years Exit Programme (2YEP) dan diluluskan Bantuan Geran Pelancaran sebanyak RM 2,700 sekaligus oleh Jabatan Kebajikan Masyarakat Wilayah Persekutuan Kuala Lumpur (JKMWPKL).

Dengan bantuan modal tersebutlah penama menambah beberapa peralatan busking dan keperluan perkhidmatan badutnya seperti speaker, gitar, cajon, peralatan silap mata, stok belon dan pam elektrik. Noor Hidawati akui tanpa bantuan daripada JKM sudah pasti penama dan suami tidak mampu untuk membeli semua peralatan dan keperluan tersebut kerana tiada simpanan yang mencukupi. Penama amat bersyukur kerana pendapatan hasil daripada persembahan badutnya telah berjaya melangsaikan hutang rakan-rakan dan saudara mara berjumlah ribuan ringgit. Penama kini hanya perlu membayar baki hutang bank secara berjadual seperti biasa.





Walaupun masyarakat melihat pekerjaan sebagai badut adalah mudah, namun pelbagai cabaran perlu dihadapi penama dalam usaha memberikan persembahan yang menghiburkan. Kaki penama pernah retak akibat jatuh ditarik penonton semasa membuat persembahan. Pemergian arwah ibu penama setelah genap 4 tahun arwah bapa meninggal dan terpaksa membuat persembahan seminggu selepas itu sangat menguji kekuatan mental dan emosinya. Namun dengan keazaman dan kesabaran serta sokongan daripada insan sekeliling, penama semakin berjaya dan sering diundang untuk membuat persembahan di majlis-majlis hari jadi, perkahwinan dan sebagainya.

Pandangan sinis dan cemuhan segelintir masyarakat terhadap pekerjaan yang dilakukan tidak pernah menjadi isu besar kepada Noor Hidawati. Penama dan suami terus melangkah tanpa menoleh kebelakang lagi demi kelangsungan hidup mereka. Kini, mereka boleh berbangga, profesion yang dulu dipandang rendah oleh sesetengah orang kini mampu memberi pulangan yang agak lumayan kepada mereka. Walaupun bantuan Noor Hidawati telah ditamatkan, namun jasa JKM membantu mereka sekeluarga tidak akan pernah dilupakan.





Negeri Sembilan
DARUL KHUSUS



NAMA

Lin Kwee Fong

UMUR

40 Tahun

ALAMAT

No 138-D, Batu 1,
Kg Parit, Jln Seremban Lama
72000 Kuala Pilah,
Negeri Sembilan

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2013-2016 | RM 400
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 300-450 sebulan

PENDAPATAN SELEPAS PROJEK

RM 1,900 sebulan

BANTUAN AGENSI LAIN

KPWKM (1AZAM)

* *Bantuan Kanak-Kanak (BKK) ditamatkan pada Disember 2016 kerana penama telah mampu berdikari dan telah berjaya dalam perniagaan yang diusahakannya.*


LIN KWEE FONG berumur 40 tahun dan merupakan seorang ibu tunggal yang perlu menjaga kebajikan empat orang anak ketika mula-mula memohon bantuan daripada JKM selepas berpisah dengan suami pada tahun 2011. Sejak berpisah penama telah mula berniaga sepenuh masa dengan menjual kuih pau yang ditempah dan disimpan secara sejuk beku. Anak-anaknya turut membantu penama berniaga kuih pau setiap kali musim cuti sekolah. Penama mula menerima Bantuan Kanak-Kanak (BKK) pada tahun 2013 dan ditamatkan pada Disember 2016 kerana telah mampu berdikari.

Pada awal penglibatan dalam perniagaan menjual kuih pau dan nasi campur, Lin Kwee Fong menggunakan gerai tolak yang diletakkan di kawasan berhampiran Pasar Pekan Kuala Pilah. Disitulah titik mula penama berniaga secara kecil-kecilan dengan pendapatan sekitar RM 350 sehingga RM 450 sahaja sebulan untuk menyara anak-anaknya yang masih kecil. Ketika itu, penama perlu menguruskan anak-anak yang masih kecil dan pada masa yang sama perlu fokus pada perniagaannya. Perkara tersebut merupakan cabaran di awal perniagaannya. Kekangan juga dihadapi ketika cuaca hujan dimana penama tidak dapat membuka gerai kerana bimbang tempat berniagaanya basah selain pelanggan juga berkurangan. Namun, nasibnya mula berubah apabila Lin Kwee Fong telah terpilih untuk menyertai *2 Years Exit Programme (2YEP)* pada September 2016. Melalui program ini, penama diberikan Bantuan Geran Pelancaran sebanyak RM 2,700 sekaligus yang telah digunakan untuk membeli satu unit peti ais serta beberapa peralatan yang lain bagi kegunaan perniagaannya.

Sepanjang penyertaan penama dalam program ini pegawai JKM membuat pemantauan dan memberikan khidmat nasihat untuk mengembangkan perniagaannya. Selain itu, penama juga telah diberikan latihan-

latihan berkaitan perniagaan bagi membantu penama menambah ilmu dan kemahiran dalam bidang ini. Antara kursus dan latihan yang telah dihadiri ialah Seminar Keusahawanan Menjana Pendapatan anjuran bersama Majlis Amanah Rakyat (MARA) Negeri Sembilan, Bengkel “Impak Maksima Pendapatan” dan Bengkel “Anda Tanya Agensi Jawab” anjuran JKMN Negeri Sembilan serta Kursus eUsahawan *Digital Marketing Fundamental* Usahawan 2 YEP 2019 anjuran bersama JKM Negeri Sembilan dan INTI College Nilai, Negeri Sembilan.

Selain daripada JKM, penama juga telah menerima bantuan berupa peralatan daripada Kementerian Pembangunan Wanita, Keluarga dan Masyarakat (KPWKM) melalui pakej sejuk beku 1AZAM. Penama telah ditamatkan bantuan dengan kerelaan sendiri setelah mampu berdikari tanpa mengharap bantuan bulanan daripada jabatan. Anak-anak Lin Kwee Fong kini telah bekerja dan mampu menyara diri sendiri. Penama juga telah membuka sebuah kedai nasi campur yang dibuka setiap Isnin hingga Jumaat bermula jam 4.00 petang sehingga 6.30 petang.



Perniagaan kuih pau Lin Kwee Fong terus berkembang daripada perniagaan secara kecil-kecilan menggunakan kereta tolak kini mendapat lokasi tetap setelah mendapat lesen perniagaan menjaja daripada Majlis Daerah Kuala Pilah. Penama tidak pernah menukar lokasi perniagaan dari dahulu sehingga kini kerana telah mempunyai pelanggan tetap yang setia membeli hasil jualannya. Penama juga ada menerima tempahan daripada pelanggan tetap walaupun tidak kerap. Selain itu penama turut mempromosikan produk sejuk bekunya melalui media massa seperti *Whassup*, *Facebook* dan *Instagram* yang dibantu oleh anak perempuannya.

Perniagaan Lin Kwee Fong kini banyak dibantu oleh anak-anak. Kebiasannya penama akan menempah stok produk sejuk beku daripada kilang membuat makanan tersebut mencecah anggaran dua ribu biji setiap bulan. Penama juga telah berdaftar dengan Suruhanjaya Syarikat Malaysia (NS0050188-W) di atas nama ibunya. Sehingga kini gerai penama telah bertambah keluasanya dan permintaan daripada pelanggan semakin hari semakin meningkat. Penama juga merancang untuk membuat kuih pau sendiri tanpa membeli bekalan daripada kilang. Penama berharap perniagaan yang dimilikinya ini akan diteruskan oleh anak-anaknya dan kekal menjadi perniagaan keluarga.

Projek 30 BERNIAGA SANTAN

Kuala Pilah



NAMA

Md Jasmi Bin Md Zali

UMUR

40 Tahun

ALAMAT

No 12, Rumah Rakyat Pasit,
73100 Kuala Pilah, Negeri
Sembilan

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2013-2016 | RM 400
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 1,000-1,500 sebulan

PENDAPATAN SELEPAS PROJEK

RM 5,000 sebulan

BANTUAN AGENSI LAIN

Jabatan Pertanian (Peralatan)

* Elaun Pekerja Cacat (EPC) ditamatkan pada Disember 2016 kerana penama telah mampu berdikari dan telah berjaya dalam perniagaan yang diusahakannya.

Penama yang mesra disapa dengan panggilan **MD JASMI** berusia 40 tahun merupakan OKU Fizikal yang telah berkahwin dan mempunyai seorang anak lelaki ketika memohon bantuan daripada JKM. Penama dilahirkan normal dan mengalami kecacatan anggota dibahagian kaki kiri yang terpaksa di potong dari paras lutut ke bawah berpunca daripada kemalangan jalanraya yang berlaku pada 23.02.2004. Sebelum ini penama juga pernah mengalami lumpuh separuh badan dari paras pinggang ke bawah akibat tejutah daripada pokok manggis pada tahun 1998. Tetapi kesihatan Md Jasmi semakin sembuh setelah menjalani rawatan pemulihan.

Pada tahun 2004 penama telah memohon kaki palsu daripada Pejabat Kebajikan Masyarakat Kuala Pilah dan permohonan tersebut telah diluluskan. Perniagaan santan yang diusahakan merupakan perniagaan warisan daripada perniagaan bapanya. Pada awal penglibatan Md Jasmi dalam perniagaan menjual santan, penama sekadar membantu ayahnya berniaga secara kecil-kecilan. Penama tidak berani mengambil tempahan santan yang banyak kerana bimbang tidak mampu memenuhi kehendak pelanggan kerana ketiadaan mesin bagi memudahkan kerja-kerja memproses santan.

Pada tahun 2016, penama telah diluluskan Bantuan Geran Pelancaran sebanyak RM 2,700 sekaligus apabila terpilih menyertai 2 Years Exit Programme (2YEP). Hasil suntikan modal tersebut penama mula mengambil alih perniagaan daripada bapanya dan telah membeli pelbagai peralatan antaranya mesin memarut kelapa bagi meningkatkan perniagaan. Peralatan yang dibeli sedikit sebanyak telah membantu meningkatkan kuantiti jualan dan pengeluaran santan. Selain itu, Md Jasmi juga telah menyertai beberapa kursus berkaitan



bidang perniagaan antaranya Seminar Keusahawanan Menjana Pendapatan-Anjuran bersama JKM dan Majlis Amanah Rakyat (MARA) Negeri Sembilan.

Hasil peningkatan jualan menaikkan semangat penama untuk mengembangkan lagi perniagaannya dan tidak hanya bergantung semata-mata kepada jualan santan. Penama mempelbagaikan barangan jualan antaranya barangan basah seperti lada, tempe, jering, petai dan ulam-ulaman. Md Jasmi juga telah dibantu oleh Jabatan Pertanian Negeri Sembilan melalui pemberian mesin memerah santan. Hasil penggunaan mesin-mesin ini telah meningkatkan pengeluaran produk santannya dan seterusnya memenuhi permintaan yang tinggi daripada penduduk sekitar.

Perniagaan yang diusahakan banyak dibantu oleh isterinya yang sentiasa setia bersama penama mengharungi cabaran dan persaingan dalam bidang ini. Memandangkan pergerakan Md Jasmi agak terbatas

kesan daripada kecacatan yang dialaminya, penama terpaksa menggaji seorang pembantu bagi membantu melancarkan perniagaannya. Pada peringkat awal, pendapatan yang diraih adalah sekitar RM 1,000 ke RM 1,500 sebulan kerana hanya bergantung kepada permintaan daripada orang-orang kampung sahaja. Namun, setelah penggunaan mesin yang dibeli menggunakan suntikan modal daripada JKM dan mesin sumbangan daripada Jabatan Pertanian, pendapatannya semakin meningkat kerana telah mampu menghasilkan pengeluaran santan dalam kuantiti yang banyak. Penama mula berani mengambil tempahan daripada *caterer* dan daripada kedai-kedai sekitar tempat tinggalnya.

Md Jasmi mempunyai perancangan untuk meluaskan lagi perniagaannya sehingga keluar dari daerah Kuala Pilah. Penama juga ingin menggajikan lebih ramai pekerja untuk meningkatkan kuantiti pengeluaran santan. Selain itu penama juga bercita-cita untuk menjadi ikon usahawan yang dikenali masyarakat satu hari nanti.



Projek 31 ROTI CANAI

Tampin



NAMA

Mohd Daud Bin Hassan

UMUR

51 Tahun

ALAMAT

16 A Kampung Tanjung Melintang
73200 Gemencheh,
Negeri Sembilan

KATEGORI KLIEN

Keluarga Miskin

PENERIMA BANTUAN

- i) Bantuan Kanak-Kanak (BKK)
2014-2019 | RM 200
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 600 sebulan

PENDAPATAN SELEPAS PROJEK

RM 8,000-9,000 sebulan

BANTUAN AGENSI LAIN

Tiada

* Bantuan Kanak-Kanak (BKK) ditamatkan pada Februari 2020 kerana penama telah mampu berdikari dan telah berjaya dalam perniagaan yang diusahakannya.

MOHD DAUD berumur 51 tahun telah berkahwin dan mempunyai enam orang cahayamata berumur antara 7 hingga 21 tahun. Penama merupakan penerima Bantuan Kanak-Kanak (BKK) sejak Oktober 2013 sehinggalah ditamatkan pada bulan Februari 2020 kerana pendapatan telah melebihi syarat kelayakan. Penglibatan awalnya dalam bidang perniagaan bermula sebagai penebar roti canai di negeri asal kelahirannya di Kedah Darul Aman. Penama mula bekerja sebagai penebar roti canai sejak berumur 18 tahun lagi dan dari situlah penama mendapat kemahiran sebagai penebar roti canai selain belajar selok belok perniagaan daripada pemilik kedai. Selain menebar roti canai, penama turut mempunyai kemahiran memasak.

Setelah berkahwin dengan pasangan yang berasal dari Gemencheh, Negeri Sembilan penama mengambil keputusan untuk berhijrah ke daerah asal isterinya itu pada tahun 2004. Pada tahun 2014 penama mengambil keputusan memulakan perniagaan sendiri dengan membuka sebuah warung makan di Pekan



Gemencheh. Perniagaan tersebut dijalankan bersama keluarga dengan dibantu oleh isteri dan anaknya. Pada awal perniagaannya, pendapatan yang diperolehi hanya sekitar RM 300 sehingga RM 600 sahaja sebulan. Pada Julai 2018 penama mendapat suntikan modal daripada pihak Jabatan Kebajikan Masyarakat sebanyak RM 2,700 sekaligus melalui Bantuan Geran Pelancaran apabila menyertai *2 Years Exit Programme* (2YEP). Sejak menerima suntikan modal tersebut, perniagaannya semakin berkembang malah pelbagai peralatan perniagaan juga bertambah. Suntikan modal yang diterima digunakan untuk membeli stall roti canai, meja plastik sebanyak 5 unit dan kerusi plastik sebanyak 20 unit. Lokasi perniagaan penama agak strategik iaitu terletak di tepi jalan utama Gemencheh-Gemas. Perniagaan Mohd Daud turut berdaftar dengan Suruhanjaya Syarikat Malaysia (SSM) yang bernombor NS0205336-X dan mempunyai beberapa orang pekerja untuk membantu melancarkan perniagaannya.

Pendapatan bulanan penama juga semakin meningkat sehingga mampu mencecah RM 9,000 sebulan. Hasil pendapatan tersebut digunakan untuk membuat modal pusingan perniagaan, simpanan dan memenuhi keperluan keluarganya. Selain daripada roti canai, penama mempelbagaikan menu di gerainya dengan menjual masakan panas, lempeng dan pelbagai minuman panas dan sejuk.



Sepanjang menyertai program 2YEP, penama berpeluang mengikuti pelbagai kursus dan latihan bagi memantapkan ilmu pengetahuan dan kemahiran dalam bidang yang diceburi. Antara kursus yang pernah dihadiri adalah Latihan Pengendali Makanan di Balairaya Tampin Tengah pada 25 Mac 2018, Kursus Penaksiran Psikologi Jabatan Kebajikan Masyarakat di Balairaya Kampung Tengah Gemencheh pada 15 Mei 2018, Konvensyen Kebajikan Produktif 2YEP Tahun 2019 di Kedah Darul Aman pada 25 sehingga 27 September 2019 dan Kursus *Digital Marketing Fundamental* Usahawan 2 Years Exit Programme 2019 di INTI International University pada 3 Oktober 2019. Bimbingan dan motivasi yang diberikan menjadikan Mohd Daud lebih yakin dan berani berusaha untuk mejana pendapatan untuk keluarga. Pendapatan penama semakin meningkat sehingga mampu menjana pendapatan sendiri sekaligus tidak bergantung kepada bantuan bulanan Jabatan. Penama juga berkemampuan menggaji beberapa orang pekerja dengan bayaran gaji RM 25 sehari.

Penama mempunyai perancangan untuk memiliki premis perniagaannya sendiri di kawasan Gemencheh yang mampu untuk beroperasi dengan lebih sistematik seterusnya meningkatkan pendapatan sedia ada. Penama juga berharap anak-anak akan meneruskan perniagaan ini pada masa akan datang.



NAMA

Mohamad Rasyidee Bin Salim

UMUR

31 Tahun

ALAMAT

No. 58 Blok 3 Felda Palong 11
73470 Gemas, Negeri Sembilan

KATEGORI KLIEN

Keluarga Miskin

PENERIMA BANTUAN

- i) Bantuan Kanak-Kanak (BKK)
2012-2019 | RM 200
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 900 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Tiada

* Bantuan Kanak-Kanak (BKK) ditamatkan pada Oktober 2019 kerana penama telah mampu berdikari dan telah berjaya dalam perniagaan yang diusahakannya.

MOHAMAD RASYIDEE BIN SALIM, berusia 31 tahun merupakan anak kedua daripada sembilan orang adik-beradik. Sebelum ini penama bekerja kilang di Johor Bahru namun terpaksa berhenti kerja dan kembali ke kampung halaman kerana komitmen menjaga ayah yang sedang sakit. Tanggungjawab penama menjadi lebih berat apabila ayah penama meninggal dunia pada tahun 2010 manakala ibu penama pula meninggalkan mereka kerana melarikan diri dan berkahwin dengan warga Indonesia.

Sejak itu Mohamad Rasyidee mengambil tanggungjawab menjaga kebajikan, menyekolahkan dan membesarkan adik-adiknya memandangkan penama anak lelaki sulung. Kakak sulung tidak mampu membantu kerana telah berkahwin dan tidak bekerja. Akibat kekangan kewangan pada masa itu, penama memohon bantuan kewangan dengan Pejabat Kebajikan Masyarakat Daerah Jempol dan telah diluluskan Bantuan Kanak-Kanak sebanyak RM 200 sebulan pada tahun 2012. Memandangkan hasil Felda yang tidak menentu Mohamad Rasyidee mula membuka bengkel secara kecil-kecilan bermula dengan membaiki motosikal bersebelahan rumahnya.

Berbekalkan pengalaman pernah bekerja sebagai pembantu mekanik semasa zaman remajanya, Mohd Rasyidee memberanikan diri mengusahakan bengkel tersebut dan mula membaiki, mengecat dan mengetuk kereta. Penama mengakui tidak mempunyai kemahiran yang khusus dalam bidang yang diceburi ini memandangkan penama hanya bersekolah setakat darjah 5 sahaja.

Diawal penglibatannya dalam mengusahakan bengkel ini, Mohamad Rasyidee hanya membaiki motosikal sahaja kerana kekangan modal yang kecil daripada simpanannya. Namun lama-kelamaan bengkel tersebut mendapat sambutan dan penama mula memberanikan



diri membaiki kenderaan lain seperti kereta. Pelanggannya terdiri daripada masyarakat Felda Palong 9,10,11, 12 dan sekitarnya. Selain itu, penama juga bergerak keluar dari kawasan tersebut sekiranya mendapat panggilan dari luar kawasan untuk membaiki kenderaan.

Bengkel Mohd Rasyidee beroperasi setiap hari kecuali Ahad. Penama telah menyertai *2 Years Exit Programme (2YEP)* dan menerima Bantuan Geran Pelancaran sebanyak RM 2,700 sekaligus pada September 2018. Dengan bantuan yang diberikan penama telah membeli beberapa peralatan bengkel seperti *Compressor Prest Pump 20 tan*, *Crocodile Jet 3 tan* dan sebagainya lagi. Penama juga telah menyertai beberapa kursus anjuran Jabatan Kebajikan Masyarakat Negeri Sembilan dan Jabatan Kebajikan Masyarakat seperti Bengkel Empowering Rangkaian Perniagaan Melalui Teras Bosnes Mampan, Kursus Pelaksanaan 2YEP Tahun 2018 pada 28.8.2018 anjuran JKM Negeri Sembilan, Kursus Motivasi Memperkasa Diri Peserta 2YEP Negeri Sembilan, Konvensyen Kebajikan Produktif di Kedah dan lain-lain lagi.

Kini penama telah mampu menjana pendapatan RM 4,000 sebulan bersih dengan mengusahakan bengkel tersebut secara berseorangan. Penama akan mengambil atau mengupah pekerja sambilan sekiranya perlu atau mempunyai banyak kereta yang mahu dibaiki. Terkini penama memaklumkan menyertai Kursus Automatif anjuran MARA Negeri Sembilan. Bantuan Kanak-Kanak yang diterima penama telah ditamatkan mulai Oktober 2019 yang lalu. Pengalaman kesusahan keluarga penama yang dahulu sentiasa menjadi pengalaman yang akan diingati untuk kejayaan hari ini.







Melaka

BANDAR BERSEJARAH

Projek 33 KUIH-MUIH

Jasin



NAMA

Kamariah Binti Mohd Surati

UMUR

48 Tahun

ALAMAT

JB 1780, Jalan NB 9,
Taman Nyalas Baru,
77100 Asahan, Melaka

KATEGORI KLIEN

Keluarga Miskin

PENERIMA BANTUAN

- i) Bantuan Am (BA)
2013-2019 | RM 310
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 500-RM700 sebulan

PENDAPATAN SELEPAS PROJEK

RM 1,200-RM 3,300 sebulan

BANTUAN AGENSI LAIN

- i) Kemas (Peralatan)
- ii) Jabatan Veterinar (Peralatan)

* Bantuan Am (BA) ditamatkan pada Januari 2019 kerana penama telah mampu berdikari dan telah berjaya dalam perniagaan yang diusahakannya.

KAMARIAH merupakan seorang pesakit kanser dan telah pun menjalani pembedahan membuang payudara sebelah kanan pada tahun 2003. Penama ketika itu bekerja sebagai Penyambut Tetamu di sebuah kilang di Kuala Lumpur. Selepas disahkan menghidap kanser payudara, penama terbeban dari segi kewangan dan mengalami kemurungan memikirkan nasib dirinya. Penama mempunyai 2 orang anak dan semasa mengetahui dirinya menghidap kanser payudara anak bongsu penama baru berusia 10 bulan dan masih menyusu badan. Penama telah menjalani rawatan kimoterapi dan kesan rawatan itu menjadikan dirinya benar-benar lemah dan hanya mampu terbaring.

Berbekalkan keazaman dan semangat untuk terus tidak meratapi nasib dirinya lebih-lebih lagi ketika itu penama tinggal di Kuala Lumpur yang memerlukan kos sara hidup yang tinggi, Kamariah bangkit dan melawan penyakitnya. Dengan kekuatan yang ada penama




sekeluarga kembali ke Melaka dan memulakan hidup baru di sini. Kehidupan Kamariah sekeluarga berdepan kesukaran memandangkan suami hanya berpendapatan rendah dan Bantuan Am yang diterima sebanyak RM 310 sebulan banyak dihabiskan untuk menampung kos rawatan penyakit dan berulang alik ke hospital.

Tidak tunduk dengan nasib yang menimpa dirinya, Kamariah mula mencari peluang menjana pendapatan dengan kemahiran yang ada pada dirinya. Penama mempunyai kemahiran membuat pelbagai jenis kuih-muih tradisional yang diwarisi daripada ibunya. Pada mulanya penama menjual 5 jenis kuih-muih dan hanya menumpang gerai orang lain. Hasil jualan ketika itu hanyalah sebanyak RM 500 ke RM 700 sebulan.



Melihat potensi perniagaan kuih-muihnya untuk berkembang maju dan sering mendapat permintaan yang tinggi membuka langkah untuk Kamariah berusaha mencari modal membesarkan perniagaannya. Penama dipilih menyertai *2 Years Exit Programme (2YEP)* pada tahun 2016 dan diberikan Bantuan Geran Pelancaran sebanyak RM 2,700 sekaligus. Dengan bantuan yang diterima, penama membeli dapur besar, peralatan kuih-muih dan kanopi. Penama menjalankan perniagaan dengan dibantu oleh suaminya Jamil Bin Apandi, 57 tahun.

Kamariah berniaga di Pasar Malam setiap hari Jumaat di pekan Nyalas. Bermula dengan menjual 5 jenis kuih-muih perniagaan penama terus berkembang maju





dengan menjual 24 jenis kuih-muih. Penama juga banyak menerima tempahan kuih-muih daripada kenalan dan juga penduduk sekitar tempat tinggalnya. Selain bantuan daripada JKM, penama juga menerima bantuan daripada agensi lain iaitu KEMAS dan Jabatan Veterinar melalui Program Azam Tani. KEMAS telah memberi bantuan berupa sebuah 'Frezeer' manakala Jabatan Veterinar pula meluluskan sebuah mesin uli yang besar untuk kegunaannya. Selepas menerima bantuan daripada 3 agensi ini, perniagaan Kamariah semakin maju. Pelbagai kursus dan latihan telah penama ikuti bagi memantapkan pengetahuan dan kemahiran dalam bidang ini.

Kini Kamariah maju selangkah lagi ke hadapan apabila mula berjinak-jinak menghasilkan kuih-muih sejuk beku seperti karipap kentang, karipap sardin, kuih ringas, cucur badak dan vadei. Permintaan yang diterima amat menggalakkan daripada pelanggan yang menggemari hasil air tangannya.

Penama bersyukur kerana dikurniakan nikmat rezeki dan kesihatannya juga bertambah baik dari sehari ke sehari walaupun masih lagi menjalani rawatan mamogram di Hospital Melaka setahun sekali. Berkongsi rahsia kejayaan dirinya, Kamariah menjelaskan dirinya perlu sentiasa positif disamping menjaga solat 5 waktu dan berdoa kepada Allah agar terus diberikan kesihatan yang baik supaya dapat meneruskan perniagaannya bagi meningkatkan ekonomi dan seterusnya menyara kehidupan mereka sekeluarga.



NAMA

Marzila Binti Daud

UMUR

43 Tahun

ALAMAT

C 8716 Bukit Pulau,
Bukit Baru,
75150 Melaka

KATEGORI KLIEN

Keluarga Miskin

PENERIMA BANTUAN

- i) Bantuan Am (BA)
2016-2019 | RM 200
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 600-RM700 sebulan

PENDAPATAN SELEPAS PROJEK

RM 7,000-RM 8,000 sebulan

BANTUAN AGENSI LAIN

JPW (Peralatan-1Azam)

* *Bantuan Am (BA) ditamatkan pada Mei 2019 kerana penama telah mampu berdikari dan telah berjaya dalam perniagaan yang diusahakannya.*

MARZILA BINTI DAUD berusia 43 tahun dan telah berumahtangga serta dikurniakan 6 orang anak yang masing-masing masih bersekolah di peringkat rendah dan menengah. Suami bekerja di syarikat perkhidmatan *pest control* dengan pendapatan RM 800 sebulan. Penama pernah menerima Bantuan Kanak-Kanak sebanyak RM 300 sebulan daripada Pejabat Kebajikan Masyarakat Daerah Alor Gajah pada tahun 2010. Pada ketika itu penama telah mula berjinak-jinak membuat kek, pizza dan roti secara kecil-kecilan dan dijual di kantin sekolah dan kantin kilang. Untuk mengembangkan perniagaannya, penama telah memohon Bantuan Geran Pelancaran sebanyak RM 2,700 dan telah diluluskan pada tahun 2011.

Namun, dugaan menimpa apabila rumah yang didiami bersama keluarga terpaksa dilelong. Kesempitan kewangan telah menjejaskan kelangsungan hidup dan menyebabkannya terpaksa berpindah ke Daerah Melaka Tengah. Bantuan Kanak-Kanak juga terpaksa ditamatkan kerana telah berpindah daerah. Memandangkan masalah kewangan masih membelenggu kehidupan mereka, Marzila telah memohon bantuan kewangan daripada Pejabat Kebajikan Masyarakat Daerah Melaka Tengah dan telah diluluskan Bantuan Am sebanyak RM 230 mulai Mei 2016. Penama tidak berputus asa dan masih meneruskan perniagaan kuih, kek dan roti yang diusahakan sebelum ini. Sudah ketentuan rezekinya apabila perniagaan kuih, kek dan roti Marzila semakin maju dan dikenali ramai.


Melihat sambutan menggalakkan dan tidak menang tangan untuk memenuhi tempahan yang diterima, suami Marzila telah berhenti kerja dan membantunya sepenuh masa. Marzila juga membuka sistem agen dimana agen-agen akan mengambil stok daripadanya dengan harga pukal dan menjual kembali kepada



pelanggan. Dengan sistem agen ini, perniagaan penama lebih tersusun, sistematik dan berkesan kerana hanya perlu menjaga agen-agen yang dilantik untuk memasarkan produknya.

Pada tahun 2017, Marzila sekali lagi mendapat suntikan modal daripada Bantuan Geran Pelancaran (BGP) sebanyak RM 2,700 apabila menyertai Program 2 Years Exit Programme (2YEP). Bantuan yang diterima telah digunakan sebaik mungkin bagi membeli *deep freezer* dan kelengkapan perniagaan yang lain. Penama juga telah menerima tawaran membekalkan kuih ke sekolah berasrama untuk minum petang dan minum malam. Sebanyak 1,000 biji kuih dibekalkan ke 2 buah sekolah berasrama pada setiap hari.

Berkat usaha yang gigih dan semangat yang tinggi serta bantuan daripada suami akhirnya membuahkan hasil yang memberangsangkan. Sebelum menerima Bantuan Geran Pelancaran (BGP) purata pendapatan hanyalah RM 600-700 sebulan. Sekarang purata pendapatan Marzila adalah sekitar RM 7,000 hingga RM





8,000 sebulan. Penama kini telah mengupah pekerja seramai 3 orang termasuk suami dan kakak iparnya. Penama sentiasa mengikuti *trend* semasa dan mengambil peluang mempelajari resepi dan kuih yang *viral* di media sosial. Terbaru ialah aiskrim Malaysia yang telah dikomersialkan sama seperti rasa aiskrim *Magnum*. Penama juga dijemput sebagai tenaga pengajar pembuatan aiskrim dan kuih muih di RTC Paya Ikan.

Selain itu, Marzila juga telah menerima bantuan 1AZAM daripada Jabatan Pembangunan Wanita iaitu Pakej Kuih Muih dan menerima ketuhar elektrik 52 liter serta kelengkapan peralatan lain. Penama merupakan seorang yang produktif dan sentiasa memenuhi permintaan agen serta pelanggan dan kini berjaya keluar daripada kepompong kemiskinan. Untuk masa hadapan, penama merancang untuk membuka bengkel masakan untuk mengembangkan lagi perniagaannya. Marzila berharap perniagaannya akan terus maju dan memberi manfaat kepada dirinya, keluarga dan masyarakat. Bantuan penama ditamatkan pada Mei 2019 kerana pendapatan telah melepasi Paras Garis Kemiskinan (PGK) ditetapkan.





NAMA

Mohammad Ibrahim Bin Omar

UMUR

33 Tahun

ALAMAT

PQ 6, Jalan AB3, Taman Anggerik Biru Melekek, Simpang Empat Alor Gajah, 78000 Melaka

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2016-2020 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 1,200 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Tube SME Corp (Geran dan Latihan)

* Elaun Pekerja Cacat (EPC) ditamatkan pada Januari 2020 kerana penama telah mampu berdikari dan telah berjaya dalam perniagaan yang diusahakannya.

MOHAMMAD IBRAHIM seorang OKU fizikal dan penerima Elaun Pekerja Cacat (EPC) sebanyak RM 400 sebulan daripada JKM. Penama mengalami kecacatan dibahagian kaki kirinya yang tidak boleh dibengkokkan setelah terlibat dalam nahas jalan raya pada tahun 2006. Akibat daripada kemalangan tersebut tempurung kaki kirinya pecah dan dimasukkan besi pada peha kiri serta dipergelangan tangan kanan. Namun, penama masih mampu berjalan dan melakukan kerja-kerja ringan.

Penama berusia 33 tahun dan telah berkahwin serta mempunyai 4 orang cahayamata berusia 11, 10, 8 dan 3 tahun. Mereka sekeluarga tinggal menyewa di sebuah rumah kampung. Untuk kelangsungan hidup mereka, Mohammad Ibrahim bekerja sebagai jurukimpal membuat pagar rumah, pintu besi dan sebagainya. Penama melakukan semua kerja kimpalan di rumah dengan menggunakan mesin milik majikannya. Gaji penama dikira berdasarkan jumlah barangan yang dihasilkan dengan anggaran pendapatannya setiap bulan adalah serendah RM 700 hingga RM 1,200 sebulan.

Menurut Mohammad Ibrahim, keinginan untuk menjalankan perniagaan sendiri sentiasa bermain-main difikirannya. Namun, impian tersebut terpaksa ditangguhkan dahulu memandangkan penama tiada modal untuk membeli mesin memotong besi yang berharga RM 5,000. Sementara mengumpul modal yang diperlukan, Mohammad Ibrahim terus bekerja dengan majikannya. Namun, bukan mudah untuk mengumpulkan modal yang mencukupi bagi merealisasikan impiannya membuka perniagaan sendiri. Tambahan lagi pendapatan yang diterima tidak tetap dan hanya bergantung kepada permintaan pelanggan. Kerana itulah penama turut membuat kerja sampingan membantu bapa saudaranya bertukang rumah bagi menampung kehidupan mereka.



Impian Mohammad Ibrahim mula menampakkan sinar apabila JKM memilihnya sebagai peserta *2 Years Exit Programme* (2YEP) pada tahun 2017 dan diluluskan Bantuan Geran Pelancaran sebanyak RM 2,700 sekaligus. Dengan bantuan yang diperolehi ditambah duit simpanannya selama ini, penama telah membeli sebuah mesin pemotong besi dan memulakan perniagaannya sendiri. Selain itu, antara peralatan lain yang dibeli menggunakan duit bantuan tersebut adalah mesin patri, mesin pemotong besi dan mesin grinder. Dengan adanya mesin-mesin ini dapatlah penama menambahkan pendapatan dan mengembangkan lagi perniagaannya.

Selain bantuan daripada JKM, Mohammad Ibrahim juga telah mendapat bantuan geran perniagaan daripada SME Copration sebanyak RM10,000 dibawah Program Tunas Usahawan Belia Bumiputera (TUBE) 6.0 OKU pada Ogos 2019. Kini pendapatan Mohammad Ibrahim mencecah RM 2,000-4,000 sebulan dan telah mampu menikmati kehidupan yang lebih selesa.



NAMA

Mustaffa Bin Tompong

UMUR

51 Tahun

ALAMAT

No 114-4 Lorong Bachik, Kg. Alai,
75460 Melaka

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2014-2019 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 600-700 sebulan

PENDAPATAN SELEPAS PROJEK

RM 1,200-1,500 sebulan

BANTUAN AGENSI LAIN

Jabatan Tenaga Kerja (Geran)

* Elaun Pekerja Cacat (EPC) ditamatkan pada September 2019 kerana penama telah mampu berdikari dan telah berjaya dalam perniagaan yang diusahakannya.

MUSTAFFA BIN TOMPANG berusia 50 tahun dan merupakan salah seorang OKU yang menerima bantuan daripada JKM. Penama telah berkahwin dan mempunyai 5 orang anak. Penama tinggal bersama isteri dan 4 orang anak yang masih bersekolah manakala seorang lagi anak telah berumahtangga dan tinggal berasingan. Mustaffa merupakan penerima Elaun Pekerja Cacat (EPC) sebanyak RM 400 sebulan sejak September 2014 dan telah ditamatkan pada September 2019 kerana telah mampu berdikari dan memperolehi pendapatan melebihi syarat kelayakan ditetapkan.


Mustaffa mencari rezeki dengan menawarkan perkhidmatan menggunting rambut. Sebelum menyertai program penjaan pendapatan JKM iaitu 2 Years Exit Programme (2YEP) pada tahun 2017, perniagaan penama dilihat serba kekurangan. Premis menggunting rambut yang terletak dihadapan rumahnya kurang selesa dan tiada kipas. Manakala kebanyakan peralatan yang digunakan adalah peralatan lama yang telah uzur dan tidak memuaskan.





Bukan itu sahaja, perkhidmatan yang ditawarkan juga kurang promosi menyebabkan tidak ramai masyarakat sekitar yang tahu tentang kewujudan premis menggunting rambut milik Mustaffa. Penama juga tidak mampu menyediakan *banner* pada waktu itu menyebabkan perkhidmatan yang disediakan kurang mendapat sambutan. Mustaffa mengakui kehidupan mereka sekeluarga ketika itu agak perit kerana hanya mampu memperolehi pendapatan sekitar RM 600-700 sahaja sebulan. Apatah lagi itu merupakan satu-satunya punca pendapatan mereka sekeluarga memandangkan isterinya hanya suri rumah sepenuh masa.

Segala cabaran yang dihadapi tidak pernah melemahkan semangatnya untuk terus berusaha menarik pelanggan mencuba perkhidmatan yang disediakan. Pelbagai usaha dibuat untuk memperkenalkan perkhidmatannya kepada penduduk setempat. Kesungguhan dan motivasi Mustaffa untuk berdikari dan berusaha menambah pendapatan menjadi salah satu faktor penama terpilih sebagai peserta program 2YEP.





Penyertaannya dalam program tersebut melayakkannya menerima Bantuan Geran Pelancaran sebanyak RM 2,700 sekaligus sebagai suntikan modal untuk menambah beberapa peralatan baru di premisnya. Menggunakan bantuan yang diterima daripada JKM, Mustaffa mula menaiktaraf premis gunting rambut miliknya. Kini premis gunting rambut penama telah mempunyai kipas dan kerusi menunggu untuk pelanggan disamping beberapa peralatan menggunting rambut yang baru. Mustaffa amat bersyukur kerana sejak itu perniagaannya mula mendapat perhatian dan dikenali ramai.

Rezekinya bertambah murah apabila Jabatan Tenaga Kerja turut meluluskan bantuan sebanyak RM 9,000 sekaligus pada tahun 2019 yang telah digunakan untuk membeli beberapa peralatan tambahan seperti kerusi boleh laras, peralatan gunting dan *signboard*. Penama mampu tersenyum lebar apabila premis yang dulunya serba kekurangan kini telah mempunyai 2 buah kerusi boleh laras, cermin besar, kipas, kerusi menunggu dan peralatan gunting yang baru.



Buat masa sekarang Mustaffa hanya bekerja sendiri tanpa pembantu. Pendapatan penama juga telah meningkat daripada sebulan ke sebulan dan boleh mencecah RM 1,500 sebulan. Penama kini bebas daripada bantuan JKM kerana telah mampu berdikari dan berharap bantuan dapat disalurkan kepada golongan yang lebih layak. Harapan Mustaffa agar kemahiran menggunting rambutnya dapat diperturunkan kepada anak-anak muda satu hari nanti. Penama juga mempunyai impian untuk membuka cawangan baru sekaligus membuka peluang pekerjaan kepada yang memerlukan.



NAMA

Nolizan Binti Md Amin

UMUR

54 Tahun

ALAMAT

Batu 16, Kampung Paya Keladi,
Solok Duku, 78300 Melaka

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2017-2019 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 500 sebulan

PENDAPATAN SELEPAS PROJEK

RM 1,900-2,500 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada November 2019 kerana penama telah mampu berdikari dan telah berjaya dalam perniagaan yang diusahakannya.

NOLIZAN adalah penerima Elaun Pekerja Cacat (EPC) sebanyak RM 400 sebulan daripada Pejabat Kebajikan Masyarakat Daerah Alor Gajah sejak tahun 2017. Penama merupakan OKU masalah pertuturan yang berdaftar dengan JKM dan bergelar ibu tunggal setelah berpisah dengan bekas suaminya pada tahun 2008 kerana tiada lagi persefahaman. Hasil perkahwinan mereka telah dikurniakan enam orang cahayamata yang kesemuanya perempuan. Sejak bercerai, bekas suami penama tidak pernah memberi nafkah dan penama hanya bergantung hidup dengan bantuan dan sokongan daripada keluarganya.

Dua orang anak perempuan Nolizan sedang melanjutkan pengajian di universiti dan seorang masih lagi bersekolah. Manakala tiga orang lagi anaknya telah tamat persekolahan dan ada diantara mereka telah bekerja dan tinggal berasingan. Sikap tidak bertanggungjawab bekas suami yang mengabaikan nafkah kepada anak-anaknya adalah salah satu cabaran utama penama dalam membesarkan anak-anaknya.





Dengan keperluan keluarga yang sentiasa meningkat dari semasa ke semasa, Nolizan membanting tulang empat kerat sebagai pencari nafkah utama keluarga untuk mencukupkan keperluan harian dan persekolahan anak-anak.

Walaupun keluarga Nolizan sentiasa menghulurkan bantuan, namun ianya tidak mencukupi kerana mereka juga kurang berkemampuan. Berbekalkan pengalaman, kemahiran dan kemahuan yang tinggi, penama telah memulakan perniagaan makanan iaitu makanan pagi seperti nasi lemak, mee dan bihun goreng serta minuman disamping makanan tengahari iaitu nasi campur. Penama juga mengambil upah katering secara kecil-kecilan sekiranya mendapat tempahan daripada pelanggannya. Penama berniaga dengan menyewa tapak tanah milik saudara untuk dibuat warung dengan bayaran sewa sebanyak RM 150 sebulan. Warung tersebut dibina dengan bantuan daripada ahli keluarganya. Penama menjadikan perniagaan ini sebagai sumber utama kewangan dalam menampung keperluan hidup dan perbelanjaan harian anak-anak.

Nolizan mempunyai minat yang tinggi dalam bidang perniagaan. Hasil lawatan pegawai JKM ke tapak perniagaannya membuka ruang untuk penama mengembangkan lagi perniagaannya melalui suntikan modal yang diterima apabila dipilih menyertai 2 Years Exit Programme (2YEP) pada tahun 2017. Bantuan Geran Pelancaran sebanyak RM 2,700 sekaligus yang diterima telah digunakan untuk membeli beberapa peralatan tambahan untuk kegunaan gerai makannya.

Perniagaan Nolizan kini semakin maju dan mendapat sambutan. Walaupun gerai penama kelihatan kecil dan sederhana, namun sering dipenuhi dengan pelanggan yang datang untuk menikmati sarapan pagi dan makan tengahari. Pada permulaan perniagaan, pendapatan yang diperoleh kurang memberangsangkan, namun dengan semangat dan usaha yang tidak pernah putus akhirnya membuahkan hasil. Setelah sekian lama berkecimpung dalam perniagaan gerai makan, Nolizan kini mampu memperolehi pendapatan sekitar RM 1,900 hingga RM 2,500 dan telah bebas daripada bantuan JKM.



NAMA

Salbiah Binti Mohamad

UMUR

56 Tahun

ALAMAT

KM 16 Kampung Padang Kerbau,
76100 Durian Tunggal, Melaka

KATEGORI KLIEN

Ibu Tunggal

PENERIMA BANTUAN

- i) Bantuan Am (BA)
2003-2019 | RM 230
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 400 sebulan

PENDAPATAN SELEPAS PROJEK

RM 2,000-3,000 sebulan

BANTUAN AGENSI LAIN

AIM (Kewangan)

* *Bantuan Am (BA) ditamatkan pada April 2019 kerana penama telah mampu berdikari dan telah berjaya dalam perniagaan yang diusahakannya.*

SALBIAH, 56 tahun merupakan seorang ibu tunggal kematian suami yang mempunyai 11 orang cahayamata. Penama tinggal menyewa di sebuah rumah kampung bersama 4 orang anaknya dengan kadar sewa RM 200 sebulan. Manakala anak-anak yang telah berumah tangga tinggal berasingan. 2 orang anak penama masih lagi bersekolah sementara 2 orang lagi sudah bekerja dengan pendapatan yang kecil.

Membesarkan 11 orang anak sendirian tanpa suami disisi merupakan cabaran besar yang perlu dihadapi. Kekangan kewangan bagi menampung keperluan harian dan persekolahan anak-anak sering menghantui kehidupan mereka sekeluarga. Bagi menampung kehidupan mereka, Salbiah pernah bekerja sebagai pembantu kedai makan dengan pendapatan yang tidak seberapa dan tidak menentu. Tambahan pula penama mempunyai masalah kesihatan dan dinasihatkan oleh doktor untuk tidak melakukan kerja-kerja berat.

Anak-anak yang telah bekerja turut membantu dengan menghulurkan bantuan kewangan setiap bulan walaupun dengan jumlah yang kecil memandangkan mereka hanya berpendapatan rendah dan mempunyai tanggungan sendiri. Namun, sumbangan daripada anak-anak besar ertinya pada Salbiah kerana sedikit sebanyak meringankan beban yang ditanggung.


Kesulitan hidup penama anak-beranak melayakkannya menerima Bantuan Am sebanyak RM 230 sebulan sejak tahun 2003. Menjadi pencari nafkah utama keluarganya membuatkan penama mula mencari alternatif untuk mencari sumber pendapatan tambahan yang lebih baik bagi menampung kos hidup keluarganya yang semakin meningkat. Salbiah mula berjinak-jinak menghasilkan bantal kekabu untuk dijual memandangkan terdapat permintaan yang tinggi dan tidak ramai yang berminat untuk menghasilkannya.

Pada peringkat permulaan perniagaan, pendapatan bulanan penama tidak menentu memandangkan tidak ramai yang mengetahui produk yang dihasilkannya. Walaupun penama hanya mampu memperolehi sekitar RM 400 sebulan sahaja ketika itu namun tidak mematahkan semangatnya dan penama tidak putus asa untuk terus berusaha. Berkat kesungguhan penama, produk bantal kekabu semakin dikenali dan mendapat permintaan yang semakin tinggi. Penama amat mementingkan kualiti setiap produk yang dihasilkan menyebabkan produk bantal kekabunya menjadi pilihan masyarakat setempat.

Pada tahun 2017 Salbiah telah menyertai 2 Years Exit Programme (2YEP) dan diluluskan suntikan modal melalui Bantuan Geran Pelancaran sebanyak RM 2,700 sekaligus. Bantuan yang diterima digunakan untuk membeli sebuah mesin jahit tepi bagi menampung permintaan yang semakin tinggi disamping sebuah mesin jahit jenis industri sedia ada di rumahnya. Bekalan kekabu pula diperoleh penama dengan harga RM 24 sekilogram. Sekiranya penama membeli kekabu dalam jumlah yang banyak sehingga 50 kilogram dan ke atas, harga kekabu yang akan diperoleh penama adalah RM 18 sekilogram. Penama juga merupakan sahabat Amanah Ikhtiar Malaysia (AIM) yang sangat aktif.

Selain permintaan daripada penduduk sekitar, Salbiah juga menerima tempahan daripada pengusaha-pengusaha rumah tumpangan, pusat tahfiz, penduduk setempat dan juga pengusaha butik pengantin. Pelbagai reka bentuk bantal dihasilkan oleh penama seperti tilam bayi, tempat alas nikah pengantin, set tidur bilik pengantin dan sebagainya.

Kini pendapatan Salbiah mampu mencecah RM 2,000 hingga RM 3,000 sebulan bergantung kepada permintaan dan juga tempahan semasa daripada pelanggan. Jualannya semakin mendapat sambutan dan terus meningkat. Penama seorang yang kreatif dan sentiasa mempunyai idea baru dalam menghasilkan produknya menyebabkan ianya sentiasa mendapat tempat dihati pelanggan.







Johor

DARUL TAKZIM

Projek 39 KEDAI MAKAN

Kota Tinggi



NAMA

Hussin Bin Masjudi

UMUR

50 Tahun

ALAMAT

Gerai No. 7, Medan Selera Teluk Sengat, 81940 Kota Tinggi, Johor

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2014-2020 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 900-RM1,000 sebulan

PENDAPATAN SELEPAS PROJEK

RM 3,000- RM 5,000 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada tahun 2020 kerana penama telah mampu berdikari dan telah berjaya dalam perniagaan yang diusahakannya.

HUSSIN BIN MASJUDI merupakan OKU pertuturan yang berdaftar dengan JKM. Penama telah berkahwin dan memiliki seorang isteri serta 5 orang anak yang masih bersekolah. Penama telah diluluskan Elaun Pekerja Cacat (EPC) sebanyak RM 400 sebulan sejak November 2014. Pada waktu itu, Hussin menjalankan perniagaan kedai makan sebagai punca pendapatan utama bagi menyara keluarganya. Pada peringkat permulaan, penama hanya menjual roti canai dan minuman di kedainya sambil dibantu oleh isteri.

Kekangan modal dan peralatan yang terhad menyebabkan usaha Hussin untuk memajukan perniagaannya dengan menambah menu-menu baru tidak kesampaian. Perniagaannya agak perlahan dan kurang memberangsangkan kerana pilihan menu yang terhad. Pada waktu tersebut, penama hanya mampu meraih pendapatan sekitar RM 900 hingga RM1,000 sebulan.

Situasi kewangan yang semakin mendesak dalam memenuhi keperluan harian keluarga disamping keperluan persekolahan anak-anak yang semakin membesar menyebabkan Hussin hampir buntu dalam mencari jalan mengembangkan perniagaannya. Penama mempunyai perancangan untuk membesarkan lagi perniagaannya dengan menambah dan mempelbagaikan menu bagi menarik pengunjung datang menjamu selera di kedai makannya.

Menurut Hussin, berkat doa dan semangat tidak mengenal erti putus asa, usahanya untuk memajukan diri mula mendapat perhatian daripada JKM. Hasil lawatan oleh Pegawai Penyelaras 2YEP Pejabat Kebajikan Masyarakat Daerah Kota Tinggi, Cik Hainatun Sa'diah ke premis perniagaan penama telah membuka lembaran baru dalam hidupnya apabila



diberi peluang menyertai 2 *Years Exit Programme* (2 YEP) pada tahun 2018. Penyertaan dalam program tersebut memberi peluang kepada Hussin membeli peralatan yang diperlukan melalui suntikan modal iaitu Bantuan Geran Pelancaran sejumlah RM 2,700 sekaligus dan penama juga berpeluang menyertai kursus yang dianjurkan oleh jabatan serta agensi berkaitan.

Kini penama telah mempelbagaikan menu di kedai makannya dengan menambah menu masakan panas disamping meneruskan produk roti canainya. Hussin juga telah mampu menggajikan 2 orang pekerja bagi membantunya di kedai. Kedai makan penama kini mula mendapat perhatian dan penama bersyukur kerana pendapatannya semakin meningkat dan mampu memperolehi antara RM 3,000 hingga RM 5,000 sebulan.

Kini Hussin juga mampu mempunyai simpanan tetap untuk dijadikan modal simpanan dan untuk kegunaan keluarganya. Setiap kali bulan Ramadhan

pula penama tidak akan berniaga kerana mahu menumpukan sepenuh perhatian untuk beribadah. Walaupun kedai makannya tidak beroperasi selama sebulan dan tiada pendapatan sepanjang tempoh itu, Hussin tidak risau kerana telah bersedia lebih awal dengan wang simpanan yang mencukupi bagi menampung perbelanjaan bulanan keluarganya serta persediaan untuk menyambut Hari Raya Aidilfitri. Ini membuktikan penama telah mempunyai sumber pendapatan yang kukuh dan mampu menguruskan kewangannya dengan baik tanpa bantuan daripada pihak JKM lagi.

Penama amat bersyukur dan berterima kasih kepada JKM atas bantuan dan sokongan yang diberikan selama ini. Kepercayaan JKM telah memberi peluang kepadanya untuk meningkatkan pendapatan bulanan keluarganya dan seterusnya berdikari serta keluar daripada kepompong kemiskinan. Hussin berharap perniagaannya akan semakin maju dan melalui perniagaannya ini juga, penama berharap dapat membantu orang lain yang memerlukan.



NAMA

Mohd Yusak Bin Abu

UMUR

48 Tahun

ALAMAT

No. 3369, Jalan Jati 5, Bandar Putra, Kulai, Johor

KATEGORI KLIEN

Keluarga Miskin

PENERIMA BANTUAN

- i) Bantuan Kanak-Kanak (BKK)
2018-2020 | RM 400
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 800 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Tiada

* Bantuan Kanak-Kanak (BKK) ditamatkan pada Jun 2020 kerana penama telah mampu berdikari dan telah berjaya dalam perniagaan yang diusahakannya.

Penama merupakan seorang suami dan juga bapa kepada 4 orang anak yang masih kecil dan bersekolah. Keadaan sosioekonomi keluarga penama sebelum ini hanya bergantung sepenuhnya kepada pekerjaannya membantu perniagaan aiskrim milik abangnya sejak tahun 2006. Penama dibayar upah sekitar RM 800 sebulan termasuk kerja lebih masa sekiranya ada tempahan menjual aiskrim di majlis-majlis rasmi jabatan kerajaan, perkahwinan dan karnival. Melihat kesukaran penama memenuhi tuntutan keperluan dan persekolahan anak-anaknya, JKM telah meluluskan Bantuan Kanak-Kanak sebanyak RM 400 sebulan mulai November 2018.

Mohd Yusak seorang yang rajin dan sentiasa berusaha untuk meningkatkan ekonomi keluarganya. Tidak mengambil sikap berpeluk tubuh dan berserah kepada nasib semata-mata, penama mengambil peluang belajar cara pembuatan aiskrim sendiri di rumah daripada abangnya dan perlahan-lahan mula mengumpul modal untuk membuka sendiri peniagaan dalam bidang penjualan aiskrim.



Pada tahun 2017, penama nekad berhenti kerja dengan abangnya dan mula mengorak langkah untuk memulakan perniagaan sendiri. Berbekalkan modal permulaan sebanyak RM 5,000, penama memulakan perniagaan dengan membeli mesin memproses sendiri aiskrim di rumah dan menjual aiskrim tersebut dalam bentuk kon di pasar-pasar malam dengan menggunakan motorsikal. Sejak itu aiskrim buatan Mohd Yusak mula dikenali dan mendapat sambutan daripada masyarakat setempat. Penama menjenamakan aiskrimnya dengan nama *Sinaran Qaseh Aiskrim* dan berniaga di sekitar daerah Kulai. Namun, adat berniaga apabila penama mengalami kerugian setelah mesin yang dibelinya dengan modal sendiri mengalami masalah kerosakan teknikal. Ini membuatkan penama tidak dapat menghasilkan aiskrim dalam kuantiti yang besar sehingga penama kehilangan banyak tempahan yang agak lumayan.

Namun, masalah itu tidak menjadi penghalang untuk Mohd Yusak meneruskan minatnya dalam bidang perniagaan. Penama terus bangkit semula apabila memohon bantuan kewangan daripada jabatan ini dan terpilih untuk mengikuti *2 Years Exit Programme (2YEP)*. Melalui program ini penama menerima Bantuan Geran Pelancaran sebanyak RM 2,700 sekaligus pada tahun 2018 bagi tujuan membeli peralatan dan mesin-mesin baru.



Selain daripada pengalaman, ilmu pengetahuan dalam menjalankan perniagaan juga adalah elemen penting untuk sesuatu perniagaan itu berjaya. Menyedari hakikat tersebut, penama mula mengambil inisiatif menghadiri pelbagai kursus yang berkaitan dengan bidang perniagaan yang diceburinya. Penama pernah mengikuti kursus anjuran Jabatan Kebajikan Masyarakat iaitu Kursus Literasi Kewangan dan Pengurusan Buku Lejar Tunai, Kursus Perniagaan & Motivasi anjuran Persatuan Pengerak Usahawan dan IKS Kulai, Kursus Khas Keusahawanan Aiskrim anjuran Aiskrim Mukmin yang dibiayai penama sendiri dengan bayaran RM300, Kursus Latihan Pengendali Makanan dan lain-lain lagi. Kini, Mohd Yusak boleh menarik nafas lega apabila aiskrim jenamanya mula dikenali ramai. Segala pengorbanan dan kesukaran yang dilalui sebelum ini terbalas dengan kejayaan jenama aiskrimnya.



Perniagaannya mula berkembang maju dan tidak menang tangan memenuhi tempahan terutamanya pada musim perayaan dan perkahwinan. Penama kini dibantu oleh ahli keluarga dan 2 orang pekerja separuh masa yang dibayar upah sekitar RM 40 sehari.

Penama kini mampu meraih pendapatan bersih sekitar RM 4,000 sebulan. Penama bersyukur kerana telah mampu berdikari dan bebas daripada kebergantungan bantuan daripada JKM. Mohd Yusak juga bercita-cita untuk mengembangkan lagi perniagaannya ke skala yang lebih besar. Ketika ini penama melakukan proses pembuatan aiskrim dikediamannya dan menjadi impiannya untuk memiliki sebuah premis perniagaan sendiri serta memperkenalkan produk bumiputera dan mempelbagaikan lagi cabang perniagaannya kelak.





NAMA

Norhana Binti Md. Khalid

UMUR

46 Tahun

ALAMAT

No. 147, Jalan Tanah Wakaf, Kg Paya Pulai, Segamat, Johor

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2010-2017 | RM 300
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 800 sebulan

PENDAPATAN SELEPAS PROJEK

RM 2,000 sebulan

BANTUAN AGENSI LAIN

Jabatan Pertanian (Kursus dan Latihan)

* Bantuan Kanak-Kanak (BKK) ditamatkan pada Jun 2017 kerana penama telah mampu berdikari dan telah berjaya dalam perniagaan yang diusahakannya.

NORHANA (46 tahun) merupakan ibu tunggal yang menyara 3 orang anak yang masih bersekolah. Menjalani kehidupan sebagai ibu tunggal memaksa penama berdikari untuk membesarkan anak-anaknya yang masih kecil. Kos sara hidup yang tinggi untuk menampung keperluan harian dan persekolahan anak-anak menyebabkan penama tiada pilihan selain berusaha mencari pendapatan sendiri.

Penama mula berjinak-jinak dalam bidang perniagaan dengan menjual bahu dan kuih-muih bagi menampung kehidupan mereka anak beranak. Namun begitu, perniagaan yang telah dimulakan sejak tahun 2005 itu hanya memberi pulangan keuntungan yang agak kecil dan tidak dapat memenuhi sepenuhnya keperluan kewangan mereka. Walau bagaimanapun, Norhana beruntung kerana tinggal bersama keluarga yang banyak membantu daripada segi kewangan. Kesempitan hidup penama pada waktu itu melayakkannya menerima Bantuan Kanak-Kanak sebanyak RM 300 sebulan mulai Mei 2010.



Akur dengan dugaan dan ujian dalam bidang perniagaan, Norhana tidak pernah berputus asa dan sentiasa berusaha untuk memajukan perniagaannya. Menyedari perniagaannya memerlukan suntikan modal untuk terus berkembang, penama mula merujuk kepada JKM untuk mendapatkan sebarang bentuk bantuan yang bersesuaian. Penama tidak berhasrat untuk membuat pinjaman memandangkan komitmen bayaran bulanan yang agak tinggi.

Penama beruntung kerana telah terpilih sebagai peserta *2 Years Exit Programme* (2YEP) pada tahun 2016 yang merupakan kumpulan pertama peserta sejak program tersebut diperkenalkan. Melalui program tersebut, Norhana telah menerima Bantuan Geran Pelancaran sebanyak RM 2,700 sekaligus. Dengan suntikan modal yang diterima itulah penama menambah beberapa peralatan, mesin dan memperbaiki bengkel membuat kuihnya. Dengan kehadiran mesin dan peralatan baru, pengeluaran bahu dan kiu-hmuhnya dapat dipertingkatkan dan seterusnya membuka pasaran yang lebih luas.

Kini produk Norhana telah mula dipasarkan di kedai-kedai runcit yang berhampiran. Tidak ketinggalan, penama juga berusaha menjalankan promosi jualan melalui media sosial seperti *Facebook* selain promosi dari mulut ke mulut oleh para pelanggan yang telah mencuba pelbagai produk yang dihasilkan.

Melihat perniagaannya yang semakin maju, Norhana mula memikirkan keperluan untuknya meningkatkan kemahiran dan pengetahuan sedia ada sebagai persediaan menghadapi cabaran dan persaingan dalam bidang ini. Penama sering berusaha meningkatkan ilmu dan kemahiran dengan mengikuti kursus jangka pendek anjuran Jabatan Pertanian dan agensi-agensi lain. Kursus-kursus anjuran JKM juga diikuti dengan jayanya kerana padanya peluang yang diberi agensi kerajaan tidak akan






disia-siakan. Penama juga telah melangkah setapak ke hadapan dengan mendaftar syarikat dibawah nama **Mutiara Arena Enterprise**.

Kejayaan demi kejayaan yang diraih oleh Norhana membolehkan bantuan yang diterima ditamatkan pada bulan Mei 2017 kerana telah berjaya berdikari dan berpendapatan melebihi Paras Garis Kemiskinan (PGK).







NAMA

Sharifah Binti Abdul Aziz

UMUR

49 Tahun

ALAMAT

No. 2, Jalan Duku 2, Taman Kota Jaya, 81900 Kota Tinggi, Johor

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2016-2019 | RM 300
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 300-500 sebulan

PENDAPATAN SELEPAS PROJEK

RM 6,000-8,000 sebulan

BANTUAN AGENSI LAIN

Tiada

* Bantuan Kanak-Kanak (BKK) ditamatkan pada Mac 2019 kerana penama telah mampu berdikari dan telah berjaya dalam perniagaan yang diusahakannya.

SHARIFAH BINTI ABDUL AZIZ merupakan ibu tunggal yang telah kematian suami pada 2 Julai 2015 dan memiliki 4 orang anak. Pada waktu itu, hanya anak pertama telah bekerja manakala 3 orang lagi masih bersekolah. Mereka tinggal menyewa di sebuah rumah teres dan hanya bergantung kepada pendapatan penama yang berniaga sarapan pagi dengan pendapatan anggaran sebanyak RM 300 hingga RM 500 sebulan. Justeru itu, penama telah diluluskan Bantuan Kanak-Kanak sebanyak RM 300 sebulan mulai Mac 2016 bagi membantu penama menampung kos persekolahan anak-anaknya.

Diawal pembabitannya dalam bidang perniagaan ini, sambutan yang diterima kurang menggalakkan dan Sharifah juga menghadapi pelbagai dugaan dalam mengusahakan perniagaannya. Kerap kali peralatan



perniagaannya seperti dapur dan tong gas dicuri pihak tidak bertanggungjawab sekaligus menjadi kekangan kepada penama untuk menjalankan perniagaan. Namun, itu semua tidak mematahkan semangat penama dan menganggapnya sebagai asam garam dalam bidang perniagaan.

Setiap kali berlaku kecurian peralatan perniagaannya, Sharifah terpaksa mengumpul semula modal untuk membeli peralatan baru bagi meneruskan perniagaan. Penama tiada pilihan lain memandangkan itulah satu-satunya punca pendapatan mereka sekeluarga dan kemahiran yang dimilikinya. Penama juga sedar kurangnya ilmu tentang pemasaran dan promosi sedikit sebanyak menyukarkan gerai makan miliknya daripada menjadi tumpuan pelanggan.





Menyedari kos hidup masyarakat semakin meningkat, Sharifah mula melihat ianya sebagai satu peluang untuk mengembangkan perniagaannya. Sebagai salah satu usaha untuk menarik pelanggan, penama mula memperkenalkan menu nasi bajet berharga RM 4. Menu baru yang diperkenalkan mengandungi set nasi putih, ayam goreng berempah, timun, sambal belacan dan percuma minuman itu dengan pantas menjadi tumpuan masyarakat sekitar. Gerai makan miliknya mula dikunjungi ramai dan permintaan terhadap jualannya semakin meningkat dari sehari ke sehari.



Lawatan ke premis perniagaan penama oleh Cik Hainatun Sa'diah selaku pegawai yang menyelia penerima Bantuan Geran Pelancaran, Pejabat Kebajikan Masyarakat Daerah Kota Tinggi, telah membuka lembaran baru apabila penama ditawarkan untuk menyertai *2 Years Exit Programme* (2 YEP) pada tahun 2016. Melalui program ini, Sharifah diluluskan Bantuan Geran Pelancaran sebanyak RM 2,700 sekaligus bagi tujuan membeli peralatan tambahan untuk gerai makannya dan modal untuk bahan mentah. Melalui program ini juga penama diberi peluang untuk menyertai pelbagai kursus yang dianjurkan oleh jabatan serta agensi berkaitan. Penama amat bersyukur dan berterima kasih kepada semua pihak terutamanya JKM kerana telah membantu meningkatkan pengetahuannya dalam bidang perniagaan dan seterusnya meningkatkan pendapatan bulannya.

Kini Sharifah berasa lebih yakin dalam menguruskan perniagaan. Penama turut melangkah setapak lagi ke hadapan apabila mula mengambil tempahan katering daripada orang perseorangan serta sekolah dalam jumlah yang besar. Penama juga telah membina 1 halaman khusus untuk perniagaannya di *Facebook* bagi tujuan promosi dan memudahkan pelanggan mencari serta menghubunginya. Bukan itu sahaja, Sharifah juga kerap mengiklankan produknya di status aplikasi *WhatsApp*.

Jika dahulu penama bertungkus lumus seorang diri untuk memajukan gerai makan miliknya, kini penama telah mampu untuk menggaji seorang pekerja. Sharifah juga bersyukur kerana pendapatan bulanannya kini mampu mencecah antara RM 6,000 hingga RM 8,000 sebulan dan taraf kehidupan mereka sekeluarga turut meningkat.

Impian penama adalah untuk membesarkan lagi perniagaannya dengan menambah pelbagai menu baru. Penama juga berharap anak-anaknya akan mewarisi semangat juangnya dalam perniagaan dan meneruskan perniagaan keluarga mereka ini hingga ke peringkat yang lebih tinggi.





NAMA

Suzilah Binti Borhan

UMUR

36 Tahun

ALAMAT

Jalan Paya Besar, Kg Sri Rahmat,
Segamat, Johor

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2015-2017 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 1,000 sebulan

PENDAPATAN SELEPAS PROJEK

RM 6,000 sebulan

BANTUAN AGENSI LAIN

RISDA (Bantuan Kewangan dan Latihan)

* Bantuan Kanak-Kanak (BKK) ditamatkan pada Jun 2017 kerana penama telah mampu berdikari dan telah berjaya dalam perniagaan yang diusahakannya.

SUZILAH merupakan ibu tunggal kepada 5 orang cahayamata yang semakin membesar. Dilahirkan di Segamat dan merupakan anak ke-4 daripada 7 orang adik beradik. Mendapat pendidikan formal hanya ke peringkat sekolah menengah dan tidak meneruskan persekolahan kerana faktor kemiskinan keluarga. Penama melakukan pelbagai pekerjaan bagi membantu menambah pendapatan keluarganya. Mengalami keruntuhan rumahtangga sebanyak dua kali sedikit sebanyak memberi kesan kepadanya apabila hilang tempat bergantung.

Penama sering mengalami masalah kewangan untuk membesarkan anak-anak yang masih kecil dan bersekolah kerana pendapatan yang tidak mencukupi. Pelbagai pekerjaan dilakukan demi mencari sesuap nasi untuk keluarganya. Penama pernah bekerja sebagai penjual ayam goreng dan kuih-kuih di pasar malam dengan pendapatan yang sangat kecil dan tidak cukup untuk menyara kehidupan mereka sekeluarga.





Walaupun hidup dalam serba kekurangan, pendidikan anak-anak sentiasa menjadi keutamaannya. Lebih menyukarkan keadaan apabila anak-anaknya tidak menerima sebarang bantuan daripada pihak sekolah pada waktu itu. Namun, Suzilah bersyukur kerana kesempitan hidup mereka sekeluarga mendapat perhatian pihak JKM apabila penama diluluskan Bantuan Kanak-Kanak sebanyak RM 400 sebulan mulai tahun 2015. Selain daripada JKM, ibubapa penama yang tinggal bersama turut sama-sama membantu meringankan bebannya.

Selain daripada bekerja sebagai penjual di pasar malam, Suzilah juga pernah bekerja sebagai penoreh getah di kebun milik bapanya yang seluas 2 ekar dengan pendapatan hanya sekitar RM 300 sebulan. Mulai Disember 2016, penama mula berjinak-jinak dalam bidang urutan tradisional apabila melihat prospek perkhimatan ini terutamanya bagi penjagaan ibu selepas bersalin. Walaupun tidak mempunyai kemahiran khusus dalam bidang urutan tradisional, itu bukanlah penghalang untuk penama menceburi bidang ini.

Atas keinginan untuk berjaya dan merubah nasib keluarga, Suzilah mula menghadiri pelbagai kursus berkaitan urutan. Pada peringkat awal penama menawarkan perkhidmatan ini, pendapatan yang diperolehi hanya sekitar RM 1,000 sebulan dan tidak cukup untuk menanggung perbelanjaan hariannya dan anak-anak. Penama mula terfikir untuk mempelbagaikan perkhidmatan dan menghasilkan produk sendiri. Walau bagaimanapun, kekangan modal menjadi halangan utama kepada impiannya ketika itu.

Nasib menyebelahnya apabila masalah kekurangan modal untuk mengembangkan perniagaannya itu dikongsikan kepada pegawai JKM yang sering memantau perkembangan keluarganya. Lantas penama disyorkan untuk menyertai 2 Years Exit Programme (2 YEP) yang baru diperkenalkan pada waktu itu. Penama amat gembira apabila berjaya dalam saringan dan terpilih sebagai salah seorang peserta program tersebut pada tahun 2016. Menerusi program 2YEP, penama telah menerima suntikan modal sebanyak RM 2,700 sekaligus menerusi Bantuan Geran Pelancaran.



Penyertaan dalam program tersebut membuka jalan kepada Suzilah apabila suntikan modal yang diterima digunakan sepenuhnya untuk menambah beberapa peralatan keperluan mengurut serta modal untuk menghasilkan jamu untuk jualan. Penama juga telah meluaskan perkhidmatan dengan menyediakan perkhidmatan menjaga ibu dan bayi dalam pantang, menghasilkan jamu selepas bersalin, bertungku, bertangas dan sebagainya. Bagi memudahkan pelanggan memilih perkhidmatan yang bersesuaian, penama menyediakan beberapa pakej mengikut kesesuaian bajet pelanggannya.

Bagi meningkatkan kemahiran dan ilmu dalam bidang urutan dan spa, penama sering menghadiri kursus-kursus yang dianjurkan oleh pelbagai pihak. Selain itu Suzilah juga rajin mencari ruang dan peluang bagi menaik taraf kehidupan mereka sekeluarga. Selain JKM, penama turut mendapat bimbingan RISDA daripada segi kewangan dan latihan. Hasil usaha keras, kini pendapatan bulanan penama telah mencecah sekitar RM 6,000 sebulan dan Bantuan Kanak-Kanak telah ditamatkan pada Jun 2017.







Pahang
DARUL MAKMUR



NAMA

Abdul Rahman Bin Zaini

UMUR

30 Tahun

ALAMAT

No 94, Kampung Kenangan
28400 Mentakab, Temerloh,
Pahang

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2016-2019 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 700 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

- i) TUBE SME CORP (Geran dan Latihan)
- ii) SSM (Geran)

* Elaun Pekerja Cacat (EPC) ditamatkan pada April 2019 kerana penama telah mampu berdikari dan telah berjaya dalam perniagaan yang diusahakannya.

ABDUL RAHMAN BIN ZAINI atau lebih mesra dipanggil Rahman berstatus bujang tinggal bersama keluarganya di No 94, Kampung Kenangan Lanchang, Temerloh. Mendapat pendidikan awal di Sekolah Rendah Lanchang dan seterusnya menyambung pelajaran di Sekolah Sains Tengku Abdullah Raub sehingga tingkatan 5. Tamat SPM, penama menyambung pelajaran peringkat diploma di UiTM Perlis dalam *Business In Study* dan seterusnya peringkat ijazah dalam bidang *Marketing* di universiti yang sama.

Disebalik kekurangan diri yang merupakan OKU fizikal, penama seorang yang rajin dan bijak mengatur masa depannya. Mengalami kecacatan pada bahagian pinggang yang dinamakan *spinal bifida* sejak kecil lagi menyebabkan kedua belah kaki penama tidak dapat berfungsi dengan normal dan tidak dapat dikawal sepenuhnya oleh penama.

Kesukaran mendapatkan pekerjaan yang sesuai dengan keadaan diri menyebabkan penama beralih kepada bidang perniagaan sesuai dengan bidang yang dipelajari di universiti. Pada tahun 2016 penama memulakan peniagaan menjual aksesori dan gajet telefon bertempat di sebuah kedai yang disewa di Kampung Bongsu Lanchang. Hasil peniagaan itu penama memperoleh pendapatan sekitar RM 700 hingga RM 900 sebulan. Inisiatif penama bekerja bagi menjana pendapatan sendiri melayakkannya menerima Elaun Pekerja Cacat (EPC) mulai Januari 2016.

Potensi dan motivasi yang dimiliki penama melayakkannya terpilih menyertai *2 Years Exit Programme* (2 YEP) pada tahun 2017 dan menerima Bantuan Geran Pelancaran sebanyak RM 2,700 sekaligus bagi pembelian beberapa peralatan dan pusingan modal. Penama dilihat seorang yang bersemangat

dalam menjayakan program ini dan sentiasa memberikan kerjasama yang baik kepada pegawai kes yang bertanggungjawab memantau perkembangan kesnya.

Rezeki penama bertambah murah apabila turut terpilih menyertai Program TUBE OKU pada tahun 2018. Program tersebut merupakan program kerjasama anjuran SME Corp dan JKM yang memberi peluang kepada OKU Jabatan mengembangkan perniagaan mereka melalui pemberian geran dan latihan keusahawanan. Penama telah menerima geran perniagaan berjumlah RM 15,000 daripada SME Corp dan digunakan untuk meluaskan bidang perniagaannya dengan membuat dan Aiskrim *Homemade*. Penama akan memproses aiskrim di rumah dan menjualnya di pasar malam sekitar Bandar Lanchang.

Penama juga menerima tempahan katering aiskrim untuk pelbagai majlis dan biasanya tidak akan menang tangan apabila tibanya musim perayaan dan kenduri kahwin. Dalam pada itu, perniagaan gajet telefon tetap berjalan seperti biasa dimana waktu perniagaannya bermula daripada jam 2.30 petang hingga 6.00 petang. Peniagaan penama semakin lama semakin maju dan penama turut dibantu oleh kakak dan abang iparnya.

Penama menyatakan hasrat untuk memajukan lagi perniagaannya dengan mempelbagaikan produk jualannya. Dilihat daripada pergerakan pendapatan bulanan penama, perniagaan penama kelihatan memberansangkan dan menunjukkan peningkatan pada setiap bulan. Elaun Pekerja Cacat penama ditamatkan mulai April 2019 setelah pendapatan penama agak stabil dan telah melebihi had kelayakan ditetapkan.



Projek 44 KEDAI MAKAN

Rompin



NAMA

Azizah Binti Haron

UMUR

36 Tahun

ALAMAT

No 305, Blok 16, Felda Keratong
10, 26700 Muadzam Shah,
Rompin, Pahang

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2013-2019 | RM 200
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 200 sebulan

PENDAPATAN SELEPAS PROJEK

RM 2,200 sebulan

BANTUAN AGENSI LAIN

Tiada

* Bantuan Kanak-Kanak (BKK) ditamatkan pada Jun 2019 kerana penama telah mampu berdikari dan telah berjaya dalam perniagaan yang diusahakannya.

Puan **AZIZAH BINTI HARON**, berusia 36 tahun merupakan ibu tunggal yang mempunyai 2 orang anak. Setelah berpisah dengan bekas suami, beban kewangan bagi menyara 2 orang anaknya terpikul sepenuhnya dibahu penama. Bagi kelangsungan hidup mereka anak beranak, penama mula bekerja mengambil upah mencuci pinggan di kedai makan dengan upah yang tidak seberapa. Dengan pendapatan sejumlah RM 400 sebulan jauh daripada mencukupi untuk menampung perbelanjaan harian keluarganya. Mujur keluarga banyak membantu dan memberi sokongan untuk penama dan akan-anak.

Perceraian dengan bekas suaminya pada tahun 2008 bukan sahaja memberi kesan kepada ekonomi keluarga, malah turut menjejaskan kesihatannya apabila penama terpaksa mendapatkan rawatan kerana tekanan perasaan. Namun, segala kesulitan yang dialami tidak pernah melunturkan semangat penama berjuang untuk kehidupan yang lebih baik bersama anak-anaknya. Selain daripada Bantuan Kanak-Kanak sebanyak RM 200 sebulan yang diterima daripada JKM, penama turut memulakan langkah mengusahakan kedai makan secara kecil-kecilan di kawasan ladang Kampung Aur iaitu jalan utama dari Rompin ke Bera sebagai punca pendapatannya.

Kedai makan tersebut dibina di atas tanah yang dipohon untuk pemilikan sementara daripada Pejabat Daerah dan Tanah Rompin. Menggunakan hasil simpanan yang dikumpul sebelum ini, penama memulakan perniagaan pada tahun 2010 dengan peralatan yang asas sahaja ketika itu sambil dibantu oleh anak saudaranya dan kebanyakan pelanggannya terdiri daripada pekerja ladang Kampung Aur dan ladang Serdang.



Sepanjang menceburi bidang perniagaan ini, segala onak duri telah berjaya diharungi oleh penama. Namun, berdepan detik kehilangan ibu tercinta yang meninggalkan dunia pada 1 Jun 2017 memberi tamparan yang sangat hebat kepadanya. Penama sangat sukar menerima kenyataan ibu yang dijaga selama ini telah tiada dan sedikit sebanyak telah menjejaskan perniagaannya. Belum reda dengan kesedihan kehilangan ibu tersayang, penama sekali lagi diuji apabila bapa kandungnya pula meninggal dunia selang setahun daripada arwah ibunya iaitu pada 7 Julai 2018.

Peristiwa kehilangan orang-orang yang disayangi menimbulkan kesan yang amat besar kepada penama. Keadaan ini menyebabkan penama hilang tempat mengadu dan hilang semangat untuk meneruskan hidup. Bagi menangani situasi ini, penama mendapatkan rawatan dan khidmat kaunseling bagi membantunya bangkit semula. Hasil rawatan dan kaunseling yang dijalankan serta semangat penama yang kian pulih, penama kembali meneruskan perniagaannya dengan semangat baru. Kesedihan yang dihadapi dilupakan secara perlahan-lahan dengan kesibukan melakukan pelbagai kerja di kedai makannya.

Semangat dan ketabahan penama mengusahakan kedai makan ini walaupun tanpa peralatan yang lengkap menunjukkan kesungguhan penama untuk menambah pendapatan dan berdikari. Oleh itu penama telah terpilih untuk mentertai *2 Years Exit Programme* (2YEP) pada tahun 2017 dan menerima Bantuan Geran Pelancaran sebanyak RM 2,700 sekaligus. Bantuan yang diterima digunakan untuk membeli peralatan seperti Mesin ABC, *Burner Stove*, *Water Boiler*, *Gas Stove*, dan *Microwave*. Suntikan modal perniagaan daripada JKM ini telah memberi motivasi yang tinggi untuk penama terus berniaga dan berharap dapat membesarkan perniagaannya suatu hari nanti. Penama juga bersyukur kerana telah mampu menjana pendapatan sebanyak RM 2,200 sebulan.

Kegigihan dan kekuatan penama menghadapi dugaan dan cabaran hidup boleh dijadikan teladan kepada golongan ibu tunggal yang lain agar gigih mengubah kehidupan tanpa mengharap bantuan dari jabatan semata-mata. Bantuan yang diterima sebanyak RM 200 sebulan telah ditamatkan pada Jun 2019 dan kini penama telah mampu berdikari tanpa mengharap bantuan JKM.





NAMA

Mohamad Rosli Bin Abd Rashid

UMUR

31 Tahun

ALAMAT

B-16 Lorong 8
Taman Maran Impian,
26500 Maran, Pahang

KATEGORI KLIEN

OKU

PENERIMA BANTUAN

- i) ELAUN PEKERJA CACAT (EPC)
2015-2019 | RM 300
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 300-500 sebulan

PENDAPATAN SELEPAS PROJEK

RM 6,000-8,000 sebulan

BANTUAN AGENSI LAIN

Tiada

***** *Elauun Pekerja Cacat (EPC) ditamatkan pada Mei 2019 kerana penama telah mampu berdikari dan telah berjaya dalam perniagaan yang diusahakannya.*

Penama merupakan OKU masalah pembelajaran dan menerima Elaun Pekerja Cacat (EPC) daripada JKM sejak tahun 2015. Penama berusia 30 tahun merupakan anak ke 5 daripada 6 adik beradik. Mendapat pendidikan awal di Sekolah Kebangsaan Maran dan seterusnya ke Sekolah Menengah Kebangsaan Maran 1 sehingga tamat tingkatan 5. Penama telah berkahwin namun belum dikurniakan zuriat. Isteri penama iaitu Faiqah Izzati Binti Muktar, berusia 32 tahun juga merupakan OKU masalah pembelajaran. Selain masalah pembelajaran, penama tidak mempunyai sebarang masalah kesihatan yang serius dan mampu berusaha mencari pendapatan sendiri melalui penternakan ayam yang diusahakan. Pada awal penglibatannya dalam bidang penternakan ayam, penama hanya membantu menguruskan projek ternakan ayam daging milik keluarga di Ladang Belimbing dengan dibayar gaji sebanyak RM 1,200 sebulan. Namun setelah memiliki kemahiran, pengalaman dan sedikit ilmu, penama mula mengorak selangkah ke hadapan apabila secara perlahan-lahan mengambil alih projek ternakan ini daripada bapanya. Tambahan pula bapanya semakin berusia dan tiba masanya untuk menyerahkan projek ini kepadanya.

Namun selepas beberapa tahun berkerja, penama berjaya mengumpul modal sendiri dan dibantu oleh keluarga untuk membuka ladang ternakan ayam daging dan ayam kampung sendiri di Rancangan Tanah Kelompok (RTK) Kampung Bak-Bak, Maran. Pada awal perniagaannya, penama meraih pendapatan sekitar RM1,500 sebulan. JKM melihat potensi perniagaan yang diusahakan lalu menawarkan penama untuk menyertai *2 Years Exit Programme* (2 YEP) pada tahun 2016. Menggunakan Bantuan Geran Pelancaran yang diterima sebanyak RM 2,700 sekaligus, penama mula menambah baka ayam di ladang ternakannya.



Perniagaan penama bertambah maju dan penama seterusnya memulakan projek ternakan terbaru di Chenor dimana projek tersebut diusahakan bersama dengan rakan kongsi dan penama dipertanggungjawabkan untuk mengendalikan sepenuhnya urusan ternakan dan pemasaran ayam.

Setelah kira-kira 8 tahun mengusahakan projek tersebut, kini penama telah berjaya menubuhkan syarikat perniagaannya sendiri iaitu Yo Jaya Enterprise (No. Pendaftaran: CT 0002873). Penama bersyukur kerana kini mampu memperolehi pendapatan purata RM 6,000-8,000 sebulan. Malah, pernah meraih pendapatan sehingga RM 30,000 sebulan pada waktu-waktu tertentu. Impian penama untuk menembusi pasaran luar dari Maran juga telah tercapai apabila produk ternakannya kini boleh didapati di Kuantan dan juga Temerloh.

Selain daripada mengusahakan projek ternakan ayam, penama juga mempunyai lot kedai sendiri di Pasar Besar Maran untuk memasarkan ayam segar yang diproses daripada ladang ternakannya. Perniagaan tersebut dibuka setiap hari bermula seawal jam 7.30 pagi sehingga 1.00 petang. Ruang niaga tersebut juga dikendalikan sendiri dengan dibantu oleh isterinya.

Malah, apa yang lebih membanggakan lagi, penama kini turut membekalkan produknya ke cawangan KFC dan dewan makan asrama sekolah di sekitar Maran. Selain daripada KFC, penama juga pernah membekalkan produk ternakannya kepada beberapa pasaraya besar dan restoran seperti Pasaraya Tunas Manja (2010), Pasaraya Terus Maju (2012), Pasaraya Aktif (2010) dan Restoran Nasi Kukus Mama (2018).

Seperti peniaga-peniaga lain yang ingin berjaya, penama juga mempunyai perancangan masa depan sendiri bagi perniagaannya. Adalah menjadi hasrat penama untuk membesarkan rangkaian perniagaan dengan mempelbagaikan lagi cabang perniagaan sedia ada. Selain itu, penama juga ingin menambah baik projek ternakan ayam daging dan kampung sedia ada dan seterusnya meluaskan lagi pasaran ayam daging dan ayam kampungnya.





NAMA

Rohayati Binti Paan

UMUR

45 Tahun

ALAMAT

No, 51, Lorong 02, Taman Merbau Indah 28200 Bera, Pahang

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2011-2019 | RM 100
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 1,200 sebulan

PENDAPATAN SELEPAS PROJEK

RM 6,000 sebulan

BANTUAN AGENSI LAIN

Pusat Zakat Bera (Latihan Kemahiran)

* Bantuan Kanak-Kanak (BKK) ditamatkan pada April 2019 kerana penama telah mampu berdikari dan telah berjaya dalam perniagaan yang diusahakannya.

Penama merupakan penerima Bantuan Kanak-Kanak (BKK) sebanyak RM 100 setiap bulan. Mengimbuai kembali perjalanan hidupnya sebelum meraih kejayaan seperti hari ini, banyak onak duri yang terpaksa ditempuhi dengan sabar. Membesarkan anak-anak tanpa suami disisi memerlukan kekuatan bukan sahaja daripada segi fizikal malah emosi juga. Kekangan kewangan dan tiada pekerjaan merupakan halangan yang perlu ditempuhi dalam membiasakan 3 orang anak-anaknya yang masih bersekolah waktu itu.

Kesempitan hidup membuatkan penama merebut apa sahaja peluang pekerjaan asalkan mendapat wang bagi menyara keluarganya. Penama pernah berniaga menjual telur itik dengan pendapatan yang tidak menentu antara RM 200 ke RM 300 sebulan. Dengan pendapatan sebegitu, penama mengakui ianya tidak mencukupi untuk menampung perbelanjaan persekolahan anak-anaknya. Tambahan pula 2 orang anak penama bersekolah di Terengganu ketika itu dan memerlukan perbelanjaan yang agak besar bagi tujuan persekolahan mereka. Atas sebab itulah penama terpaksa melakukan apa sahaja kerja yang boleh mendatangkan pendapatan bagi menampung segala perbelanjaan tersebut.

Penama tinggal menyewa di sebuah rumah teres di Taman Merbau Indah dengan sewaan bulanan sebanyak RM 350 bersama anak-anaknya. Pada peringkat awal, penama bermula dengan perniagaan menjual kuih-muih secara kecil-kecilan di hadapan rumah sebelum mempelbagaikan jualan dengan menjual nasi bajet beraneka lauk-pauk dan goreng-gorengan dengan pendapatan sebanyak RM 1,200 sebulan. Penama telah menjalankan perniagaan tersebut setiap hari sejak 8 tahun yang lalu bermula jam 10 pagi hingga 6 petang dan mula dikenali ramai dikalangan pelanggannya yang terdiri daripada masyarakat setempat.

Sambutan yang diterima membuatkan penama melihat keperluan untuk membesarkan lagi perniagaannya. Untuk itu, penama memerlukan suntikan modal bagi merealisasikan impiannya bagi memastikan ianya terus berkembang dan seterusnya dapat menambah pendapatan penama dan keluarga setiap bulan. Penama amat yakin dapat menjalankan perniagaan dengan lebih maju dan lancar sekiranya JKM dapat menyalurkan bantuan kewangan bagi perniagaan yang telah diusahakannya. Oleh itu, penama disarankan untuk menyertai program peningkatan pendapatan JKM iaitu *2 Years Exit Programme (2YEP)* pada tahun 2018.

Melalui program ini penama telah menerima Bantuan Geran Pelancaran sebanyak RM 2,700 sekaligus sebagai suntikan modal untuk pembelian beberapa peralatan dan modal pusingan. Selain daripada JKM, penama turut menerima bantuan daripada Pusat Zakat Bera yang membiayai kos latihan dan kursus yang dihadiri seperti Kursus Masakan di Kolej Komuniti Rompin pada tahun 2016. Penama juga pernah mengikuti Kursus Pembuatan Kek Dan Pastri di Kolej Komuniti Daerah Bera pada tahun 2017.

Penama mempunyai potensi untuk lebih berjaya dalam perniagaan yang diceburinya. Ini dapat dilihat apabila penama mempunyai pelanggan tetap setelah hampir 8 tahun berniaga. Perniagaannya juga bertambah rancak dan dibantu oleh 2 orang pekerja yang terdiri daripada anaknya sendiri dan kawan penama. Penama kini mampu memperolehi pendapatan sehingga RM 6,000 sebulan dan tidak lagi bergantung kepada bantuan.



Projek 47 GERAI MAKANAN

Kuantan



NAMA

Syamsidar Binti Harun

UMUR

46 Tahun

ALAMAT

No 34 Lorong 36, Taman Seri Damai Perdana Batu 6 25150 Kuantan, Pahang

KATEGORI KLIEN

Ibu Tunggal

PENERIMA BANTUAN

- i) Bantuan Am (BA)
2015-2018 | RM 300
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 900 sebulan

PENDAPATAN SELEPAS PROJEK

RM 2,500 sebulan

BANTUAN AGENSI LAIN

Tiada

* *Bantuan Am (BA) ditamatkan pada Disember 2018 kerana penama telah mampu berdikari dan telah berjaya dalam perniagaan yang diusahakannya.*

Penama merupakan ibu tunggal berusia 45 tahun dan berasal dari Terengganu. Telah menetap di Kuantan sejak tahun 1987 lagi dan merupakan anak sulung daripada 4 orang adik beradik. Mendapat pendidikan awal di Sekolah Rendah Felda Jerangau dan seterusnya menyambung pelajaran di peringkat menengah di Sekolah Menengah Kebangsaan Tengku Ampuan Intan Kuala Berang, Terengganu. Penama telah berpisah dengan bekas suami pada tahun 2011 dan hasil perkahwinan mereka dikurniakan 5 orang cahayamata.

Penama mengalami kesulitan sejak perceraian memandangkan sikap lepas tangan bekas suami dalam menyediakan nafkah untuk anak-anak yang semakin membesar dan bersekolah ketika itu. Sejak itu penama terpaksa mengambil alih tugas sebagai ketua keluarga bagi menyara anak-anaknya dengan berniaga kecil-kecilan menjual Roti John di pasar malam.

Minat penama dalam perniagaan bermula apabila sering membantu ibunya berniaga. Selepas bercerai dengan bekas suami, penama memberanikan diri memulakan perniagaan sendiri dengan menjual Roti John di pasar-pasar malam sekitar Kuantan. Penama berniaga 3 kali seminggu sebagai pemulaan bagi menimba pengalaman dan bertujuan meneroka pasaran. Namun, disebabkan kekurangan modal dan peralatan, penama hanya mampu menjual Roti John dan pendapatan yang diperolehi sekitar RM 900 sahaja sebulan.

Mempunyai 2 orang anak yang masih bersekolah sudah pasti memerlukan perbelanjaan yang agak besar. Penama agak beruntung kerana anak-anak yang telah dewasa banyak membantunya berniaga di pasar



malam. Menurut penama, mereka sangat memerlukan bantuan kewangan ketika itu bagi menampung keperluan harian dan persekolahan anak-anaknya ditambah lagi mereka tinggal menyewa dengan kadar RM 400 sebulan. Melihat beban kewangan penama yang agak tinggi disamping pendapatan yang tidak stabil hasil perniagaannya, JKM telah meluluskan Bantuan Am (BA) sebanyak RM 300 sebulan mulai Januari 2015.

Pada tahun 2016 penama telah memohon untuk menyertai program peningkatan pendapatan iaitu *2 Years Exit Programme (2YEP)*. Penama bersyukur kerana lulus saringan dan mendapat Bantuan Geran Pelancaran sebanyak RM 2,700 sekaligus yang digunakan untuk membeli beberapa peralatan bagi meningkatkan perniagaannya. Penama juga telah mempelbagaikan produk jualannya seperti *Chicken Chop*, *Lamb Chop*, Ayam Spicy Korea, Ayam Goreng RM 1, Ayam Salut Serbuk Roti dan Bubur Ayam. Air tangan penama juga kini bukan hanya boleh didapati di pasar malam Kuantan, malah telah berkembang ke pasar-pasar malam sekitar Pekan juga.

Hasil kerja keras penama berbaloi apabila penama kini mempunyai perniagaan sendiri yang diberi nama **YAWA CREW** yang menjual Roti John dan pelbagai pilihan makanan citarasa barat. Penama berniaga setiap hari Selasa hingga Sabtu mulai jam 3 petang hingga 9 malam dan akan bercuti pada setiap hari Ahad dan Isnin. Penama akan berniaga di kawasan *parking* Pasaraya Pantai Selamat Indera Mahkota, Kuantan pada setiap hari Selasa. Manakala setiap hari Rabu hingga Sabtu di Pekan, Pahang. Pendapatan perniagaan penama secara purata sebulan kini adalah RM2,500 setelah menjadi peserta 2YEP.

Penama juga mengorak langkah mengembangkan perniagaannya dengan mula mengambil tempahan katering secara kecil-kecilan. Penama pernah menerima tempahan untuk hari sukan sebanyak 200 bungkus *Chicken Chop* daripada Sekolah Berasrama Penuh Intergrasi Kuantan selama 4 tahun berturut-turut mulai tahun 2016. Penama juga aktif melibatkan diri dengan program jualan di UIA Kuantan. Adalah menjadi hasrat penama untuk membuka kedai sendiri setelah mempunyai modal yang mencukupi dan menyerahkan perniagaan ini kepada anak-anak penama untuk menguruskannya sebagai perniagaan keluarga.





Terengganu
DARUL IMAN



NAMA

Hasliyana Binti Kassim @ Ramli

UMUR

36 Tahun

ALAMAT

Lot 350, Batu 12 ½, Kg. Seberang Marang, Marang, Terengganu

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2016-2018 | RM 200
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 600-RM700 sebulan

PENDAPATAN SELEPAS PROJEK

RM 6,000- RM 8,000 sebulan

BANTUAN AGENSI LAIN

Tiada

* *Bantuan Kanak-kanak (BKK) ditamatkan pada November 2018 kerana penama telah mampu berdikari dan telah berjaya dalam perniagaan yang diusahakannya.*

HASLIYANA merupakan seorang ibu tunggal yang mempunyai tiga orang anak yang masih kecil dan bersekolah. Penama merupakan penerima Bantuan Kanak-Kanak sebanyak RM 200 sebulan mulai tahun 2016 setelah bercerai dengan bekas suaminya pada Julai 2016. Bergelar ibu tunggal dalam usia yang masih muda amat mencabar ditambah lagi penama tiada punca pendapatan sendiri pada waktu itu dan hanya membantu di warung milik keluarganya. Setelah bercerai segala perbelanjaan dan keperluan harian diri dan anak-anak hanya mengharapkan belas ihsan daripada keluarga.

Dengan hanya berbekalkan sijil SPM, tidak banyak peluang pekerjaan yang boleh diterokai oleh penama. Perpisahan dengan bekas suami membuka mata penama untuk memikirkan peluang pekerjaan atau apa-apa bentuk perniagaan yang boleh menyumbang kepada pendapatan keluarganya. Demi kelangsungan hidupnya dan anak-anak yang semakin membesar, penama Penama pernah berniaga pisang goreng dan menjadi pembantu di salun kecantikan dan spa. Atas dorongan minat dan pengalaman bekerja dalam bidang kecantikan, penama mengorak langkah memulakan perniagaan spa secara kecil-kecilan dengan membuat terapi kecantikan bersama pelanggan di rumahnya. Pada awal perniagaannya, penama hanya mampu menyediakan sebuah katil rawatan mengurus serta beberapa alatan dan kelengkapan rawatan muka dan badan sahaja.

Melihat keperluan untuk menambah beberapa kelengkapan bagi menampung permintaan yang tinggi daripada pelanggannya, penama mencuba nasib memohon bantuan daripada JKM. Melihat kesungguhan penama untuk memajukan diri sendiri, JKM telah meluluskan Bantuan Geran Pelancaran



sebanyak RM 2,700 sekaligus pada tahun 2017 menerusi 2 Years Exit Programme (2YEP). Berbekalkan bantuan yang diterima daripada JKM itulah penama menambah kuantiti beberapa kelengkapan spa yang lain seperti katil untuk rawatan resdung, *steamer*, beg sauna, rak dan pelbagai lagi.

Penama berasa bersyukur kerana usaha dan penat lelahnya untuk memajukan perniagaannya ini berbaloi apabila permintaan keatas perkhidmatannya yang ditawarkan semakin bertambah dari sehari ke sehari. Penama juga mengakui rezekinya semakin bertambah semenjak menyertai program 2 YEP ini. Pertambahan pelanggan menyebabkan penama tidak lagi selesa beroperasi dirumahnya dan penama mengambil keputusan untuk menyewa sebuah lot kedai di Kampung Seberang Marang untuk dijadikan premis perniagaannya yang dinamakan De' Zahra Beauty Spa.

Selain beroperasi di premis perniagaannya itu, penama turut menyediakan perkhidmatan *mobile spa* dimana penama akan ke rumah pelanggan-pelanggan yang memerlukan perkhidmatannya daripadanya. Sedar tentang saingan dan kepentingan untuk sentiasa meningkatkan kualiti perkhidmatan yang ditawarkan, penama sentiasa melengkapkan dirinya dengan ilmu dan kemahiran terkini apabila sering mengikuti kursus-kursus yang berkaitan.

Pada November 2018, penama telah hadir ke Pejabat Kebajikan Masyarakat Daerah Marang untuk menyatakan kesediaan penama untuk ditamatkan bantuan JKM. Kini, penama merencanakan lagi promosi perniagaannya melalui media sosial seperti *Instagram*, *facebook* dan sebagainya. Sehingga kini, penama sudah mampu menggaji beberapa orang pembantu di spanya.

Sebagai menghargai kejayaan dan kesungguhan penama memajukan diri dan keluar dari kepompong kemiskinan, penama telah dinobatkan sebagai peserta 2 YEP terbaik bagi Negeri Terengganu di Konvensyen Kebajikan Produktif Peringkat Kebangsaan yang diadakan di Kedah pada bulan September 2019.



NAMA

Mazni Binti Harun

UMUR

42 Tahun

ALAMAT

D1/189, Taman Medan Jaya, Rusila,
21080 Marang, Terengganu

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2008-2018 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 600-RM700 sebulan

PENDAPATAN SELEPAS PROJEK

RM 2,000- RM 3,000 sebulan

BANTUAN AGENSI LAIN

Tiada

* Bantuan Kanak-kanak (BKK) ditamatkan pada Mei 2018 kerana penama telah mampu berdikari dan telah berjaya dalam perniagaan yang diusahakannya.

Penama merupakan seorang ibu tunggal dan dikurniakan dengan 4 orang anak hasil daripada perkahwinannya yang terdahulu. Kehidupan sebagai ibu tunggal kepada 4 orang anak yang masih kecil ketika itu amat mencabar kerana penama tiada pekerjaan tetap dan pendapatan yang stabil. Bagi menampung kehidupan penama sekeluarga, penama melakukan perniagaan kecil-kecilan menjual goreng pisang, keropok dan minuman di hadapan rumahnya. Penama menjalankan perniagaan tersebut setiap hari kecuali Jumaat dan beroperasi daripada jam 12 tengahari hingga jam 6 petang dengan pendapatan purata sebanyak RM 500 sebulan ketika itu.

Penama hanya bergantung sepenuhnya dengan hasil jualan yang diusahakannya bagi menampung kos hidup dan persekolahan anak-anaknya. Kesukaran dalam penjagaan anak-anaknya yang masih kecil menyukarkan usaha penama untuk mencari pekerjaan lain yang lebih stabil atau pendapatan sampingan yang lain. Penama seterusnya telah diluluskan Bantuan Kanak-Kanak sebanyak RM 400 sebulan mulai tahun 2008.

Bagi menampung keperluan anak-anak yang semakin membesar, penama pernah mencuba pelbagai pekerjaan lain seperti *housekeeping*, menyediakan perkhidmatan katering dan pelbagai lagi. Namun, setiap pekerjaan yang dilakukan tidak menampakkan kejayaan yang memberangsangkan dan penama masih terus bergelut dalam memenuhi keperluan keluarganya. Setelah merasa kecewa apabila perniagaan pisang goreng dan katering yang dilakukan mendapat saingan dan kurang berjaya, penama mula terfikir untuk menghasilkan dan menjual kuih tradisional iaitu kuih siput. Melihat potensi pasaran kuih tradisional itu sebagai kudapan dan boleh dikomersialkan untuk dijadikan buah tangan pelbagai majlis, penama mula

mempelajari proses pembuatan kuih siput sehingga mahir. Buat permulaan, penama hanya mensasarkan pasaran kuih siputnya dikalangan kenalan terdekat terlebih dahulu.

Penama amat bersyukur kerana percubaannya memasarkan kuih siput mendapat sambutan yang sangat baik dan permintaan terhadap produknya mula bertambah dari sehari ke sehari. Sejak itu, penama tidak menang tangan memenuhi permintaan kuih siputnya yang bukan hanya dipasarkan di kedai-kedai runcit setempat malah turut mendapat tempat di sekolah-sekolah klinik dan hospital berdekatan. Pertambahan permintaan terhadap kuih siputnya menyebabkan penama tidak lagi mampu mengadun secara manual dan memerlukan mesin pengadun dan beberapa peralatan tambahan lain. JKM seterusnya telah meluluskan Bantuan Geran Pelancaran sebanyak RM 2,700 sekaligus melalui 2 Years Exit Programme (2YEP).

Kuih siput penama terus mendapat perhatian dan berjaya menembusi pasaran di kedai-kedai runcit, stesen minyak dan banyak ditempah untuk dijadikan sebagai *goodies* pelbagai acara. Penama bersyukur walaupun dengan modal yang tidak begitu besar, projek kuih siput ini mampu berjaya sehinggalah penama sendiri dengan rela hatinya bersedia untuk ditamatkan bantuan kanak-kanak yang diterima setiap bulan. Akhirnya pada Mei 2018, bantuan penama ditamatkan kerana penama telah mampu berdikari dan menyara kehidupan sekeluarga dengan baik. Kini, penama tidak menoleh ke belakang lagi dan meluaskan promosi produknya melalui media sosial seperti *Instagram*, *facebook* dan banyak lagi. Adalah menjadi impiannya agar suatu hari nanti produk kuih siput kebanggaannya ini mampu dipasarkan ke seluruh negara.





NAMA

Mohd Arif Bin Abdullah

UMUR

46 Tahun

ALAMAT

Kg Pantai Laut Seberang
Pintasan, Dungun

KATEGORI KLIEN

Orang Kurang Upaya

PENERIMA BANTUAN

- i) Elaun Pekerja Cacat (EPC)
2012-2018 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 600 sebulan

PENDAPATAN SELEPAS PROJEK

RM 10,000 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada Mei 2018 kerana penama telah mampu berdikari dan telah berjaya dalam perniagaan yang diusahakannya.

MOHD ARIF BIN ABDULLAH berusia 46 tahun merupakan OKU penglihatan dan telah berdaftar dengan JKM. Penama mengalami kecacatan mata disebelah kiri dengan tahap penglihatannya yang agak terhad. Penama telah berkahwin dan mempunyai seorang anak. Bagi menampung kehidupannya sekeluarga, penama telah mengusahakan kedai makan di hadapan rumahnya sejak 9 tahun yang lalu dengan dibantu oleh isterinya. Pada permulaan perniagaannya, penama menjual roti canai dan hanya mampu memperolehi pendapatan sekitar RM600 sebulan.





Inisiatif penama berdikari mencari pendapatan sendiri melayakkannya diluluskan Elaun Pekerja Cacat sebanyak RM400 sebulan mulai Mac 2012. Melihat potensi perniagaan yang diusahakannya, penama mula menambah menu di kedainya dengan pelbagai masakan panas dan makanan tengahari dan mampu memperolehi pendapatan sekitar RM1,000-RM2,000 sebulan.

Perniagaan penama mula menjadi tumpuan apabila menu Nasi Goreng Sotong Emas yang dihasilkannya tular di media sosial. Kedai makan penama mula menjadi tumpuan bukan sahaja daripada masyarakat setempat malah turut menerima kunjungan daripada masyarakat luar yang ingin mencuba keenakan menu tersebut.

Berdasarkan sambutan baik dan permintaan yang tinggi serta potensi perniagaan yang diusahakan penama, JKM telah meluluskan Bantuan Geran Pelancaran sebanyak RM2,700 sekaligus melalui 2 Years Exit Programme (2YEP) pada Ogos 2017. Berbekalkan bantuan yang diterima, penama telah membeli beberapa peralatan tambahan seperti dapur gas, kualiti masakan, peti ais dan juga bahan mentah.

Disebabkan perniagaan penama semakin tular di media sosial, permintaan nasi goreng sotong penama berlipat kali ganda dan penama terpaksa menambah bekalan sotong sehingga 30 kg setiap hari. Penama

juga bersyukur kerana berkat usaha yang tidak pernah kenal jemu perniagaannya semakin dikenali dan penama mampu menjana pendapatan sehingga RM10,000 sebulan. Penama juga terpaksa menambah pekerja bagi menampung permintaan pelanggan yang semakin bertambah dari hari ke hari.

Sedar tentang kepentingan ilmu pengetahuan dan kemahiran dalam bidang perniagaan yang diceburinya, penama sering turut serta dalam program yang dirangka oleh JKM seperti ceramah motivasi, program transformasi minda dan program literasi kewangan. Penama dilihat sangat bermotivasi dan sentiasa berusaha meningkatkan lagi pendapatan keluarganya. Besar harapan penama agar perniagaannya semakin berkembang maju dan dapat diwariskan kepada anak tunggalnya nanti. Penama juga berharap melalui perniagaannya ini, penama turut dapat membuka peluang pekerjaan kepada orang lain yang kurang berkemampuan.

Penama amat bersyukur kerana JKM sentiasa membantu penama sehingga penama kini mampu berdikari dan dapat hidup dengan lebih selesa. Disebabkan pendapatan penama telah melebihi pendapatan garis kemiskinan (PGK) yang ditetapkan, penama telah dikeluarkan sebagai penerima bantuan JKM bermula Mei 2018 dan akan dijadikan sebagai mentor dan *role model* klien OKU yang berjaya.



NAMA

Paidah Binti Abd Rahman

UMUR

58 Tahun

ALAMAT

No 21, Kg Lebang Besar
Tepoh, 21300 Kuala Nerus

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2008-2019 | RM 400
- ii) Bantuan Geran Pelancaran (BGP)
Disember 2018 | RM 2,700

PENDAPATAN SEBELUM PROJEK

RM 450 sebulan

PENDAPATAN SELEPAS PROJEK

RM 3,000-6,000 sebulan

BANTUAN AGENSI LAIN

Tiada

* Bantuan Kanak-Kanak (BKK) ditamatkan pada September 2019 kerana penama telah mampu berdikari dan telah berjaya dalam perniagaan yang diusahakannya.

PAIDAH BINTI ABD RAHMAN merupakan seorang ibu tunggal berusia 58 tahun dan mempunyai 7 orang anak yang telah meningkat dewasa. Penama telah kematian suami pada tahun 2004 dan semenjak itu segala tanggungjawab perbelanjaan keluarga ditanggung oleh penama sendiri. Demi meneruskan kelangsungan hidup, penama melakukan pelbagai jenis pekerjaan untuk menampung kehidupan dan persekolahan anak-anak agar tidak keciciran dalam pelajaran. Setelah kematian suami, penama bekerja sebagai pembantu kedai makan dengan pendapatan hanya sebanyak RM450 sebulan. Penama seterusnya telah diluluskan Bantuan Kanak-Kanak sebanyak RM400 sebulan mulai tahun 2008.

Walau bagaimanapun, penama agak beruntung kerana turut mempunyai kemahiran mengurus yang diwarisi daripada keluarganya. Dengan kemahiran yang diwarisi tersebut, penama mula menerima tempahan perkhidmatan mengurus wanita sahaja daripada masyarakat setempat. Tahun demi tahun, perkhidmatan urutan penama semakin mendapat sambutan dan berkembang hasil promosi mulut ke mulut masyarakat setempat yang berpuashati dengan perkhidmatan yang diberikan.



Tidak hanya bergantung kepada promosi dari mulut ke mulut sahaja, anak-anak penama turut memainkan peranan dengan mengiklankan perkhidmatan yang disediakan oleh ibu mereka di facebook masing-masing. Hasil daripada usaha penama yang tidak mengenal erti putus asa, serta promosi yang berterusan oleh anak-anaknya, perkhidmatan urutan penama mula mendapat perhatian daripada pelanggan daripada luar Terengganu. Kini, penama turut mempunyai akaun facebook sendiri iaitu Che Ngah Idah sebagai platform penama memasarkan perkhidmatan dan produk yang dihasilkan. Hasil daripada bantuan JKM serta promosi berterusan di facebook, penama telah berjaya menjalankan perkhidmatan mengurut ke hampir seluruh negeri di Semenanjung Malaysia.

Kesukaran hidup sebagai seorang ibu tunggal membesarkan 7 orang anak sendirian telah menjadikan penama seorang yang kental dan tidak pernah berputus asa dalam memajukan diri dalam bidang perniagaan yang diusahakannya. Penama turut berasa gembira kerana ada dikalangan anak-anaknya yang turut menunjukkan minat dalam bidang perniagaan. Berpandukan pengalamannya dalam bidang perniagaan, penama meluaskan lagi skop perniagaan yang diceburi dengan menghasilkan madu herba Atthurayya dan ternakan itik telur serta menghasilkan telur masin berjenama AZDAA. Perniagaan kedua-dua produk ini diuruskan oleh penama sendiri dan dibantu oleh anak-anaknya.

Melihat kepada kesungguhan dan potensi perniagaan yang diusahakan oleh penama, JKM telah meluluskan Bantuan Geran Pelancaran sebanyak RM2,700 sekaligus melalui 2 Years Exit Programme (2YEP) pada tahun 2018 bagi membantu penama menambah beberapa kelengkapan serta sebagai suntikan modal bagi mengembangkan lagi perniagaannya. Modal tersebut

membolehkan penama membeli bahan mentah untuk menghasilkan produk Madu Herba Atthurayya dan membeli baka itik untuk projek ternakan itik telur untuk dijadikan telur masin. Produk telur itik dan telur masin keluaran penama mendapat sambutan dan permintaan yang tinggi daripada kedai-kedai makan disekitar tempat tinggalnya. Penama sangat bersyukur dengan perkembangan perniagaannya sehingga mampu memperolehi pendapatan purata RM3,000 sebulan dan kadangkala mampu mencecah sebanyak RM6,000 sebulan.

Bagi menambahkan ilmu pengetahuan dan kemahiran dalam bidang perniagaan, penama sering mengikuti kursus berkaitan keusahawan dan perniagaan anjuran agensi-agensi yang berkaitan. Penama mempunyai impian untuk mempelbagaikan lagi skop perniagaannya dan produk yang dihasilkan serta meluaskan pemasaran perkhidmatan dan produknya.

Penama amat bersyukur dan berterima kasih kepada JKM yang banyak memberi bantuan dalam bentuk kewangan serta sokongan moral dan nasihat dalam membantu penama meningkatkan pendapatan dan seterusnya keluar daripada kepompong kemiskinan.

Besar harapan penama agar perniagaan yang dimulakannya ini dapat diteruskan dan diwarisi oleh anak-anaknya kelak. Penama sering berpegang kepada kata-kata hikmah iaitu “selalu bersyukur” dan sentiasa mengamalkan berdoa kepada Allah melalui solat tahajjud dan zikir sebagai pemangkin kejayaan penama. Penama kini sudah boleh tersenyum lebar melihat seorang demi seorang anaknya berjaya dalam hidup masing-masing. Melihat kepada kejayaan penama meningkatkan taraf hidup keluarganya melalui bidang perniagaan, Bantuan Kanak-Kanak penama telah ditamatkan pada September 2019.



NAMA

Rahimah Binti Ahmad

UMUR

52 Tahun

ALAMAT

Sebelah Masjid Lama Kg Sura
Tengah 23000 Dungun
Terengganu

KATEGORI KLIEN

Keluarga Miskin

PENERIMA BANTUAN

- i) Bantuan Am (AM)
2012-2018 | RM 200
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 1,000 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Tiada

* *Bantuan Am (BA) ditamatkan pada Oktober 2018 kerana penama telah mampu berdikari dan telah berjaya dalam perniagaan yang diusahakannya.*

RAHIMAH BINTI AHMAD atau lebih mesra disapa sebagai Kak Long merupakan penerima Bantuan Am (BA) sebanyak RM200 sebulan semenjak tahun 2012 akibat penyakit jantung dan beberapa komplikasi penyakit lain yang dihidapinya. Penama pernah menjalani pembedahan sebanyak 5 kali dan telah dinasihati oleh doktor agar tidak melakukan kerja-kerja berat. Penama bersama arwah suami mempunyai pendapatan yang agak baik suatu masa dahulu hasil daripada perniagaan catering yang diusahakan bersama semenjak tahun 1996. Walau bagaimanapun, segalanya berubah sekelip mata apabila suami dan dua orang anaknya meninggal dunia dalam satu kemalangan jalanraya di Jambatan Dungun pada tahun 2000.

Tragedi menyayat hati itu menyebabkan penama trauma dan kemurungan sehingga penama tidak mampu lagi untuk menerima sebarang tempahan catering. Penama mengambil masa yang agak lama untuk pulih daripada trauma dan diisytiharkan muflis kerana tidak mampu membayar hutang pinjaman bank yang dibuat semasa bersama arwah suami dahulu.

Setelah 4 tahun hidup dalam trauma, beliau mula bangkit dan mendirikan rumah tangga kali kedua. Perkahwinan kali kedua penama ini turut diuji apabila suami penama tidak mampu melakukan kerja berat kerana mempunyai masalah penyakit batu karang dan asma. Anak bongsu penama juga mempunyai masalah kesihatan. Penama dan keluarga terbeban dengan masalah kewangan terutamanya bagi menampung perbelanjaan rawatan mereka.

Namun, berbekalkan keazaman untuk mengubah nasib keluarga dan sokongan daripada ahli keluarga yang ada, penama mula bangkit dan menerima tempahan kuih secara kecil-kecilan. Melihat potensi perniagaan kuih yang dijalankannya, penama mempelbagaikan



jenis kuih dan mula terfikir untuk mempelajari cara pembuatan mooncake atau kuih bulan memandangkan tidak ramai orang melayu yang mampu membuat mooncake. Percubaan penama untuk membuat dan menjual mooncake menjadi kerana mendapat sambutan yang menggalakkan. Penama turut dibantu oleh anak dan suami beliau yang sentiasa memberi dorongan dan semangat yang tidak pernah putus.

Kini mooncake hasil air tangan penama bukan hanya boleh dinikmati oleh masyarakat setempat tetapi juga oleh peminat kuih tradisional itu diluar negara. Penama menerima tempahan mooncake secara online dari seluruh negara bahkan dari Australia dan juga Brunei. Mooncake penama bukan hanya boleh ditempah secara online malah boleh didapati menerusi agen-agen yang dilantik mengikut kawasan.



Melihat potensi perniagaannya yang semakin maju, JKM telah meluluskan Bantuan Geran Pelancaran sebanyak RM 2,700 sekaligus pada Ogos 2017 melalui 2 Years Exit Programme (2YEP) bagi tujuan pembelian barangan kelengkapan seperti acuan mooncake, peti ais dan juga bahan-bahan asas yang lain untuk memenuhi permintaan yang semakin meningkat. Perniagaan penama kini semakin berkembang maju dan tidak menang tangan menerima tempahan dari seluruh negara. Penama juga aktif menyertai pelbagai aktiviti pameran dan jualan yang dianjurkan oleh JKM seperti program Pekan Budaya bagi mempromosikan mooncake buatannya disamping promosi di media sosial oleh anaknya.

Penama kini telah mampu menjana pendapatan sehingga RM 4,000 sebulan. Bagi memastikan kelangsungan produk yang dihasilkan, penama turut mempelbagaikan mooncake yang dihasilkannya dengan pelbagai jenis perisa seperti telur masin, kacang merah, walnut, kuaci dan turut menjual kuih bakul.

Penama kini dilihat telah berjaya dalam perniagaannya dan sudah mampu berdikari tanpa mengharapkan bantuan daripada JKM bagi kelangsungan hidupnya sekeluarga. Bantuan Am penama seterusnya telah ditamatkan pada Oktober 2018.





NAMA

Ruhani Binti Hashim

UMUR

49 Tahun

ALAMAT

Lot 8671, Jalan Bukit Tok Beng
21300 Kuala Nerus

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2007-2019 | RM 100
- ii) Bantuan Geran Pelancaran (BGP)
2014 (RM 2,700) & 2016 (RM 2,700)

PENDAPATAN SEBELUM PROJEK

RM 400 sebulan

PENDAPATAN SELEPAS PROJEK

RM 2,500 sebulan

BANTUAN AGENSI LAIN

Tiada

RUHANI BINTI HASHIM berumur 49 tahun merupakan seorang ibu tunggal dan mempunyai 5 orang anak yang sedang meningkat dewasa. Penama telah kematian suami pada tahun 2004 dan semenjak itu penama hilang tempat bergantung dan segala perbelanjaan keluarga ditanggung oleh penama sepenuhnya. Walau bagaimanapun, penama amat beruntung kerana mempunyai kemahiran dalam bidang jahitan melebihi 15 tahun dan telah mula mengambil tempahan menjahit semenjak arwah suaminya masih ada. Ketika itu, penama hanya mengambil upah menjahit sekadar mengisi masa terluang dan hanya dijalankan dirumahnya sahaja. Purata pendapatan yang diperolehi ketika itu adalah sebanyak RM 400 sebulan sahaja. Penama seterusnya telah diluluskan Bantuan Kanak-Kanak sebanyak RM 300 sebulan bagi menampung kehidupannya sekeluarga.

Setelah kematian suami, penama memberikan sepenuh perhatian dalam bidang jahitan dengan mengikuti pelbagai kursus berkaitan terutamanya anjuran Jabatan Pembangunan Kemahiran bagi memantapkan lagi pengetahuan dan kemahirannya dalam bidang jahitan. Hasil daripada pelbagai kursus kemahiran jahitan yang dihadiri, penama berupaya menjahit pelbagai jenis fesyen pakaian wanita mengikut permintaan pelanggan serta tempahan baju uniform badan kerajaan. Selain daripada kemahiran menjahit pakaian wanita, penama turut mempunyai kemahiran dalam menjahit pakaian lelaki. Perkhidmatan jahitan penama mendapat sambutan dan sentiasa menerima tempahan tanpa mengira musim.

* Bantuan Kanak-Kanak (BKK) ditamatkan pada April 2019 kerana penama telah mampu berdikari dan telah berjaya dalam perniagaan yang diusahakannya.




Berbekalkan pengalaman dan kemahiran dalam bidang jahitan inilah yang banyak membantu penama menjana pendapatan selain daripada bantuan JKM bagi menyara keluarga agar dapat memenuhi keperluan dan kelengkapan mereka sekeluarga dalam menjalani kehidupan serta kos persekolahan anak-anaknya.

Melihat kepada kesungguhan dan usaha penama yang tidak berbelah bahagi dalam memajukan perniagaannya, JKM telah meluluskan Bantuan Geran Pelancaran sebanyak RM 2,700 sekaligus pada tahun 2014 bagi membeli mesin jahit tepi. Memandangkan perniagaan yang dijalankan mempunyai potensi untuk berkembang dan penama juga mempunyai motivasi yang tinggi untuk berjaya, penama sekali lagi diluluskan Bantuan Geran Pelancaran sebanyak RM 2,700 sekaligus melalui *2 Years Exit Programme (2YEP)* pada tahun 2016 bagi membeli mesin jahit tambahan serta peralatan jahitan. Hasil daripada kerja keras dan semangat yang tidak pernah padam, penama kini mampu tersenyum lebar apabila pendapatan bulannya mencecah RM 2,500 sebulan dan telah mampu memiliki premis sendiri.

Memegang status sebagai seorang ibu tunggal menjadikan penama seorang yang kental dan tidak pernah berputus asa dalam memajukan diri dalam bidang perniagaan. Selain mengikuti kursus kemahiran berkaitan jahitan, penama juga kerap kali mengikuti kursus berkaitan keusahawan dan perniagaan anjuran agensi-agensi yang berkaitan untuk menambah ilmu pengetahuan.

Penama amat bersyukur dan berterima kasih kepada JKM yang telah banyak membantu penama sekeluarga. Penama turut menggalakkan dan memberi tunjuk ajar kepada anak-anaknya yang berminat dalam bidang jahitan agar kemahiran ini dapat diteruskan oleh anak-anaknya. Penama berharap perniagaannya ini akan terus berkembang maju dan diwarisi oleh anak-anaknya kelak.







Kelantan
DARUL NAIM

Projek 54 KEDAI RUNCIT

Gua Musang



NAMA

Mohamad Kamarul Bin Abd Rahman

UMUR

31 Tahun

ALAMAT

No. 42, Rkt Delima 2, Rkt Kesedar Renok, Gua Musang, Kelantan

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2013-2019 | RM 400
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 300 sebulan

PENDAPATAN SELEPAS PROJEK

RM 20,000 sebulan

BANTUAN AGENSI LAIN

Tube SME Corp (Geran dan Latihan)

* Elaun Pekerja Cacat (EPC) ditamatkan pada April 2019 kerana penama telah mampu berdikari dan telah berjaya dalam perniagaan yang diusahakannya.

MOHAMAD KAMARUL BIN ABDUL RAHMAN, 31 tahun merupakan OKU Fizikal sejak lahir dan masih bujang. Penama anak ke 5 daripada 7 orang adik-beradik dan tinggal bersama ayah setelah kematian ibunya. Sebelum menceburi bidang perniagaan, penama pernah bekerja sebagai pembantu di kedai roti dengan pendapatan RM 300 sebulan. Kesungguhan penama bekerja dan berdikari melayakkannya menerima Elaun Pekerja Cacat (EPC) sebanyak RM 400 sebulan mulai Ogos 2012.

Pengalaman bekerja di kedai roti menimbulkan minat berniaga dalam diri Mohamad Kamarul. Berbekalkan semangat dan keinginan untuk mempunyai perniagaan sendiri, penama berhenti kerja dan memulakan perniagaan menjual buah-buahan di tepi jalan pada tahun 2015. Namun, bukan senang untuk menarik perhatian pembeli pada peringkat awal dan penama hanya mampu memperolehi pendapatan sekitar RM 200-300 sebulan sahaja ketika itu.

Pendapatan yang diperolehi juga tidak tetap kerana bergantung kepada musim. Kebiasaannya pendapatan penama akan berkurangan ketika musim hujan kerana





gerai buah-buahnya terletak ditepi jalan yang terdedah kepada hujan, panas, angin dan ribut serta tidak mempunyai tempat tertutup. Tambahan pula Mohamad Kamarul mempunyai penyakit semput dan perlu mendapatkan rawatan hospital jika kesihatannya tidak memuaskan. Bila keadaan ini berlaku, penama terpaksa menutup sementara perniagaannya dan sekaligus hilang punca pendapatan selama tempoh tidak berniaga.

Perniagaan buah-buahan yang diusahakan Mohamad Kamarul bertahan selama 4 tahun dengan pendapatan yang sederhana sehinggalah penama ditawarkan mengikuti *2 Years Exit Programme* (2 YEP) pada tahun 2016. Melalui program tersebut, penama telah menerima Bantuan Geran Pelancaran berjumlah RM 2,700 sekaligus dan digunakan untuk menambahbaik gerai buah-buahnya dan dijadikan modal pusingan.

Selain itu, penama juga telah terpilih untuk menyertai Program Tunas Usahawan Belia Bumiputera (TUBE) OKU anjuran bersama JKM dan SME Corp. Program berbentuk *boot camp* ini banyak memberi pendedahan ilmu pengetahuan berkaitan dunia perniagaan kepadanya. Sepanjang menjalani program tersebut selama 3 minggu di Pusat Latihan Perindustrian Dan Pemulihan (PLPP), Bangi Mohamad Kamarul mempelajari aspek kewangan, urus tadbir perniagaan, pemasaran dan sebagainya.

Komitmen dan prestasi penama sepanjang program tersebut berbaloi apabila diluluskan geran perniagaan daripada SME Corp berjumlah RM 15,000 sekaligus. Menggunakan modal yang diperolehi, penama telah memulakan perniagaan baru iaitu membuka kedai runcit dengan menyewa sebuah premis kedai yang berdekatan. Bagi melancarkan urusan perniagaannya, Mohamad Kamarul dibantu oleh ayah dan ahli keluarga untuk membeli barang kelengkapan kedainya. Kedai runcit penama mendapat sambutan dan menjadi pilihan penduduk setempat untuk mendapatkan keperluan harian mereka. Lokasi kedainya juga strategik iaitu berada bersebelahan dengan kedai makan dan ditepi jalan besar yang menjadi antara faktor perniagaannya terus berkembang dan maju.

Mohamad Kamarul kini boleh berbangga dengan usahanya memajukan diri dan mampu tersenyum lebar dengan pulangan pendapatan yang mencecah RM 15,000 hingga 20,000 sebulan. Walaupun penama merupakan OKU fizikal dan berjalan menggunakan bantuan tongkat namun penama mempunyai semangat tinggi dan boleh diangkat sebagai contoh dan *Role Model* kepada orang lain.



NAMA

Muhamad Saiful Bin Salleh

UMUR

31 Tahun

ALAMAT

No. 4 Perumahan Maik Sg
Kepa, 18300 Gua Musang,
Kelantan

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2013-2018 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 1,000 sebulan

PENDAPATAN SELEPAS PROJEK

RM 5,000 sebulan

BANTUAN AGENSI LAIN

Tube SME Corp (Geran dan Latihan)

* Elaun Pekerja Cacat (EPC) ditamatkan pada Julai 2018 kerana penama telah mampu berdikari dan telah berjaya dalam perniagaan yang diusahakannya.

MUHAMAD SAIFUL BIN SALLEH atau lebih dikenali dengan nama panggilan Saiful merupakan OKU fizikal yang mengalami kecacatan tangan sebelah kiri. Penama masih bujang dan tinggal bersama ibunya di Kampung Sungai Kepa, Gua Musang. Saiful seorang yang aktif dan rajin bekerja demi masa depannya. Sebelum mencuba nasib dalam bidang perniagaan, pelbagai kerja kampung dilakukannya demi menyara hidup penama dan ibunya. Penama tidak pernah malu melakukan kerja-kerja menebas hutan, menoreh getah dan sebagainya asalkan memberi pulangan wang bagi menampung keperluan harian mereka.

Saiful juga pernah melanjutkan pelajaran di Pusat Latihan Perindustrian Dan Pemulihan (PLPP), Bangi dalam bidang jahitan. Penglibatan Saiful dalam bidang perniagaan bermula sejak 11 tahun lalu apabila penama menimba pengalaman menjadi tukang masak di pasar malam. Pengalaman menggoreng mee dan char kuey tiow di pasar malam sedikit demi sedikit mengasah kemahirannya dalam bidang masakan. Penama kemudiannya diluluskan Elaun Pekerja Cacat (EPC) mulai Januari 2013.

Telah tertulis rezekinya dalam bidang perniagaan apabila Saiful ditawarkan Pakej Char Kuey Tiow dalam program 1Azam anjuran Kementerian Pembangunan Wanita, Keluarga dan Masyarakat (KPWKM) ketika itu. Bagai orang mengantuk disorongkan bantal, Saiful menggunakan sepenuhnya pakej diterima untuk mula berniaga sendiri di pasar-pasar malam. Hasil simpanan bekerja dan elaun yang diterima digunakan untuk membeli sebuah van terpakai bagi memudahkan pergerakannya ke lokasi berniaga.

Pada tahun 2017 penama diluluskan suntikan modal sebanyak RM 2,700 sekaligus melalui Bantuan Geran Pelancaran apabila menyertai 2 Years Exit Programme (2YEP). Perniagaan Saiful semakin berkembang dan penama meluaskan pasaran dengan turut berniaga di Pasar Ramadhan pada setiap tahun. Selain menu sedia ada seperti mee goreng, nasi goreng dan char kuey tiow, penama turut menjual kurma setiap kali Ramadhan tiba.

Pada musim buah-buahan pula Saiful akan mengambil buah-buahan tempatan seperti durian, duku, rambutan dan sebagainya dan dibawa ke Kuala Lumpur untuk dijual. Pada tahun 2018 penama telah menerima bantuan geran perniagaan daripada SME Corp apabila turut serta dalam Program Tunas Usahawan Belia Bumiputera (TUBE) OKU. Geran sebanyak RM 15,000 sekaligus yang diterima digunakan untuk membeli sebuah van baru bagi kemudahannya menjalankan perniagaan. Penama kini telah berjaya menjana pendapatan mencecah RM 5,000 sebulan dan bantuan EPC telah ditamatkan pada Ogos 2018.

Selain bidang perniagaan, Saiful juga aktif dalam bidang kemasyarakatan apabila terlibat sebagai jurulatih pengakap di sekolah-sekolah sekitar Gua Musang dan pernah dinobatkan sebagai penerima Anugerah Belia Negara Peringkat Gua Musang. Penama tidak pernah berputus asa dalam hidupnya dan sentiasa berusaha untuk memajukan diri sendiri dengan sokongan daripada ahli keluarga dan rakan-rakan baiknya. Kini penama telah berjaya memiliki sebuah kereta baru jenama Perodua Alza yang dibeli hasil titik peluhnya berniaga.



Projek 56 AGEN SINGER

Kuala Krai



NAMA

Pah Roihan Binti Syed Yesof

UMUR

47 Tahun

ALAMAT

No. 51 RPT Temalir
18000 Kuala Krai Kelantan

KATEGORI KLIEN

Ibu Tunggal

PENERIMA BANTUAN

- i) Bantuan Am (AM)
2016-2018 | RM 150
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 700 sebulan

PENDAPATAN SELEPAS PROJEK

RM 30,000 sebulan

BANTUAN AGENSI LAIN

Tiada

* Bantuan Am (BA) ditamatkan pada April 2018 kerana penama telah mampu berdikari dan telah berjaya dalam perniagaan yang diusahakannya.

PAH ROIHAN BINTI SYED YESOF berumur 46 tahun merupakan seorang ibu tunggal yang telah berpisah dengan suami sejak tahun 2011. Penama berasal dari Machang, Kelantan dan kini menetap di rumah milik sendiri yang terletak di RPT Temalir Kuala Krai, Kelantan. Penama mendapat pendidikan sehingga Tingkatan 5 (SPM Tahun 1990). Hasil perkahwinan bersama bekas suami dikurniakan 4 orang cahayamata yang kesemuanya berada di bawah jagaan penama. Setelah berpisah dengan bekas suami, Pah Roihan pernah melalui episod mendung dalam membesarkan 4 orang anak yang masih kecil setelah bergelar ibu tunggal. Penama ketika itu hanya bekerja secara sambilan menjual barangan singer dan barangan kosmetik secara kecil-kecilan dengan pendapatan yang tidak menentu iaitu sekitar RM 600-700 sebulan.

Pah Roihan adalah penerima bantuan JKM di bawah skim Bantuan Am sebanyak RM 150 sebulan mulai Mei 2016 dan telah ditamatkan bantuan mulai April 2018 kerana telah mampu berdikari. Penama telah dipilih sebagai peserta 2 Years Exit Programme (2YEP) bagi tahun 2016





berdasarkan potensi diri dan tahap keupayaannya untuk berdikari adalah tinggi. Penama menjalankan perniagaan sebagai agen Singer yang dilihat mempunyai potensi untuk berkembang dengan suntikan modal yang diberikan sebanyak RM 2,700 sekaligus. Pah Roihan juga dilihat mempunyai minat dan kesungguhan dalam melakukan sesuatu pekerjaan yang diceburi. Kehidupannya yang susah dahulu telah membentuk jati diri yang kuat di dalam diri penama dan telah berjaya mendidik anak-anak penama sehingga berjaya mendapatkan pekerjaan yang baik dan stabil.

Sebelum terlibat dalam program 2YEP, penama bermula dengan menyewa sebuah lot kedai Majlis Daerah Kuala Krai yang terletak di Pasar Borong Kuala Krai dengan kadar sewa sebanyak RM 250 sebulan sejak tahun 2013. Pada ketika itu penama baru memulakan perniagaan sebagai agen jualan Singer dan hasil jualan kurang memberangsangkan.


Sebelum merasai manisnya kejayaan, Pah Roihan pernah merasai kegagalan apabila kekurangan dana operasi dan kelemahan dari sudut pengiklanan dan pemasaran. 3 tahun kemudian perniagaan penama agak stabil dan penama telah berpindah ke lokasi kedua dengan menyewa sebuah kedai yang terletak di Jalan Batu Balai Kuala Krai yang lebih besar dan selesa dengan kadar sewa sebanyak RM 1,000 sebulan. Namun atas sebab-sebab tertentu pada bulan Julai 2019 penama sekali lagi berpindah ke kedai yang baru yang terletak di Kg Peria, Kuala Krai dengan kadar sewa yang lebih rendah iaitu sebanyak RM 400 sebulan.



Sebelum ini Pah Roihan banyak bergerak secara berseorangan dan secara sambilan serta tidak mempunyai kedai namun atas usaha dan kecekalan penama kini berperanan sebagai agen jualan Singer dengan jawatan *Business Associates Shop* dan mempunyai 5 orang staff di bawah pengurusan syarikatnya iaitu **Canteeq Jannah Enterprise**. Prestasi kerja penama yang begitu komited menunjukkan peningkatan serta perubahan pada sosioekonomi penama dan keluarga. Pendapatan bersih terkini yang diperolehi oleh penama selepas projek berjalan adalah sebanyak RM 10,000-20,000 sebulan.

Menurut penama, perniagaan jualan barangan Singer sebenarnya tidak hanya tertumpu kepada pelanggan yang datang untuk membuat pembelian di kedai sahaja kerana strategi pemasaran sebagai agen jualan Singer lebih kepada kerja di lapangan dan promosi di luar bersama masyarakat. Antara strategi pemasaran yang digunakan oleh Pah Roihan untuk menarik lebih ramai pelanggan untuk membeli barangan Singer adalah melalui pembukaan *booth* pameran di perkarangan Pusat Pakaian Hari-Hari dan Pasaraya PKT Kuala Krai. Selain itu penama juga turut mengadakan *Home Party* di kampung-kampung tertentu sekitar Kuala Krai bagi mempromosikan produk Singer. Penama juga menggunakan kaedah mengedar *flyers* kepada orang ramai di lokasi seperti pasar malam bagi meningkatkan jualan seterusnya dapat memberi informasi berkenaan produk penama dengan lebih mudah.

Walaupun Pah Roihan boleh dikategorikan usahawan yang telah berjaya, namun, penama sentiasa berusaha untuk menuntut ilmu dalam bidang perniagaan. Penama sering menyertai kursus dan seminar demi memantapkan ilmu dan kemahiran dalam bidang ini. Antara kursus yang pernah dihadiri adalah Seminar Keusahawanan Pemantapan Kemahiran, Kursus Executoroom Penjenamaan dan Pemasaran Melalui Strategi Laut Biru anjuran KESEDAR,



Program Usahawan anjuran Singer Malaysia Berhad, Seminar Transformasi Minda Usahawan Wanita “U-BOLEH” Bisnes Bersahaja Tetapi Berbisa anjuran Jabatan Pembangunan Wanita, Kursus Asas Keusahawanan anjuran Pusat Internet 1 Malaysia dan sebagainya.

Penama mempunyai impian untuk membuka cawangan kedai barangan elektrik pada masa akan datang dan mempunyai rangkaian pemasaran yang lebih baik. Selayaknya penama dijadikan sebagai ikon rujukan kepada agen yang baharu dan mempunyai lebih ramai staff di bawah pengurusan penama. Penama telah diiktiraf sebagai *Top Ten-In Recognition Of Outstanding Performance During Year 2017 (Constation BA SHOP) Northeast Region* dan *Excellent Sale Awards 2018 1st Runner Up* dengan hasil jualan sebanyak RM679,254 bagi kategori BA SHOP. Penama turut terlibat dengan program *Client Support Group 2 YEP* yang berperanan membimbing dan membantu klien 2 YEP lain untuk mengembangkan lagi perniagaan mereka.

Kejayaan demi kejayaan yang diraih tidak pernah membuatkan Pah Roihan lupa diri dan asal usulnya yang bermula daripada bawah. Justeru, dengan kelebihan dan rezeki yang dinikmati kini, penama maju selangkah lagi membantu nasib ibu-ibu tunggal penerima bantuan JKM dikampungnya dengan cara mengambil mereka bekerja dengannya. Usaha murni penama ini wajar diiktiraf dan dicontohi oleh usahawan-usahawan lain.





NAMA

Rosmani Binti Ismail

UMUR

43 Tahun

ALAMAT

Kampung Kulim, Semerak
16700 Pasir Puteh, Kelantan

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2015-2018 | RM 200
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 500 sebulan

PENDAPATAN SELEPAS PROJEK

RM 14,000 sebulan

BANTUAN AGENSI LAIN

KPWKM (Pakej 1AZAM)

* Bantuan Kanak-Kanak (BKK) ditamatkan pada Februari 2018 kerana penama telah mampu berdikari dan telah berjaya dalam perniagaan yang diusahakannya.

ROSMANI BINTI ISMAIL, 43 tahun merupakan ibu tunggal penerima bantuan JKM sebanyak RM 200 sebulan. Perkahwinan bersama bekas suami dikurniakan 2 orang cahayamata lelaki yang kini berusia 14 dan 12 tahun. Perpisahan dengan bekas suami pada tahun 2012 sedikit sebanyak memberi kesan kepada ekonomi keluarganya. Sikap suami yang berlepas tangan dan tidak memberi nafkah menyukarkan penama memenuhi keperluan harian dan persekolahan anak-anak.

Bagi meneruskan kelangsungan hidup bersama anak-anaknya, Rosmani bekerja sebagai pembantu kedai makan dengan pendapatan sebanyak RM 500 sebulan. Dengan pendapatan yang tidak seberapa agak sukar untuknya memenuhi keperluan mereka sekeluarga ketika itu. Kesulitan hidup penama anak-beranak mendapat perhatian JKM dan diluluskan Bantuan Kanak-Kanak sebanyak RM 200 sebulan mulai Februari 2015.

Rosmani meneruskan rutin sebagai pembantu kedai makan selama 4 tahun sebelum mula memikirkan masa depan dirinya dan anak-anak. Kenaikan kos sara hidup ditambah anak-anak yang semakin membesar dan memerlukan perbelanjaan yang tinggi membuatkan penama nekad berhenti kerja dan mencuba nasib dalam bidang perniagaan. Berbekalkan pengalaman bekerja di kedai makan, penama mengambil langkah berani membuka perniagaan kedai makan secara kecil-kecilan pada Disember 2015. Kerana kekurangan modal, penama hanya berniaga nasi berlauk, minuman panas, air kelapa dan air tuak sahaja pada peringkat permulaan.

Rezeki berpihak padanya apabila terpilih sebagai peserta program 1Azam anjuran Kementerian Pembangunan Wanita, Keluarga dan Masyarakat



(KPWKM). Melalui program tersebut, penama telah menerima beberapa peralatan untuk kegunaan dikedai makannya. Perniagaannya mula mendapat sambutan dan memperolehi RM 4,500 sebulan dan mampu untuk menggajikan 2 orang pekerja.

Namun, langit tidak selamanya cerah apabila setelah beroperasi beberapa bulan kedai Rosmani diberi notis oleh Majlis Daerah Pasir Puteh untuk berpindah kerana terletak dibahu jalan. Penama menganggap itu semua asam garam dan cabaran yang perlu dihadapi dalam dunia perniagaan. Rosmani tidak patah semangat dan akur untuk berpindah. Hikmah disebalik peristiwa tersebut, penama berjaya mendapatkan sebuah kedai baru yang lebih strategik dan mempunyai ruang letak kereta yang agak selesa bagi kemudahan pelanggannya.

Keazaman dan motivasi yang tinggi ditunjukkan oleh Rosmani untuk memajukan perniagaannya menyebabkannya terpilih sebagai peserta *2 Years Exit Programme* (2 YEP) pada tahun 2016. Penama diluluskan Bantuan Geran Pelancaran berjumlah RM 2,700 sekaligus sebagai suntikan modal untuk menambah peralatan dikedai seperti peti sejuk beku dan peralatan lain serta menambah ruang kedai.

Sambutan yang semakin menggalakkan menjadi pemangkin semangat kepada Rosmani untuk mengembangkan perniagaannya dengan mempelbagaikan menu masakan seperti nasi sup *gear box*, sup perut, sup ayam, tom yam, mee sup, mee kari, nasi air dan pelbagai jenis minuman panas dan sejuk, air kelapa dan tuak (nira). Penama memulakan perniagaan pada jam 8.00 pagi hingga 5.30 petang setiap hari dan dibantu oleh 3 orang pekerja. Kini penama telah meraih jualan sebanyak RM 14,000 sebulan hasil perniagaan kedai makannya.





NAMA

Saripah Binti Mohd Noor

UMUR

43 Tahun

ALAMAT

Kampung Tok Bali, Semerak
17600 Pasir Puteh, Kelantan

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2013-2018 | RM 400
- ii) Bantuan Geran Pelancaran (BGP)
2016 | RM 2,700

PENDAPATAN SEBELUM PROJEK

RM 700 sebulan

PENDAPATAN SELEPAS PROJEK

RM 2,000 sebulan

BANTUAN AGENSI LAIN

AIM (Pinjaman Kewangan)

* Bantuan Kanak-Kanak (BKK) ditamatkan pada April 2018 kerana penama telah mampu berdikari dan telah berjaya dalam perniagaan yang diusahakannya.

SARIPAH BINTI MOHD NOOR berusia 43 tahun merupakan penerima bantuan daripada JKM. Perkahwinan dengan bekas suami berakhir dengan perpisahan pada tahun 2013. Hasil perkahwinan tersebut dikurniakan 6 orang cahayamata yang berada dibawah jagaan dan tanggungan penama. Menyara 6 orang anak yang masih bersekolah memberi cabaran yang besar kepada penama ketika itu tambahan pula penama tiada sumber pendapatan tetap. Sumber pendapatan Saripah sekeluarga ketika itu hanya bergantung kepada hasil tanaman sayur-sayuran yang diusahakan dengan pulangan yang tidak seberapa. Manakala bekas suami tidak pernah membantu dan memberi nafkah untuk anak-anaknya. Kesusahan hidup Saripah dalam memenuhi tuntutan keperluan harian dan persekolahan anak-anak telah melayakkannya menerima Bantuan Kanak-Kanak sebanyak RM 400 sebulan.

Setelah perceraian dengan bekas suami, Saripah mula berjinak-jinak dengan bidang jahitan secara kecil-kecilan di rumah. Pendapatan yang diperolehi adalah sederhana memandangkan tidak ramai yang tahu perkhidmatan menjahit pakaian yang ditawarkan.



Penama sedar, untuk mendapatkan pendapatan yang lebih baik, penama perlu keluar daripada kepompong tersebut dan mencari premis sendiri bagi memudahkan masyarakat sekitar tahu akan kewujudan perkhidmatan yang ditawarkan.

Atas kesedaran tersebut, Saripah mula mencari premis untuk dijadikan kedai jahit. Penama juga memberanikan diri membuat pinjaman dengan Amanah Ikhtiar Malaysia (AIM) sebanyak RM 7,000 dengan komitmen bayaran balik secara mingguan untuk dijadikan modal permulaan kedai jahitnya. Kesungguhannya membuahkan hasil apabila tempahan yang diterima semakin bertambah dan mampu mendapat pendapatan sekitar RM 700 sebulan.

Memandangkan penama bermotivasi tinggi untuk memajukan kedai jahitannya, penama dipilih untuk menyertai 2 Years Exit Programme (2 YEP) pada 23 Mei 2016 dan diberi Bantuan Geran Pelancaran sebanyak RM 2,700 sekaligus untuk menambah mesin jahit dan peralatan-peralatan jahitan yang lain. Berkat ketabahan dan kesungguhan, kedai jahit Saripah mula menjadi pilihan masyarakat setempat dan tidak menang tangan menerima tempahan terutamanya pada musim perayaan. Kedai jahitnya beroperasi pada jam 8.00 pagi hingga 5.30 petang. Penama telah mengambil 2 orang pekerja untuk membantunya memenuhi tempahan pelanggan dan pendapatannya mula meningkat sekitar RM 1,500 sebulan.

Setelah perkhidmatan jahitannya mula dikenali, Saripah mempelbagaikan lagi cabang perniagaan dengan menjual peralatan-peralatan kecil untuk jahitan dan membuka kelas jahitan dengan bayaran RM 5.00 sejam. Kini, pendapatannya telah mencecah RM 2,000 sebulan dan Bantuan Kanak-Kanak telah ditamatkan pada April 2018 kerana telah mampu berdikari dan berjaya dalam perniagaan yang diusahakan.







Sabah

NEGERI DI BAWAH BAYU



NAMA

Farinah Mohd Khalid

UMUR

43 Tahun

ALAMAT

Kampung Gudon, Manggatal
Kota Kinabalu, Sabah

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2017-2019 | RM 300
- ii) Bantuan Geran Pelancaran (BGP)
2018 | RM 2,700

PENDAPATAN SEBELUM PROJEK

RM 600 sebulan

PENDAPATAN SELEPAS PROJEK

RM 2,500 sebulan

BANTUAN AGENSI LAIN


Amanah Ikhtiar Malaysia (Kewangan)

* Bantuan Kanak-kanak (BKK) ditamatkan pada Julai 2019 kerana penama telah mampu berdikari dan telah berjaya dalam perniagaan yang diusahakannya.

FARINAH merupakan seorang ibu tunggal sejak berpisah dengan bekas suaminya pada tahun 2015. Hasil perkahwinan bersama bekas suami dikurniakan 4 orang cahayamata iaitu 2 lelaki dan 2 perempuan. Selepas perceraian, bekas suami gagal melaksanakan tanggungjawab nafkah terhadap anak-anak menyebabkan mereka mengalami kesempitan hidup. Tambahan pula, ketika perceraian berlaku, 3 orang anak penama masih bersekolah dan memerlukan perbelanjaan yang agak besar.

Farinah berjinak-jinak dalam bidang perniagaan sejak sebelum bercerai dengan bekas suaminya lagi. Walaupun suaminya bekerja, masalah kewangan sering membelenggu kehidupan mereka menyebabkan penama nekad untuk berusaha mengubah nasib keluarganya dengan memulakan perniagaan sendiri. Dengan sokongan daripada ibu, bapa dan adik beradiknya, Farinah membuka warung soto pada tahun 2008 bermodalkan RM 500 sahaja.





Walau bagaimanapun, warung sotonya terpaksa ditutup pada tahun 2010 kerana keadaan kesihatan yang kurang baik selepas melahirkan anak yang ke 4. Setelah pulih dari sakit, Farinah terpaksa bekerja di kantin sekolah selama setahun kerana warung sotonya kurang mendapat sambutan.

Pada tahun 2017, Farinah memulakan kembali perniagaan sotonya hasil daripada simpanan yang dikumpul sepanjang bekerja di kantin sekolah. Belajar daripada kesilapan lalu, Farinah giat mempromosikan warung sotonya di *Facebook* dan status *Whatsapp*. Sedikit demi sedikit warung sotonya mula mendapat perhatian dan dikenali ramai.

Perniagaan soto yang diusahakan mula menampakkan peningkatan. Namun, hasil pendapatan tersebut masih belum mampu menampung belanja harian dan persekolahan 3 orang anaknya. Justeru itu, JKM telah meluluskan Bantuan Kanak-Kanak sebanyak RM





300 sebulan untuk keperluan mereka. Pada tahun 2018, penama berjaya dalam saringan yang dijalankan oleh JKM dan ditawarkan untuk menyertai program penjaanaan pendapatan iaitu 2 Years Exit Programme (2YEP).

Penyertaan Farinah dalam program ini melayakkannya menerima Bantuan Geran Pelancaran sebanyak RM 2,700 sekaligus yang digunakan sebagai suntikan modal untuk memajukan perniagaan sotonya. Berbekalkan bantuan daripada JKM dan pinjaman kewangan daripada Amanah Ikhtiar Malaysia (AIM), Farinah melakukan pengubahsuaian warung sotonya, membuat banner, membeli peralatan baru dan sebagainya. Selain soto, penama turut mempelbagaikan menu di warungnya bagi menarik pelanggan. Penama juga menerima tempahan menyediakan nasi campur dan menawarkan perkhidmatan *cash on delivery* (COD) soto dan rojak yang ditempah pelanggan.



Dengan semangat dan kegigihannya berniaga, warung soto Farinah semakin maju. Farinah sentiasa berpegang kepada prinsip, “jangan pernah berputus harapan dengan kegagalan dalam kehidupan” dan “benda takkan bergolek tanpa usaha dari sendiri”. Kini perniagaannya turut dibantu oleh anak sulungnya. Farinah sentiasa berdoa agar perniagaannya sentiasa berkembang dan diwarisi oleh anak-anaknya suatu hari nanti.





NAMA

Felicia Binti Lojinga

UMUR

45 Tahun

ALAMAT

Kampung Kituau, 89500
Penampang, Kota Kinabalu,
Sabah

KATEGORI KLIEN

Orang Kurang Upaya

PENERIMA BANTUAN

- i) Elaun Pekerja Cacat (EPC)
2007-2018 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 100-500 sebulan

PENDAPATAN SELEPAS PROJEK

RM 1,000-5,000 sebulan

BANTUAN AGENSI LAIN

Tiada

* Elaun Pekerja Cacat (EPC) ditamatkan pada Oktober 2018 kerana penama telah mampu berdikari dan telah berjaya dalam perniagaan yang diusahakannya.

FELICIA BINTI LOJINGA berusia 45 tahun merupakan seorang OKU fizikal iaitu kecacatan sejak lahir ditelapak kaki kiri yang menyukarkan pergerakannya. Felicia mempunyai 3 orang anak yang mana seorang anak masih bersekolah manakala dua orang anak telah tamat persekolahan. Suami penama pula bekerja sebagai pemandu di Majlis Daerah Penampang dengan pendapatan bulanan sebanyak RM 1,900 dan akan bersara tidak lama lagi. Penama sendiri bekerja sebagai tukang sapu di Klinik Desa Kampung Limbanak, Penampang dengan pendapatan bulanan sebanyak RM 800. Penama adalah penerima Elaun Pekerja Cacat (EPC) di Pejabat Kebajikan Daerah Penampang sejak tahun 2007.

Menurut penama, keadaan fizikal yang dialaminya tidak membataskannya untuk terus bekerja dan berusaha untuk meraih pendapatan sendiri tanpa mengharapkan pendapatan suaminya semata-mata. Minat penama dalam bidang perniagaan tidak pernah padam walaupun penama telah bekerja makan gaji dengan pendapatan tetap. Kerana minat yang mendalam dan ingin mencuba sesuatu yang baru, Felicia menyahut cabaran memberanikan diri menceburi bidang perniagaan dengan membuka kedai runcit pada tahun 2013. Berbekalkan modal sebanyak RM 2,000 hasil simpanannya, penama memulakan perniagaan kedai runcit di hadapan rumahnya.

Pada awal perniagaan, kedai runcit penama hanya beroperasi pada waktu petang hingga malam sahaja memandangkan penama masih meneruskan kerjanya sebagai tukang sapu. Pada waktu itu, pendapatan yang diperolehi adalah sekitar RM 100 ke RM 500 sebulan dan akan meningkat lebih tinggi pada musim perayaan. Walaupun jumlahnya agak kecil, namun sudah cukup menggembirakan Felicia dan menjadi pemangkin semangat untuknya terus berusaha. Namun



begitu, pada tahun 2014 hingga 2016 perniagaan kedai runcit penama terpaksa dihentikan apabila penama sarat mengandung dan bersalin anaknya yang ke tiga dan memberi fokus kepada penjagaan anaknya yang masih kecil.

Setelah berehat selama 2 tahun dan anak-anak semakin membesar, Felicia bangkit sekali lagi pada awal tahun 2017 dengan membina premis baru untuk kedai runcitnya dan mula beroperasi semula. Premis baru kedai runcitnya lebih strategik kerana terletak berhampiran jalan raya dan memudahkan pelanggan mengunjunginya. Barangan yang di jual adalah seperti keperluan rumah dan makanan ringan. Kebanyakan stok barangan diperolehi daripada kedai borong Donggongan, Penampang. Pada September 2017, kontrak kerjanya sebagai tukang sapu telah tamat dan Felicia tidak berhasrat untuk meneruskannya kerana masalah kesihatan. Manakala suami penama juga dalam proses untuk bersara pada waktu itu. Lantas kedua-dua mereka berhasrat untuk memfokuskan kepada perniagaan kedai runcit mereka yang semakin mendapat sambutan.



Pejabat Kebajikan Daerah Penampang seterusnya telah menawarkan penama untuk mengikuti 2 Years Exit Programme (2YEP) dan pada bulan Jun 2017 Bantuan Geran Pelancaran (2YEP) telah diluluskan sebanyak RM 2,700 sekaligus sebagai suntikan modal untuk perniagaannya. Dengan pemberian Bantuan Geran Pelancaran sebanyak RM 2,700, Felicia telah menambah beberapa barangan di kedainya seperti meja, kabinet, peti ais dan barang keperluan lain. Kini, perniagaannya semakin maju dan mampu menjana pendapatan sekitar RM 1,000 hingga RM 5,000 sebulan. Pada bulan September 2018, EPC penama telah ditamatkan kerana telah mampu berdikari. Penama kini telah membuka satu lagi cawangan kedai runcit di kampung kelahirannya di Kampung Sugud, Penampang. Felicia amat bersyukur dengan bantuan yang telah diterima daripada JKM kerana mampu meningkatkan pendapatan serta memberikan kehidupan yang lebih baik kepada mereka sekeluarga.

Projek 61 SALUN RAMBUT

Keningau



NAMA

Juliana Sunggak

UMUR

47 Tahun

ALAMAT

Kampung Bahgia, A 89950
Nabawan, Sabah

KATEGORI KLIEN

Ibu Tunggal

PENERIMA BANTUAN

- i) Bantuan Kanak-Kanak (BKK)
2012-2018 | RM 200
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 500 sebulan

PENDAPATAN SELEPAS PROJEK

RM 10,000 sebulan

BANTUAN AGENSI LAIN

Tiada

* Bantuan Kanak-Kanak (BKK) ditamatkan pada Ogos 2018 kerana penama telah mampu berdikari dan telah berjaya dalam perniagaan yang diusahakannya.

JULIANA BINTI SUNGGAK merupakan ibu tunggal kematian suami berusia 47 tahun. Hasil perkahwinan bersama mendiang suami dikurniakan anak seramai 5 orang dimana seorang telah mendirikan rumahtangga manakala empat orang lagi masih bersekolah. Selain daripada anak-anak, penama turut menyara ibunya yang tinggal bersama setelah kematian bapanya. Mendiang suami tidak meninggalkan apa-apa harta bagi menyara anak-anaka mereka. Walau bagaimanapun, penama bersyukur kerana mendinag bapanya meninggalkan rumah pusaka untuk didiami bersama ibunya.

Bagi menyara hidup dan persekolahan anak-anak, penama mengusahakan perkhidmatan menggunting rambut secara kecil-kecilan sejak tahun 2005. Bermodalkan RM 3,000 hasil simpanan sendiri dan RM 2,000 bantuan daripada makciknyanya, penama mula menawarkan perkhidmatan menggunting rambut di sebuah premis milik Majlis Daerah Nabawan. Akibat kekangan kewangan, penama hanya mampu menumpang sewa separuh daripada premis kedai tersebut.





Juliana mempunyai kepakaran bukan sahaja menggunting rambut tetapi juga mempunyai pelbagai kemahiran lain seperti mewarna, teknik *rebonding* dan sebagainya. Walau bagaimanapun, kerana kesempitan modal penama hanya menawarkan perkhidmatan menggunting dan mencuci rambut sahaja kerana tidak mampu menyediakan peralatan dan bahan-bahan yang diperlukan untuk mengembangkan perniagaannya. Oleh kerana perkhidmatan yang ditawarkan agak terbatas, perniagaannya agak kurang mendapat sambutan dan hanya mampu meraih RM 500 sahaja sebulan. Memandangkan keperluan perbelanjaan harian dan persekolahan anak-anak sangat mendesak pada waktu itu, penama telah hadir ke JKM untuk memohon Bantuan Kanak-Kanak dan telah diluluskan pada bulan Ogos 2011.

Seliaan dan pemantauan berterusan yang dijalankan oleh pekerja kes mendapati penama mempunyai potensi untuk dibangunkan dan keluar daripada kelompok kemiskinan kerana mempunyai kepakaran yang boleh digunakan untuk menjana pendapatan. Masalah utama Juliana adalah kekurangan modal bagi membolehkannya mempelbagaikan perkhidmatan di premis miliknya. Lantas, pada tahun Julai 2017 penama diberikan Bantuan Geran Pelancaran sebanyak RM 2,700 melalui 2 Years Exit Programme (2YEP). Bantuan tersebut digunakan untuk membuat pembelian peralatan dan bahan serta menambah seorang pekerja lelaki kerana sebelum ini penama hanya dibantu oleh anaknya yang dewasa saja.

Setelah beberapa bulan sahaja perniagaan penama sudah mula berkembang dan mendapat perhatian. Juliana mula menambah perkhidmatan seperti mewarna rambut, *rebonding*, cukur kening dan pelbagai lagi. Pendapatan penama kini telah mencecah RM 10,000 sebulan dan Bantuan Kanak-Kanak telah ditamatkan pada Ogos 2018. Penama juga telah membesarkan premis perniagaan dan kini mampu menyewa keseluruhan satu kedai. Perniagaannya semakin berkembang dan menjadi antara perniagaan yang paling berdaya saing di daerah Nabawan.

Projek 62 KEDAI RUNCIT

Keningau



NAMA

Mayon Bin Asun

UMUR

61 Tahun

ALAMAT

Kampung Masanoi,
Peti Surat 306,
89908 Tenom, Sabah

KATEGORI KLIEN

Orang Kurang Upaya

PENERIMA BANTUAN

- i) Bantuan Am (BA)
1987-2018 | (RM 255)
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 500 sebulan

PENDAPATAN SELEPAS PROJEK

RM 55,000 sebulan

BANTUAN AGENSI LAIN

Tiada

* *Bantuan Am (BA) ditamatkan pada Oktober 2018 kerana penama telah mampu berdikari dan telah berjaya dalam perniagaan yang diusahakannya.*

MAYON ASUN berusia 60 tahun dan berbangsa Murut merupakan seorang OKU fizikal dimana penama mengalami pengecilan di bahagian kaki dan bengkok. Ini menyebabkannya sukar untuk bergerak dan hanya menggunakan kerusi roda. Penama menetap di Kampung Masanoi, Tenom bersama isteri iaitu Yalinah Binti Muyu. Hasil perkahwinan ini, mereka telah dikurniakan 6 orang cahayamata iaitu 4 lelaki dan 2 perempuan. Dua daripada anaknya masih bersekolah dalam Tingkatan 5 dan Tahun 4. Walaupun seorang OKU, Mayon mampu untuk mendidik anak-anaknya menjadi seorang yang bekerjaya. Dua orang anak lelaki penama bekerja sebagai tentera dan juruteknik.

Mayon Asun merupakan penerima Bantuan Am (BA) sejak tahun 1987 lagi dengan kadar RM 75 sebulan ketika itu. Dengan wang bantuan daripada Jabatan Perkhidmatan Kebajikan Am Sabah, penama berusaha mengumpulkannya untuk dijadikan modal memulakan perniagaan secara kecil-kecilan. Akhirnya, penama mampu membuka sebuah kedai runcit dengan modal sebanyak RM750 sahaja dengan ruang kedainya hanya diperbuat daripada buluh. Walaupun banyak kesukaran yang telah dilalui, ianya tidak mematahkan semangat dan penama tidak pernah berputus asa. Penama berpegang teguh dengan prinsip hanya bidang perniagaan mampu mengubah nasib mereka sekeluarga. Tambahan pula penama sedar kekurangan dirinya sangat membataskan pergerakannya untuk melakukan pekerjaan lain sebagai punca pendapatan menyara keluarganya.

Pada awalnya perniagaan kedai runcit yang diusahakan mendapat sambutan yang agak sederhana daripada penduduk. Walaupun mendapat permintaan yang tinggi daripada masyarakat setempat, kekangan modal menyebabkan penama tidak mampu mempelbagaikan bahan-bahan untuk jualan dan hanya mampu




menyediakan stok yang sedikit. Justeru itu, Mayon mengambil inisiatif merujuk ke Jabatan Perkhidmatan Kebajikan Am Sabah bagi mendapatkan modal tambahan.

Melihat kesungguhan dan semangat Mayon ingin mengubah sosio ekonomi keluarganya, Jabatan Perkhidmatan Kebajikan Am Sabah telah menawarkan penama untuk menyertai *2 Years Exit Programme (2YEP)* pada tahun 2017 dan disalurkan Bantuan Geran Pelancaran sebanyak RM 2,700 sekaligus sebagai suntikan modal. Bantuan yang diterima digunakan untuk menambah stok dan mempelbagaikan barangan jualan di kedainya. Penama tidak mengalami masalah mendapatkan stok kerana mendapat bekalan barangan runcit daripada sebuah kedai runcit di Pekan Tenom yang akan datang membuat penghantaran barangan 4 kali sebulan. Semua stok barangan runcit yang diambil oleh beliau akan dibayar tunai olehnya dan tidak menghadapi bebanan hutang dengan mana-mana pihak.

Perniagaan Mayon mula menunjukkan peningkatan yang amat memuaskan dan mendapat sambutan yang begitu memberansangkan daripada penduduk sekitar kampung. Tambahan pula kedai runcit miliknya merupakan satu-satunya kedai runcit yang boleh didapati di kampung tersebut. Purata pendapatan juga telah meningkat dengan mendadak kepada RM 800 sehingga RM 2,000 sehari. Hasil keuntungan yang diperolehi disimpan sedikit demi sedikit untuk dijadikan modal bagi membaiki premis kedai runcitnya. Dan kini penama mampu berbangga kerana hasil titik peluhnya telah berjaya menggantikan ruangan kedai yang diperbuat daripada buluh ke bangunan konkrit sepenuhnya.

Selain berniaga kedai runcit, Mayon juga meminat bidang muzik dan pernah mengeluarkan empat buah album yang dijual dipasaran Sabah. Penama sudah lama mengimpikan untuk memiliki studio sendiri dan akhirnya pada tahun 2018 impiannya telah berjaya direalisasikan. Studio ini adalah tempat baginya untuk mengisi masa lapang bersama dengan keluarganya. Perusahaan yang dijalankan oleh penama adalah satu bukti bahawa OKU mampu melangkah lebih jauh lagi dan kekurangan diri yang ada bukanlah satu alasan untuk tidak berusaha.





NAMA

Mohd Zainisam Bin Abd. samah

UMUR

38 Tahun

ALAMAT

Lot 349, Blok 21, Peringkat 4
Rancangan Sungai Manila, Batu 12,
90000 Sandakan, Sabah

KATEGORI KLIEN

OKU

PENERIMA BANTUAN

- i) Elaun Pekerja Cacat (EPC)
2017-2019 | (RM 300)
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 150 sebulan

PENDAPATAN SELEPAS PROJEK

RM 5,000-15,000 sebulan

BANTUAN AGENSI LAIN

- i) Lembaga Kemajuan Tanah Negeri Sabah (SLDB) - Kewangan
- ii) Jab. Perkhidmatan Veterinar Sandakan (JPV)-Aset
- iii) Jabatan Tenaga Kerja (JTK)-Kewangan

* Elaun Pekerja Cacat (EPC) ditamatkan pada Februari 2019 kerana penama telah mampu berdikari dan telah berjaya dalam perniagaan yang diusahakannya.

MOHD ZAINISAM BIN ABD SAMAH berusia 38 tahun merupakan Orang Kurang Upaya (OKU) Penglihatan yang berdaftar dengan JKM. Penama telah berkahwin dan mempunyai 2 orang cahaya mata. Isteri penama merupakan seorang suri rumah tangga sepenuh masa dan banyak membantu penama menguruskan aktiviti penternakan dan pertaniannya.

Penama telah disahkan mengalami ketidakupayaan penglihatan berpunca daripada penyakit yang dihidapi dimana penama mengalami masalah rabun dan kurang jarak penglihatan serta perlu menitikkan ubat ke dalam mata. Sebelum kehilangan deria penglihatan, Zainisam mengusahakan perniagaan kafe siber di daerah Lahad Datu. Ekoran daripada masalah kesihatan yang memerlukannya berulang alik ke Hospital Duchess of Kent dan Hospital Queen Elizabeth II untuk mendapatkan rawatan, penama mengambil keputusan untuk menutup perniagaan tersebut dan berpindah balik ke kampung halaman di Rancangan Sungai Manila, Batu 12 Sandakan.

Setelah menjalani beberapa siri pembedahan dan rawatan berkala, deria penglihatan Zainisam tidak menunjukkan tanda-tanda semakin pulih malah penglihatannya semakin kabur. Memandangkan keadaan diri tidak mampu






bekerja dan hilang punca pendapatan, penama telah datang ke JPKA Sandakan untuk memohon bantuan kewangan bulanan dan diluluskan Bantuan AM (BA) sebanyak RM 150 sebulan.

Zainisam mula mengusahakan penternakan kambing secara kecil-kecilan sebagai punca rezeki keluarganya. Setelah disahkan hilang deria penglihatan dan bergelar OKU, Bantuan Am penama telah ditukarkan kepada Elaun Pekerja Cacat (EPC) sebanyak RM 400 sebulan bermula Disember 2017. Selain menternak kambing, Zainisam turut mengusahakan tanaman sayur secara kecil kecilan. Pekerja kes telah melihat potensi yang ada dalam diri penama dan pengalaman mengusahakan perniagaan sebelum ini serta kesungguhannya untuk meningkatkan ekonomi keluarga lalu ditawarkan untuk menyertai 2 Years Exit Programme (2YEP).

Zainisam telah menerima Bantuan Geran Pelancaran berjumlah RM 2,700 sekaligus sebagai modal suntikan bagi mengembangkan projek ternakannya. Daripada modal 2YEP, penama telah membeli beberapa ekor kambing dan membina kandang kecil seluas 112 kaki persegi. Oleh kerana minat mendalam dalam bidang penternakan, penama sendiri telah mendaftar sebagai ahli Peladang Sandakan dan mengikuti kursus asas penternakan yang dianjurkan oleh Koperasi Pernternak Negeri Sabah atau dikenali KOPENS dan mendapat tunjuk ajar serta bimbingan daripada penternak lama.





Hasil daripada keuntungan perniagaan yang dikumpul, penama telah mengubahsuai kandang sedia ada agar dapat menampung jumlah kambing daripada 5 ekor kepada 30 ekor pada satu-satu masa. Zainisam juga membuat sedikit pinjaman kewangan daripada keluarga terdekat sebagai modal tambahan untuk projek ternakannya. Bagi meningkatkan pendapatan sedia ada serta mengusahakan tanah yang terbiar, penama telah merujuk kepada Lembaga Kemajuan Tanah Negeri Sabah (LKTNS) bagi permohonan geran *one off* sebanyak RM 28,000 bagi projek penanaman cili fertigasi ditanah seluas $\frac{1}{4}$ ekar yang diuruskan sepenuhnya oleh pihak LKTNS dibawah Kementerian Pembangunan Luar Bandar dan Wilayah (KPLW) atau sekarang dikenali sebagai Kementerian Pemabngunan Luar Bandar (KPLB).

Pihak LKTNS akan membeli semula hasil tanaman tersebut dan telah membina sebuah kilang bagi memproses cili yang dihasilkan. Peserta mampu meraih pendapatan sekitar RM 900 hingga RM 1,000 sebulan hasil daripada projek tanaman cili ini. Pada masa yang sama juga, pekerja kes telah merujuk permohonan penama sebagai penternak kepada Jabatan Perkhidmatan Veterina Sandakan bagi Skim Pawah Kambing. Beberapa siri mesyuarat Jawatankuasa Penilaian 2YEP Bahagian Sandakan bersama agensi-agensi terlibat telah diadakan dan mendapat respon positif daripada pihak terbabit.

Zainisam telah menjadi perintis bagi projek NBOS 2YEP Sandakan dan Jabatan Perkhidmatan Veterinar Sandakan telah meluluskan pinjaman kambing baka Boer Australia sebanyak 26 ekor termasuk pejantan untuk dibiakkan pada Januari 2019. Berkat usaha penama, pendapatannya telah meningkat ke RM 7,000-9,000 sebulan. Usaha penama tidak berhenti setakat itu sahaja, bilamana penama telah mengubahsuai kandang sedia ada kepada kandang yang lebih besar yang mampu memuatkan sehingga 70 ekor kambing pada satu-satu masa. Ladang ternakan Zainisam juga telah dipilih sebagai lapangan untuk latihan amali bagi para peserta siri kursus asas penternakan pihak KOPENS di Bahagian Sandakan. Ekoran daripada usaha dan semangat

penama yang tidak pernah berputus asa, Zainisam telah dicalonkan oleh pihak Jabatan Perkhidmatan Kebajikan Am Bahagian Sandakan dan Ibu Pejabat Jabatan Perkhidmatan Kebajikan Am Sabah untuk anugerah *MAB Excellence Achievement Awards For The Blinds And Visually Impaired, Malaysian Association For The Blind (MAB)* bagi kategori Keusahawanan Muda.

Tiada siapa menyangka, rezeki anak watan Sandakan ini untuk memenangi anugerah tersebut. Pihak MAB berbesar hati menjemput penama bagi menerima anugerah *Special Recognition* yang disampaikan oleh YAB Timbalan Perdana Menteri Malaysia, Datuk Seri Dr Wan Azizah Wan Ismail merangkap Menteri Pembangunan Wanita, Keluarga dan Masyarakat dalam satu majlis gilang gemilang yang diadakan di Petaling Jaya pada April 2019. Penama telah diterbangkan dari Sandakan bagi menerima anugerah tersebut dan membawa pulang trofi, cek penghargaan sebanyak RM 1,500 dan wang poket berjumlah RM 200.

Zainisam tidak mudah berpuas hati dengan kejayaan yang telah diraih. Penama sering menanam prinsip dalam dirinya agar tidak mudah berpuas hati dan perlu sentiasa berusaha untuk terus berjaya. Hasilnya, satu lagi jaringan usaha sama bersama Jabatan Tenaga Kerja Sandakan telah dicapai. Penama telah memohon Skim Bantuan Galakan Perniagaan Orang Kurang Upaya (SBGPOKU) dan permohonannya telah mendapat kelulusan sebanyak RM 89,700 pada September 2019 untuk membina kandang kambing baharu seluas 2,400 kaki persegi yang terdiri daripada 12 petak kandang serta menyelenggara 2 buah kandang lama yang menampung sebanyak 200 ekor kambing. Pembinaan kandang kambing telah pun bermula dan siap pada akhir tahun 2019. Zainisam juga kini dalam proses memohon Skim Pawah Kambing dari Jabatan Perkhidmatan Veterinar Sabah buat kali

kedua untuk tujuan tambahan pinjaman kambing sedia ada. Zainisam bersyukur kerana usahanya sentiasa mendapat bantuan dan sokongan daripada pelbagai agensi kerajaan dan berharap agar jaringan kerjasama dengan JKM, JTK serta JPV akan berterusan.

Apa yang lebih membanggakan, penama telah dilantik sebagai pembekal oleh MYDIN Sandakan bagi membekalkan produk bahagian *fresh market*. Penama juga giat membekalkan hasil tanaman seperti cili dan beberapa sayuran dan buah-buahan yang lain. Zainisam kini aktif membantu peserta Amanah Ikhtiar Malaysia (AIM) di kampung-kampung terutama ibu tunggal yang mengusahakan tanaman dengan membeli hasil produk mereka dengan harga yang lagi tinggi berbanding peraih tempatan bagi menambah bekalan sedia ada kepada pihak MYDIN. Usaha ini telah membantu ibu-ibu tunggal menjana pendapatan sekitar RM 700-900 sebulan berbanding RM 500 sebulan sebelum ini.

Pencapaian penama sepanjang tempoh pelaksanaan 2YEP telah membuahkan hasil dimana penama sendiri telah berjaya menggajikan seorang pekerja OKU serta berjaya membuka peluang perniagaan kepada komuniti kelompok ibu tunggal yang merupakan peserta AIM Sandakan.

Kini pendapatan penama telah pun mencecah paras sekitar RM 5,000 sehingga RM 15,000 sebulan bergantung kepada permintaan. Penama kini bergiat aktif mempromosikan produk ternakan dan pertaniannya secara *online* melalui *facebook* Fahmi Agro Farm. Zainisam sentiasa bersyukur dengan segala kejayaan yang diraih. Walaupun telah menjadi usahawan berjaya, penama berazam untuk membantu golongan yang kurang bernasib baik selaras dengan moto perniagaan penama yang berkonsepkan kebajikan iaitu *Once you do a good deed, The good things will come to you*.





Wilayah Persekutan
LABUAN



NAMA

Riwanzilawaty Binti Amir

UMUR

28 Tahun

ALAMAT

Kampung Bebuloh Darat

KATEGORI KLIEN

Keluarga Miskin

PENERIMA BANTUAN

- i) Bantuan Kanak-Kanak (BKK)
2016-2020 | RM 400
- ii) Bantuan Geran Pelancaran (BGP)
2017 | RM 2,700

PENDAPATAN SEBELUM PROJEK

RM 1,200 sebulan

PENDAPATAN SELEPAS PROJEK

RM 4,000 sebulan

BANTUAN AGENSI LAIN

Tube SME Corp (Geran dan Latihan)

***** *Elaun Pekerja Cacat (EPC) ditamatkan pada Januari 2020 kerana penama telah mampu berdikari dan telah berjaya dalam perniagaan yang diusahakannya.*

Penama seorang OKU fizikal dan penerima Elaun Pekerja Cacat (EPC) sebanyak RM 400 sebulan daripada JKM. Penama mengalami kecacatan dibahagian kaki kirinya yang tidak boleh dibengkokkan setelah terlibat dalam nahas jalan raya pada tahun 2006. Akibat daripada kemalangan tersebut tempurung kaki kirinya pecah dan dimasukkan besi pada peha kiri serta dipergelangan tangan kanan. Namun, penama masih mampu berjalan dan melakukan sebarang pekerjaan. Mohammad Ibrahim berusia 33 tahun dan telah berkahwin serta mempunyai 4 orang cahayamata berusia 11, 10, 8 dan 3 tahun. Penama sekeluarga tinggal menyewa di sebuah rumah kampung. Untuk kelangsungan kehidupan mereka sekeluarga, penama bekerja sebagai jurukimpal membuat pagar rumah, pintu besi dan sebagainya. Penama melakukan semua kerja-kerja kimpalan dirumahnya dengan menggunakan mesin milik majikan. Gaji penama dikira berdasarkan jumlah barangan yang dihasilkan dengan anggaran pendapatannya setiap bulan adalah serendah RM 700 hingga RM 1,200 sebulan.

Menurut Mohammad Ibrahim, keinginan untuk menjalankan perniagaan sendiri sentiasa bermain-main difikirannya. Namun, impian itu terpaksa ditangguhkan dahulu memandangkan penama tiada modal untuk membeli mesin potong besi yang berharga RM 5,000. Sementara mengumpul modal yang diperlukan, penama terus bekerja dengan majikannya.

Bukan mudah untuk mengumpulkan modal yang mencukupi bagi merealisasikan impiannya membuka perniagaan sendiri. Tambahan lagi pendapatan yang diterima tidak tetap dan hanya bergantung kepada

permintaan pelanggan. Justeru itu, penama turut membuat kerja sampingan dengan membantu bapa saudaranya bertukang rumah bagi menampung kehidupan mereka.

Impian Mohammad Ibrahim mula menampakkan sinar apabila JKM memilih penama sebagai peserta 2 *Years Exit Programme* (2YEP) pada tahun 2017 dan diluluskan Bantuan Geran Pelancaran sebanyak RM 2,700 sekaligus. Dengan bantuan yang diperolehi ditambah duit simpanannya selama ini, penama telah membeli sebuah mesin potong besi dan memulakan perniagaannya sendiri.

Dengan adanya mesin ini dapatlah penama menambahkan pendapatan dan meluaskan lagi perniagaannya. Selain itu, peralatan lain yang di beli menggunakan duit bantuan tersebut adalah mesin pematri, mesin pemotong besi dan mesin *grinder*. Penama juga telah mendapat bantuan geran perniagaan daripada SME Copration sebanyak RM10,000 dibawah Program Tunas Usahawan Belia Bumiputera (TUBE) 6.0 OKU pada Ogos 2019. Kini pendapatan penama boleh mencecah RM 2,000 hingga RM 4,000 sebulan dan telah mampu menikmati kehidupan yang lebih selesa.

Sekalung Penghargaan

Setinggi-tinggi penghargaan dan terima kasih diucapkan kepada semua pihak yang terlibat secara langsung atau tidak dalam penerbitan semua Buku Kisah Kejayaan Produktive Welfare Siri 5, terutama pekerja kes selaku agen perubahan **Agent of Change** kepada klien di peringkat daerah. Moga usaha kita dalam membimbing klien ke arah berdikari dan bebas dari kepompong kemiskinan beroleh keredhaan Allah. Diharapkan usaha ini mampu dilestarikan dan menjadi agenda utama dalam pembangunan modal insan secara konsisten dan menyeluruh.

JKM NEGERI PERLIS



ZULKIPLI BIN SAAD
JKMN Perlis

JKM WP KUALA LUMPUR



RIDUAN RAMLI

JKM NEGERI TERENGGANU



NORAINIE OTHMAN
PKMD Kuala Terengganu



**CHE ZALIFAH
CHE AB GHANI**
PKMD Kuala Terengganu



NURHAMIEZA JASNI
PKMD Marang



**KHAIRUL AZWIN
MOHD NOR**
PKMD Dungun

JKM NEGERI SELANGOR



**NIK AHMAD NABAL
NIK MANSOR**
PKMD Klang



ANIS ZAINOL ABIDIN
PKMD Gombak




**NOR FADLIZA
MAT SAARI**
PKMD Kuala Langat



MASLINA MUSTAFA
PKMD Sabak Bernam



MOHD HUSAIRI HUSSAIN
PKMD Sepang



SITI SALWA MOHD NOH
PKMD Shah Alam



**YUSLINA
YAHYA @ DAUD**
PKMD Shah Alam

JKM NEGERI JOHOR



**HAINATUN SA'DIAH
MD. SUKAIRI**
PKMD Kota Tinggi



JURIDAH BINTI JAMAT
PKMD Kulai



**NOOR FAZILAH
ABD LATIF**
PKMD Segamat

JKM NEGERI PAHANG



**MOHD FIRDAUS
MOHD LOSO**
PKMD Kuantan



**NADIRAH
ABU BAKAR**
PKMD Temerloh



**FAUZIAH
MOHD SHAH**
PKMD Rompin



**NURUL SAKINAH
MOHD KAMAL**
PKMD Maran



**NORFAIZAM
SAFA'AI**
PKMD Bera

JKM NEGERI KEDAH



MARDIAH MAHMUD
PKMD Yan



REGINA SHAARI
PKMD Kulim



**NUR SHAHELAH
AZIZ**
PKMD Kuala Muda



**SITI NURBAYA
MOHD SOBRE**
PKMD Padang Terap



**NURUL
SYAHINDAH
MUHD SALLEH**
PKMD Kulim

JKM NEGERI KELANTAN



AZNI FAZILA IBRAHIM
PKMD Gua Musang



MUSLINI MUHAMMAD
PKMD Kuala Krai



NIK HIM NIK ABDULLAH
PKMD Pasir Puteh


JKM NEGERI PERAK



**MUHD AIZUDDIN
MOHD YUSOFF**
PKMD Kerian



**ZURAINA
ABDUL RAHMAN**
PKMD Kerian



FADZILAH ABD LATIFF
PKMD LMS



HASLIANA HASSAN
PKMD Manjung

JKM NEGERI NEGERI SEMBILAN



NURMANJALINA SALLEH
PKMD Kuala Pilah



SITI RASHIDAH YUSOF
PKMD Tampin



MAZNAH AZIZ
PKMD Jempol



HASLIANA HASSAN
PKMD Manjung

JKM NEGERI MELAKA



JUNAINAH HUSIN
PKMD Melaka Tengah



**MUHD TAUFIQ
FIRDAUS RAHIM**
PKMD Alor Gajah



**SAIFOLBAHARI
SHAHIDAN**
PKMD Jasin


JKM NEGERI SABAH



**ANDY FATHMAL
MOHD IKHSAN**
PKD Nabawan



**ZURIFAH EBRAHIM
@ IBRAHIM**
PKD Penampang



**CAROLINE
TAY MOI LAN**
PKD Kemabong



**MUHD ALIF FATIHI
MOHD IRAMZY**
PKD Sandakan



**AWG HAFIZUL
AWG MUSLAINI**
PKB Kota Kinabalu

JKM NEGERI PULAU PINANG



SYAFINAS OTHMAN

PKMD Seberang
Perai Tengah



SITI ZANARIAH TARAZI

PKMD Barat Daya



MOHD KAFFE MISKAM

PKMD Seberang
Perai Selatan



NURUL WAHIDA YOB

PKMD Seberang
Perai Utara

